


續


唐

書

一







續 唐 書
(一)

陳 鱣 撰



成集書叢

編初

行發館書印務商

續唐書

本館據史學叢書
本排印初編各叢
書僅有此本

續唐書敘

唐受命二百九十年而後唐興。歷三十年。後唐廢而南唐興。又歷三十年而亡。此六十九年。唐之統固未絕也。後唐系出朱邪。然本於懿宗賜姓爲李。莊宗既奉天祐年號。至二十年。始改元同光。立廟太原。合高祖、太宗、懿宗、昭宗爲七廟。唐亡而實存焉。歐陽氏正統論序論云。伏見太宗皇帝時。常命薛居正等撰梁、後唐、晉、漢、周事爲五代史。凡一百五十篇。又命李昉等編次前世名號爲一篇。藏之祕府。而昉等以梁爲僞。此僞則史不宜爲帝紀。而後唐之事。當續劉昫唐史爲一書。或比二漢。離爲前後。則無曰五代者。於理不安。謹案昉等黜梁。實屬大公至正。與前人黜莽黜操正同。乃云於理不安。何歟。序論又云。今司天所用崇天厯。承天祐至十九年。而盡黜梁所建號。援之於古。惟張軌不用東晉大興。而虛稱建興。非可以爲後世法。蓋後唐務惡梁而欲黜之。厯家不識古義。但用有司之傳。遂不復改。謹案崇天厯承後唐書天祐十九年。蓋所謂周德雖衰。天命未改。且援之於古。亦不獨張軌爲然。昔周厲王失國。宣王未立。召公與周公行政。號曰共和。共和十四年。上不繫於厲王。下不繫於宣王。當時固未常云周之統絕也。以此爲例。則崇天厯所書。不可謂徒然矣。乃云不識古義。抑又何歟。今有人焉。爲盜所殺。欲全據其基業。有僕挺身出而

禦之艱難辛苦。攘除奸凶。而不改故主之名。仍奉故主之宗廟。則將與盜乎。與僕乎。夫人而知與僕不與盜也。朱全忠大逆無道。甚於莽操。人人得而誅之。何可不黜。後唐既係賜姓。收之屬籍。又有大勳勞於唐室。則繫於唐可耳。至石敬瑭叛主附敵。父人之父。聲實俱醜。將十六州內地。割獻殊方。肆然僭帝。斯固魯仲連所欲蹈海而死者。南唐爲憲宗五代孫。建王之元孫。祀唐配天。不失舊物。尤宜大書年號。以臨諸國。卽如當日契丹兒。晉而兄唐。高麗遣使江南。入貢僭臣。彼尙懷唐之威靈。故尊其後裔。不敢與它國齒。今奈何以晉漢周爲正。而反以南唐爲偏據乎。劉昫本知遠母弟。北漢四主。遠兼郭柴。宋太平興國四年受降。又後於南唐七年。宋統繼唐。勝於繼漢。繼周矣。薛氏修五代史。歐陽氏新修五代史記。並僭五代。所見俱不及此。馬陸二家南唐書。雖欲推尊。然未將南唐上接後唐。戚光年世總釋。始發其凡。終未有專成一書。寧非缺事。又案薛史裁制冗長。今亦殘闕。歐史紛立名目。徒亂章程。且八書十志。馬班相仍。各有撰述。乃誤信史通欲廢志之言。僅作司天職方二考。以致唐季典章法度。無可稽求。馬陸二書。互有得失。胡恢書久已無傳。然于烈祖已下。謂之載記。早爲（以下闕）

續唐書目錄

卷一……………一

莊宗紀

卷二……………一三

明宗紀

卷三……………二一

閔帝紀

卷四……………二五

末帝紀

卷五……………二九

烈祖紀

卷六……………三五

元宗紀

卷七……………四五

後主紀

卷八……………五一

紀元表

卷九……………六三

宗室表

卷十……………六七

諸國表

卷十一……………八一

大臣表

卷十二……………九九

禮儀志

卷十三……………一〇九

音樂志

卷十四……………一一七

天文志

卷十五……………一二三

五行志

卷十六……………一二九

地理志

卷十七……………一五七

選舉志

卷十八……………一六三

職官志

卷十九……………一八一

經籍志

卷二十……………二一五

食貨志

卷二十一……………二二三

刑法志

卷二十二……………二二九

岐世家第一

卷二十三……………二三五

吳世家第二

卷二十四……………二四三

梁世家第三

卷二十五……………二五三

蜀世家第四

卷二十六……………二六一

後蜀世家第五

卷二十七……………二六九

南漢世家第六

卷二十八……………二七七

楚世家第七

卷二十九……………二八三

吳越世家第八

卷三十……………二九一

閩世家第九

卷三十一……………二九七

南平世家第十

卷三十二……………三〇三

晉世家第十一

卷三十三……………三〇九

漢世家第十二

卷三十四……………三一七

周世家第十三

卷三十五……………三三三

后妃傳第一

貞簡曹太后

神閔劉皇后

昭懿夏皇后

和武曹皇后

宣獻魏太后

孔皇后

劉皇后

卷三十六……………三三一

后妃傳第二

元敬宋皇后

光穆鍾皇后

昭惠周后

繼室周后

卷三十七……………三三九

宗室傳第三

克讓

克修子嗣肱

克恭

邕王存美

薛王存禮

睦王存父

雅王存紀

從璟

從璨

重哲

雍王重美

克寧

永王存霸

申王存渥

通王存確

魏王繼岌

繼潼
繼蟾

繼嵩
繼堯

秦王從榮

許王從益

重吉

卷三十八……………三四七

宗室傳第四

楚王景遷

齊王景達

燕王宏冀

晉王景遂

江王景揚

慶王宏茂

南楚國公從善

江南國公從鎰

鄂國公從謙

昭平郡公從慶

文陽郡公從信

清源郡公仲寓

岐王仲宣

卷三十九……………三五五

諸臣傳第五

李嗣昭子繼輅

李嗣本

李嗣恩裴約

李存信

李存孝

李存進

李存璋

李存賢

卷四十……………二六三

諸臣傳第六

李建及賜姓名

李紹文賜姓名

符存審賜姓名

夏魯奇賜姓名

元行欽 賜姓名 李紹榮

王晏球 賜姓名 李紹虞

康延孝 賜姓名 李紹琛

段凝 賜姓名 李紹欽

霍彥威 賜姓名 李紹真

朱友謙 賜姓名 李紹麟

袁象先 賜姓名 李紹安

溫韜 賜姓名 李紹冲

卷四十一 三七五

諸臣傳第七

周德威

郭崇韜

史建瑄

李襲吉

卷四十二 三八三

諸臣傳第八

安重誨

袁建豐

符習

李嚴

安金全

西方鄴

烏震

卷四十三……………三九一

諸臣傳第九

李琪

鄭珏

李思

司空頰

朱漢賓

劉玘

周知裕

劉岳

馬縞

卷四十四……………三九九

諸臣傳第十

豆盧革

盧程

任圓

趙鳳

張憲

蕭希甫

劉贊

何瓚

張全義

卷四十五……………四〇九

諸臣傳第十一

王思同

張敬達

康義誠

藥彥稠

李仁矩

姚洪

康思立

朱宏昭

宋令詢

毛璋

卷四十六……………四一七

諸臣傳第十二

孔謙

劉延朗

張居翰

張延朗

張承業

卷四十七……………四二三

諸臣傳第十三

徐知證

徐知諤子遊

徐游

周宗

李德誠子建勳

徐玠

馬仁裕妻朱氏
子文義

卷四十八……………四二九

諸臣傳第十四

宋齊邱

刁彥能子衍

游簡言

王會

張居詠

張延翰

卷四十九……………四三七

諸臣傳第十五

王崇文

王彥儔

王建封

柴克宏

何敬洙

劉崇俊

劉彥貞

邊鎬

朱匡業

卷五十……………四四五

諸臣傳第十六

常夢錫

嚴續劉奐

張易

張義方

蕭儼

卷五十一……………四五

諸臣傳第十七

江文蔚

李貽業

歐陽廣

喬匡舜

張泌

卷五十二……………四五七

諸臣傳第十八

盧文進

李金全

皇甫暉子繼勳

孟堅孫謙

陳誨子德誠

林仁肇

卷五十三

四六三

諸臣傳第十九

陳喬

潘佑

廖居素

孫晟

劉仁瞻妻薛氏

卷五十四

四六九

諸臣傳第二十

張彥卿鄭昭業

張雄

胡則

申屠令堅劉茂忠

周宏祚

李延鄒

鍾蒨

高彥

廖澄

朱令贊

李元清

趙仁澤

段處常

卷五十五……………四七五

諸臣傳第二十一

韓熙載

徐鍇

高越

高遠

蒯鼈

郭昭慶

伍喬

魯崇範

廖凝

朱弼

卷五十六……………四八三

諸臣傳第二十二

姚景

陳起

汪煥

周彬

胡元龜

康仁傑

陳保極弟元亮

張維彬

鍾離瑾

許規

卷五十七……………四八九

諸臣傳第二十三

史虛白

沈彬

劉洞夏寶松

毛炳高元寂

顏詡

陳陶

陳況

陳曙

陳袞

卷五十八……………四九五

諸臣傳第二十四

查文徽

馮延巳

馮延魯

陳覺

魏岑

卷五十九……………五〇三

諸臣傳第二十五

鍾謨

李平

盧絳

龔慎儀

劉承勳

卷六十……………五〇九

諸國臣傳第二十六

李彥琦

李繼徽

胡敬璋已上岐臣

袁襲

高勳

李神福

張訓

陶雅

周本

嚴可求

賂知祥

汪台符

江夢孫已上吳臣

卷六十一……………五二九

諸國臣傳第二十七

葛從周

敬翔

霍存

符道昭

劉捍

寇彥卿

王彥章

張源德

劉鄩

牛存節已上梁臣

卷六十二……………五三一

諸國臣傳第二十八

馮涓

章莊

周庠

周德權

張道古

陳翔

鄧元明已上前蜀臣

趙季良

趙廷隱

趙崇溥

高彥儔

毋昭裔已上後蜀臣

卷六十三

五二九

諸國臣傳第二十九

趙光裔

楊洞潛

陳用拙

王定保妻吳氏

周傑

黃損

簡文會

鍾允章已上南漢臣

姚彥章

徐仲雅

廖匡圖

弟匡齊
彭師昌
子偃

劉昭禹

石文德

朱遵度已上楚臣

卷六十四

五四七

諸國臣傳第三十

羅隱

顧全武

杜稜子建徽

成及

鮑君福子修讓

曹圭子仲達

高彥子渭

屠瓌子龍驥晟

吳公約子重裕

許俊

皮光業子璨
已上吳越臣

卷六十五……………五五七

諸國臣傳第三十一

韓偓

陳嶠

黃滔

徐夔

翁承贊

鄭良士

章仔鈞妻練
子仁坦 仁燧

畱從效已上閩臣

梁震

孫光憲

李景威已上南平臣

卷六十六……………五六五

諸國臣傳第二十二

桑維翰

景延廣

劉昫

崔悅

沈斌

王清

吳巒

尹玉羽

鄭邀

趙瑩已上晉臣

卷六十七

五七三

諸國臣傳第二十三

王周

劉審交

蘇逢吉

史宏肇

楊邠

王章

李驥

趙華

李光美已上漢臣

卷六十八

五八一

諸國臣傳第三十四

鄭仁誨

王朴

扈載

高行周

史彥超

韓通

和凝

王仁裕

賈緯

楊凝式

馮道已上周臣

卷六十九.....五九一

外國傳第二十五

契丹

卷七十.....五九七

外國傳第三十六

奚

吐渾

達靺

党項

突厥
回鶻
新羅
南詔
昆明



吐蕃
高麗
黑水
牂牁

續唐書卷一

莊宗紀

海昌陳鱣撰

莊宗光聖神閔孝皇帝。名存勳。其先本號朱邪。蓋出於西突厥。至其後世。別自號曰沙陀。而以朱邪爲姓。貞元中。有盡忠者。居北庭之金滿州。遇吐蕃攻陷北庭。徙盡忠於甘州。後吐蕃爲回鶻所敗。盡忠與其子執宜東走。吐蕃追至。盡忠戰歿。執宜獨走歸唐。居之鹽州。以隸河西節度使范希朝。希朝徙鎮太原。執宜從之。居定襄神武川之新城。其部落萬騎。皆驍勇。號沙陀軍。執宜歿。其子曰赤心。咸通中。討龐勛有功。入爲金吾上將軍。賜姓李。名國昌。乃係鄭三房。出爲鎮武節度使。尋爲吐渾所襲。退保於神武川。及武皇鎮太原。表爲代北軍節度使。中和三年十月。薨。莊宗卽位。追諡盡忠爲昭烈皇帝。廟號懿祖。烈考國昌。追諡爲文皇。廟號獻祖。武皇名克用。卽獻祖之第三子。善騎射。能仰中雙鳧。爲雲中守。促使殺大同軍防禦使段文楚。據雲州。自僭留後。唐以太僕卿盧簡方爲振武節度使。會幽。并兵討之。簡方行至嵐州。軍潰。由是沙陀侵掠代北。爲邊患矣。僖宗卽位。以爲前太原節度使李業遇沙陀有恩。而業已死。乃以其子鈞爲靈

武節度使宣慰沙陀六州三部落使以招輯之。以武皇爲大同軍防禦使。居久之。獻祖出擊党項。吐渾赫連鐸襲破振武。舉族爲其所虜。武皇迎獻祖歸雲州。雲州人拒關不納。武皇掠蔚、朔之地。得三千人。屯神武川之新城。天子乃拜鐸大同軍使。以李鈞爲代北招討使。以討沙陀。乾符五年。沙陀破遮羅軍。又破岢嵐軍。而唐兵數敗。沙陀由此益熾。北據蔚、朔。南侵忻、代。嵐、石。至於太谷焉。廣明元年。招討使李琢會幽州李可舉、雲州赫連鐸擊沙陀。大敗之。武皇乃率其屬奔於達勒。武皇少驍勇。軍中號曰李鷓兒。其一目眇。及其貴也。又號獨眼龍。其威名蓋於代北。其在達勒。久之。鬱鬱不得志。又常懼其圖己。因時時從其羣豪射獵。或挂鍼於木。或立馬鞭。百步射之。輒中。羣豪皆服以爲神。黃巢已陷京師。中和元年。代北起軍使陳景思發沙陀先所降者吐渾安慶等萬人赴京師。行至絳州。沙陀軍亂。大掠而還。景思念沙陀非武皇不可將。乃以詔書召於達勒。承制以爲代州刺史。雁門以北行營節度使。率蕃漢萬人出石嶺關。過太原。求發軍錢。節度使鄭從讜與之錢千緡。米千石。武皇怒。縱兵大掠而還。二年十一月。復以步騎萬七千至京師。三年正月。至於河中。進屯乾陀。巢黨驚曰。鷓兒軍至矣。二月。敗巢將黃鄴於石隄谷。三月。又敗趙章。尚讓於良田坡。是時諸鎮兵皆會長安。大戰渭橋。賊敗走入城。乘勝追之。巢敗南走。出藍田關。京師平。七月。天子授武皇檢校司空。同中書門下平章事。河東節度使。十月。顯祖卒。十一月。遣其弟克修攻昭義。孟方立取其澤、潞二州。方立走山東。以邢、洛、慈三州自別爲昭義軍。黃巢南走。至蔡州。降秦宗權。遂攻陳州。中

和四年春。武皇以兵五萬救陳州。出天井關。假道河陽。諸葛爽不許。乃自河中渡河。四月。敗尙讓於太康。又敗黃鄴於西華。巢且走且戰。至中牟。臨河未度。而武皇追及之。賊衆驚潰。比至封邱。又敗之。巢脫身走。武皇追之。至於冤胸。不及而還。過汴州。休軍封禪寺。朱全忠饗武皇於上原驛。夜酒罷。武皇醉臥。伏兵發。火起。侍者郭景銖滅燭。匿武皇牀下。以水醒面。而告以難。會天大雨。滅火。武皇得從者薛鐵山、賀回鶻等。隨電光絕尉氏門出。還軍中。七月。至於太原。認其事於京師。請加兵於汴。僖宗和解之。田令孜有隙。徙重榮兗州。以定州王處存爲河中節度使。詔武皇以兵護處存。重榮使人給曰。天子使重榮俟其至。與處存共誅之。因僞爲詔書示武皇曰。此朱全忠之謀也。武皇信之。入上表。請誅全忠。僖宗不許。武皇大怒。重榮既不肯從。僖宗遣邠州朱玫、鳳翔李昌符討之。武皇反以兵助重榮。敗玫於沙苑。遂犯京師。縱火大掠。天子出居於興元。武皇退屯河中。朱玫亦反。以兵追天子。不及。得襄王煊。迫之稱帝。屯於鳳翔。僖宗遣諫議大夫劉崇望。以詔書召武皇。使進兵討玫等。武皇陽諾而不行。閒道奉表於行在。始朝廷意。玫結武皇用。迫乘輿。及表至。示羣臣。因騰曉山南諸鎮。行在少安。王行瑜斬玫。武皇以千騎經略京畿。文德元年二月。僖宗自興元還京。三月。僖宗崩。昭宗卽位。進武皇檢校太師兼侍中。大順元年。遣存孝攻邢州。孟遷以邢。磁三州降。乃遣安金俊攻赫連鐸於雲州。幽州李匡威救鐸。戰於蔚州。金俊大敗。於是匡威、鐸及朱全忠等。皆請因其敗伐之。宰相張浚是其計。乃下制削武皇官爵。以浚爲招討使。韓建爲副使。是時潞州將

馮霸叛降於梁。梁遣葛從周入潞州。朝廷以孫揆爲昭義軍節度使。武皇遣存孝執揆於長子。又遣康君立取潞州。十一月。濬及武皇戰於陰地。濬軍三戰三敗。由含山路遁去。大順二年春正月。武皇上表自訴其辭。慢侮。優詔荅之。復拜爲河東節度使。隴西郡王加檢校太師兼中書令。四月。攻赫連鐸於雲州。鐸走吐渾。八月。大蒐於太原。出晉絳。掠懷孟。至於邢州。遂攻王鎔於鎮州。十月。李存孝董前軍。取臨城。進攻元氏。李匡威救鎔。武皇退軍邢州。景福元年正月。王鎔攻邢州。李存信、李嗣勳等敗鎔於堯山。二月。會王處存攻鎔。戰於新市。爲鎔所敗。八月。李匡威攻雲州。武皇潛軍入於雲州。詰旦出騎軍以擊之。匡威敗走。十月。李存孝以邢州叛。景福二年春。大舉以伐王鎔。以其通好於李存孝也。二月。攻天長鎮。七月。討李存孝於邢州。遂攻平山。渡漳水。攻鎮州。王鎔懼。以帛五十萬犒軍。請修舊好。乃出兵助攻邢州。乾寧元年。執存孝。殺之。冬。攻幽州。李匡儔棄城走。追至景城。見殺。以劉仁恭爲畱後。乾寧二年六月。武皇自晉陽趨三輔。討鳳翔李茂貞。邠州王行瑜、華州韓建之亂。先是三帥稱兵。同弱王室。時河中節度使王重盈卒。其子珂卽武皇之子壻也。與兄珙爭立。武皇請立珂。三帥請立珙。昭宗兩難之。乃以宰相崔胤爲河中節度使。旣而許立珂。三帥怒。遂以兵犯京師。聞武皇亦起兵。乃皆罷去。是月。攻絳州。斬刺史王瑤瑤。珙弟助珙以爭者。七月。至於河中。同州王行約奔京師。陽言曰。沙陀十萬至矣。謀奉天子幸邠州。茂貞假子閻圭亦謀劫幸鳳翔。京師大亂。昭宗出居於石門。武皇軍留月餘不進。昭宗遣延王戒丕、丹王允兄事武皇。且告急。八

月。武皇進軍渭橋。以爲邠寧四面行營都統。昭宗還京師。十一月。武皇破邠州。王行瑜走至慶州。見殺。武皇還軍雲陽。請擊茂貞。天子慰勞。使解仇紆難。賜武皇忠貞平難功臣。進封晉王。是時晉軍渭北。武皇上表言。統領大軍。不敢徑赴朝覲。遂班師。乾寧三年正月。昭宗復以張濬爲相。試皇曰。此朱全忠之謀也。乃上表曰。若陛下朝以濬爲相。則臣將暮至闕廷。京師大恐。濬命遽止。三月。武皇大掠相。魏諸邑。六月。破魏。成安。洹水。臨漳等十餘邑。十月。又敗魏人於白龍潭。進攻觀音門。全忠救至。乃解。乾寧四年。劉仁恭叛晉。武皇擊之。戰於安塞。武皇大敗。光化元年四月。朱全忠遣葛從周攻下邢。洺。磁三州。九月。武皇遣周德威出青山口。十月。遇從周於張公橋。德威大敗。冬十二月。潞州薛志勤卒。李罕之據潞州叛。附於朱全忠。光化二年春正月。全忠遣氏叔琮攻破承天軍。又破遼州。至於榆次。周德威敗之於洞渦驛。秋八月。李嗣昭復取澤潞。光化三年秋七月。嗣昭敗汴軍於沙河。復取洺州。朱全忠自將圍之。嗣昭走至青山口。遇伏兵。敗。冬十月。嗣昭取懷州。是歲。汴人攻鎮定。鎮定絕晉附全忠。天復元年春。全忠封梁王。梁攻下晉。絳。河中。執王珂歸。晉失三與國。乃下意爲書幣。聘梁求和。梁以晉弱可取。乃曰。晉雖請盟。而書辭慢。因大舉擊晉。四月。氏叔琮入天井。張文敬入新口。葛從周入土門。王處直入飛狐。侯言入陰地。叔琮取澤潞。其別將白奉國破承天軍。遼州守將張鄂以城降。都人大恐。會霖雨積旬。梁兵多疾。皆解去。五月。晉復取汾州。誅李塘。六月。周德威。李嗣昭取慈。隰。天復二年二月。進攻晉。絳。大敗於蒲縣。梁軍乘勝破汾。慈。隰三州。遂圍太

原武皇懼。謀出奔。未決。梁軍大疫。解去。德威復取三州。天復三年正月。天子自鳳翔歸京。天復四年。梁遷唐都於洛陽。改元曰天祐。武皇以爲劫天子以遷都者。梁也。天祐非唐號。不可稱。仍稱天復。八月。朱全忠弑昭宗於洛陽宮。輝王卽位。告哀使至晉陽。武皇南向慟哭。三軍縞素。天復五年春。會契丹於雲中。約爲兄弟。天復六年九月。梁攻燕滄州。武皇爲燕出兵。破潞州。梁圍解去。天復七年夏四月。朱全忠僭稱皇帝。僞國號梁。僞年號開平。廢昭宣帝爲濟陰王。武皇復稱天祐四年。淮南。蜀移檄興復唐室。天祐五年正月辛卯。武皇薨於晉陽。年五十三。莊宗卽位。追諡武皇帝。廟號太祖。陵在雁門。

莊宗。武皇之長子也。母貞簡皇后曹氏。以光啟元年乙巳冬十二月癸亥生於晉陽。及爲嬰兒。體貌奇特。沈厚不羣。武皇鍾愛之。年十一。從討王行瑜。令獻捷京師。昭宗駭異之。賜以灘鷲卮。翡翠盤。而撫其背曰。兒有奇氣。後當貴。無忘予家。及長。善騎射。膽勇過人。習春秋。手自繕寫。略通大意。尤喜歌舞。天祐五年正月。卽位於晉陽。時年二十有四。叔父克寧殺都虞候李成質。倖臣史敬鎔告克寧謀叛。二月壬戌。執而戕之。是月。朱全忠弑昭宣帝於曹州。帝聞之。舉哀號慟。四月。召德威軍自亂柳還晉陽。梁夾城兵聞晉有大喪。德威軍且去。因頗懈。帝謂諸將曰。梁人幸我大喪。謂我少而新立。無能爲也。宜乘其怠擊之。乃出兵趨上黨。五月辛未朔。行至三垂岡。歎曰。此先王置酒處也。會天大霧。晝暝。兵行霧中。攻其夾城。破之。梁軍大敗。凱還告廟。九月。蜀王王建。岐王李茂貞及楊崇本攻梁大安。帝亦遣周德威攻其晉陽州。敗梁軍於神

山。天祐六年秋七月，梁之叛將劉知俊來乞師。帝自將至陰地關，遣周德威攻晉州，敗梁軍於蒙阮。天祐七年冬十月，梁攻上黨。十一月，趙王王鎔來乞師，乃救趙。天祐八年春正月，梁改號乾化。帝敗梁軍於柏鄉，斬首二萬級，獲將校二百八十五人，馬三千匹。進攻邢州，不下，留兵圍之。去攻魏，別遣周德威、狗梁、夏津、高唐攻博州，破東武廟城，遂擊黎陽、臨河、淇門，掠新鄉，共城。燕王劉守光聞之，乃大治兵，聲言助晉。帝患之，乃旋師。七月，會趙王王鎔於承天軍。劉守光稱帝於燕。天祐九年正月，遣周德威會鎮定以攻燕。守光求救於梁。梁軍攻趙，屠棗疆。李存審擊走之。六月，朱全忠爲其子友珪所弑。八月，朱友謙以河中叛於梁。來降。梁遣康懷英討友謙。友謙復臣梁，而亦陰附於晉。天祐十年春二月，朱友貞殺友珪而自立，更名鎰。十月，劉守光請降。帝如幽州，守光背約不降，攻破之。天祐十一年春正月壬子，誅劉守光於太原，刺其父仁恭心血祭雁門陵。然後斬之。於是趙王王鎔、北平王王處直奉册推帝爲尙書令，始建行臺。七月，攻梁邢州，戰於張公橋。帝軍不利而退。天祐十二年春正月，朱友貞改號貞明。三月，魏州軍亂，賀德倫以魏博二州叛。梁來附。帝入魏州，行至永濟，誅其亂首張彥。以其兵五百入衛，號帳前銀鎗軍。六月，兼領魏博節度使，取德州。七月，取澶州。劉鄩軍於洹水。帝率百騎窺其營，遇鄩伏兵，圍之數重，決圍而出，亡七八騎。八月，梁復取澶州。帝與鄩對壘於莘，聲言西歸。鄩疑已去，卽引兵擊魏。攻城東。帝行至貝州，返擊鄩，大敗之。追至故元城，又敗之。鄩走黎陽。三月，攻梁衛州，降其刺史米昭。克慈州，殺其刺史靳昭。四月，克洺州。八

月圍邢州。降其節度使閻寶。梁張筠棄相州。戴思遠棄滄州而逃。遂取二州。而貝州人殺梁守將張源德。以城降契丹。寇蔚州。執振武節度使李嗣本。天祐十四年二月。契丹寇新州。遂寇幽州。李嗣源擊走之。冬十二月。梁人據楊劉。帝率騎破之。天祐十五年春正月。梁軍相拒於楊劉。決河水以限帝軍。六月。渡水擊破之。秋八月辛丑朔。大閱於魏。合盧龍、橫海、昭義、安國及鎮定之兵十萬軍於麻家渡。王彥章軍於行臺。十二月。進軍臨濮。梁軍追之。軍敗。周德威死之。梁軍據土山。復進擊。大敗之。遂軍德勝。爲夾寨。天祐十六年三月。帝兼領幽州。梁王瓚攻德勝南城不克。十月。廣德勝北城。敗梁軍於河南。天祐十七年夏五月。朱友貞改號龍德。秋七月。朱友謙襲同州。梁遣劉鄩擊之。李存審敗梁於同州。天祐十八年春正月。魏州僧傳眞獲傳國寶。獻於行臺。二月。趙將張文禮弑其君鎔來請命。乃以文禮爲鎮州兵馬留後。三月。河中節度使朱友謙、昭義節度使李嗣昭、滄州節度使李存審、定州節度使王處直、邢州節度使李嗣源、鎮州兵馬留後張文禮、領天平軍節度使閻寶、大同軍節度使李存璋、振武軍節度使李存進、匡國軍節度使朱令德各勸進。請紹唐帝位。帝三辭。又三請。帝攜抑久之。八月庚申。遣兵馬留後符習及閻寶、史建瑭等攻張文禮於鎮州。建瑭取趙州。文禮卒。其子處瑾閉門拒守。九月。建瑭戰死。十月。梁戴思遠攻德勝北城。李嗣源敗之於戚城。王處直叛附於契丹。其子都幽於別室。以來附。十二月。契丹寇涿州。遂寇定州。天祐十九年春正月。敗契丹於新城。望都。追奔至於幽州。三月。閻寶敗於鎮州。以嗣昭代之。四月。嗣昭戰死。以李

存進代之。八月，梁取衛州。九月，存進敗鎮人於東垣。存進戰死。十月，李存審克鎮州。鎮人請帝兼領本鎮。從之。

同光元年春三月，李繼韜以潞州叛。附於梁。夏四月己巳，卽皇帝位。改天祐二十年爲同光元年。國號唐。大赦天下。行臺左丞相豆盧革爲門下侍郎。右丞相盧程爲中書侍郎。平章事兼修國史。中門使郭崇韜、昭義監軍張居翰爲樞密使。以魏州爲東京。太原爲西京。鎮州爲北都。閏月，追尊祖考爲皇帝。妣爲皇后。曾祖執宜、祖妣崔氏皆諡曰昭烈。廟號懿祖。祖妣秦氏皆諡曰文景。廟號獻祖。考諡曰武。廟號太祖。立廟於太原。自唐高祖、太宗、懿宗、昭宗爲七廟。壬寅，李嗣源取鄆州。五月辛酉，梁人取德勝南城。六月，及王彥章戰於新壘。敗之。是月，盧程罷。秋八月，梁人克澤州。守將裴約死之。九月戊辰，李嗣源及王彥章戰於遞坊。敗之。冬十月壬申，如鄆州以襲梁。甲戌，取中都。丁丑，取曹州。己卯，滅梁。朱鎰自使其將皇甫麟進刀而殺。獲其首來獻。梁敬翔自殺。丙戌，貶鄭珪爲萊州司戶。蕭頊登州司戶。殺李振、趙巖、張漢傑、朱珪。滅其族。詔除毀梁宗廟。廢朱全忠、朱鎰爲庶人。己丑，德音降死罪囚流以下原之。十一月乙巳，復北都爲鎮州。太原爲北都。丙辰，復汴州爲宣武軍。丁巳，尙書左丞趙光允爲中書侍郎。禮部侍郎韋說同中書門下平章事。戊午，新羅國王金朴英遣使入貢。辛酉，復永平軍爲西都。甲子，如洛京。十二月庚午朔，至西京。辛巳，李繼韜伏誅。弟繼達殺其兄繼儔於潞州。壬辰，田於伊闕。

同光二年春正月。河南尹張全義及諸鎮進暖殿物。己酉。求唐宦者。庚戌。新羅王金朴英遣使朝貢。乙卯。渤海國遣使朝貢。庚申。幸河陽。辛酉。至自河陽。丁卯。七廟神主。至自太原。祔於太廟。朝獻於太微宮。戊辰。享於太廟。二月己巳。朔。有事於南郊。大赦。癸酉。羣臣上尊號曰昭文睿武至德光孝皇帝。戊寅。幸李嗣源第。癸未。立劉氏爲皇后。三月庚戌。賜從平汴州及入洛南郊。立仗軍士等功臣。庚申。以李塗爲檢視諸陵使。夏五月壬寅。教坊使陳俊爲景州刺史。內園裁接使儲德原爲憲州刺史。丙辰。渤海國王遣使來貢。丙寅。李嗣源克潞州。六月己丑。封回紇王仁美爲英義可汗。秋七月己酉。幸雷山賽神。八月大雨霖。河溢。九月壬子。置水於城門。以禳熒惑。甲寅。幸郭崇韜第。丙寅。黑水國遣使朝貢。冬十月癸未。左熊威將軍趙暉妻一產三男子。十一月癸卯。田於伊闕。丙午。至自伊闕。十二月庚午。帝及皇后幸張全義第。

同光三年春正月庚子。如東京。毀卽位壇爲鞠場。二月。聚鞠於新場。乙亥。幸王莽河射燕。辛巳。突厥、渤海皆遣使入貢。三月乙未。寒食。望祭於西郊。庚申。至自東京。辛酉。改東京爲鄴都。以洛京爲東都。夏四月乙亥。帝及皇后幸郭崇韜、朱漢賓第。旱。庚寅。趙光允薨。五月丁酉。皇太妃薨。廢朝三日。己酉。黑水女真遣使入貢。六月辛未。宗正卿李紆爲昭宗少帝改卜園陵使。辛卯。詔括天下私馬。秋七月壬寅。皇太后崩。九月庚子。魏王繼岌爲四面行營都統。郭崇韜爲招討使。以伐蜀。自六月雨。至於是月。丁巳。幸尖山射燕。冬十月壬午。奚吐渾、突厥遣使入貢。戊子。葬貞簡太后於坤陵。十一月丁未。高麗遣使入貢。己酉。蜀王衍降。十

二月己卯狩於白沙癸未還宮閏月辛亥封弟存美爲邕王存霸永王存禮薛王存渥申王存乂陸王存確通王存紀雅王

同光四年春正月壬戌降死罪囚甲子魏王繼岌殺郭崇韜及其三子於蜀戊寅契丹遣使貢馬庚辰異母弟存乂伏誅殺節度使李繼麟滅其族丙戌回鶻遣使入貢丁亥殺李繼麟之將史武等七人滅其族二月己丑宣徽南院使李紹茂爲樞密使癸巳鄴都將軍趙在禮反於貝州甲午田於冷泉趙在禮陷鄴都武寧節度使李紹榮討之邢州將軍趙太反東北面招討使李紹真討之甲辰成德軍節度使李嗣源討趙在禮三月趙太伏誅李嗣源反博州守將翟建自稱刺史甲子殺王衍滅其族乙丑車駕發京師壬申次滎澤龍驤指揮使姚彥溫以前鋒軍叛降於李嗣源入於汴甲戌至自萬勝從馬直指揮使郭從謙反夏四月丁丑朔帝崩於絳霄殿之廡下時年四十二天成元年七月丁卯有司上諡曰光聖神閔孝皇帝廟號莊宗是月丙子葬於雍陵

述曰莊宗承武皇之雄圖力戰而平汴洛世讎旣復國祚中興其大端在於存唐天祐之紀年奉東京之廟社使天下猶知有唐當日諸藩用天祐年號者劍南不久卽止淮南已先稱制鳳翔雖始終不改然預有誤國之罪使莊宗得前此數年滅梁輔臣多若張承業之徒言聽計從安知不求唐之宗子而立之何必不追美於共和是以宋庠作紀年通譜以天祐四年引而下接同光例符於司天所用崇天厯其識

誠高出於修五代史者遠矣。惟自同光以後，近聲色以亂朝綱，黷貨財以結衆怨，蓋得之甚難，失之甚速，由於縱欲而不近理，居安而不思危，有國家者，可無戒哉。

續唐書卷二

明宗紀

明宗聖德和武欽孝皇帝。名亶。初名嗣源。及卽位。改今名。代北人也。皇考電。追尊孝成皇帝。皇妣劉氏。追諡孝成懿皇后。帝卽孝成之元子。咸通八年丁亥九月九日。生於應州之金城縣。初孝成爲部將。武皇之鎮雁門也。孝成厭代。帝年甫十三。善騎射。旣壯。雄武謙和。執事恭敬。武皇養爲子。賜名嗣源。乾寧三年。梁攻兗鄆。朱宣來乞師。武皇遣李存信將兵三萬救之。屯於莘縣。不進。存信遣帝別以兵三千擊梁。梁兵解去。存信旋爲羅宏信所敗。帝奮命殿軍而還。武皇嘉之。卽以所將五百騎號曰橫衝部。光化三年。李嗣昭攻梁邢。洺出青山。遇葛從周兵。大敗。梁兵追之。會帝本軍至。謂嗣昭曰。爲公一戰。乃解鞍礪鏃。憑高列陣。左右指畫。梁人莫測。因呼曰。吾取葛公。士卒可無動。乃馳騎犯之。出入奮擊。嗣昭繼進。梁兵解去。帝身中四矢。武皇解衣賜藥以勞之。由是李橫衝名重四方。天祐五年五月。晉梁相拒於柏鄉。梁龍驤將軍以赤白馬爲兩陣。旗幟鎧仗。皆如馬色。晉兵望之皆懼。莊宗舉酒以飲帝曰。望梁家赤白馬。懼否。帝曰。有其表耳。翼日歸吾廐也。莊宗大笑曰。卿已氣吞之矣。因引鐘飲爵。奮槌馳騎。犯其白馬。挾二將校而回。梁兵敗。

以功拜代州刺史。莊宗攻劉守光，帝及李嗣昭將兵三萬，別出飛狐，定山後，取武、媯、儒三州。魏州既平，因狗下磁相，拜相州刺史，昭德軍節度使。久之，徙鎮安國。契丹攻幽州，莊宗遣帝與閻寶等擊走之。同光元年四月，莊宗即位，進帝檢校太傅兼侍中，尋命帝率步騎五千襲鄆州，下之，授天平軍節度使。五月，梁人陷德勝，莊宗退保楊劉。梁將王彥章急攻鄆州，莊宗悉軍救之，以帝爲前鋒，敗梁軍於中都，生擒王彥章等。而是時段凝悉將梁兵屯河上，莊宗未知所向，諸將多云乘勝以取青、齊，惟帝勸取汴州。莊宗然之，帝卽時以千騎前進。十月己卯，帝先至汴州，攻封邱門，王瓚開門出降。莊宗後至，見帝大悅，手引其衣，以首觸之曰：「天下與爾共之。」拜中書令。二年二月，莊宗以郊天賜之鐵券。五月，擒楊立以獻。六月，進位太尉，移鎮宣武兼蕃漢總管。十二月，契丹入寇。三年正月，帝敗之於涿州，徙鎮成德。莊宗幸鄴，請朝行在，不許。貞簡太后疾，請入省，又不許。太后崩，請赴山陵，許之。而契丹侵邊，乃止。十二月，朝於洛陽。時朱友謙、郭崇韜皆以讒死，帝以名位高，亦見疑忌。四年二月，趙在禮反於魏，大臣皆請遣帝討賊。莊宗不許，固請，乃遣之。三月壬子，帝至鄴都，在禮登城謝罪。甲寅，軍變，帝入於魏，與在禮合。夜至魏縣，丁巳，以其兵南，遣石敬瑭將三百騎爲先鋒，帝行過鉅鹿，獲官馬三千匹，以益軍。壬寅，入汴。四月丁亥朔，莊宗崩，帝痛哭不自勝。己丑，入洛陽。甲午，監國。朝羣臣於興聖宮。乙未，中門使安重誨爲樞密使，殺宋州節度使元行欽及租庸使孔謙。壬寅，以樞密副使安循爲樞密使。

天成元年四月丙午。帝自興聖宮赴西宮。卽皇帝位於柩前。易斬衰以袞冕。丁未。遣使往諸道及淮南告哀。辛亥。始聽政。壬子。魏王繼岌薨。甲寅。受朝制。改同光四年爲天成元年。大赦天下。乙卯。渤海國王大諲譔遣使朝貢。是月。張居翰罷。五月丙辰朔。太子賓客鄭珪。工部尙書任寰爲中書侍郎同中書門下平章事。戊辰。趙在禮爲義成節度使。六月丁酉。汴州控鶴軍亂。指揮使張諫殺其權知州事高遯。己亥。諫伏誅。秋七月庚申。安重誨殺殿直馬延於御史臺門。契丹。渤海國俱遣使朝貢。己卯。貶豆盧革爲辰州刺史。革說。澠州刺史。甲申。流革於陵州。說於合州。丁酉。內出象笏三十二。賜百官之無笏者。己亥。契丹寇邊。丁未。平盧節度使霍彥威殺登州刺史王公儼。九月己未。幸至德宮及袁建豐第。冬十月。雲南山後雨林。百蠻都鬼主右武衛大將軍李卑晚遣大鬼主傅能。何華等來朝貢。辛丑。契丹遣使告哀。輟朝。旱。辛亥。雨。天成二年春正月癸丑朔。更名竄。癸亥。兵部侍郎馮道。太常卿崔協爲中書侍郎同中書門下平章事。二月壬午朔。新羅遣使朝貢。壬辰。西川節度使孟知祥殺其兵馬都諫李嚴。丙申。赦京師囚。郭從謙爲景州刺史。旣而殺之。戊戌。山南東道節度使劉訓爲南面招討使。以伐荆南。三月壬子朔。幸會節園。羣臣買晏。盧革軍亂。殺其將烏震。新羅國遣使來貢。四月。盧臺軍將龍陞等伏誅。六月丙戌。任寰罷。庚子。幸白司馬坡。祭突厥神。秋七月甲子。隨州刺史西方鄴取夔忠。萬州。癸酉。殺豆盧革。韋說。八月乙酉。昆明大鬼主九部落及牂牁遣使朝貢。九月庚午。党項遣使朝貢。壬申。契丹遣使朝貢。冬十月乙酉。駕發西京。宣武軍節

度使朱守殷反。馬步軍都指揮使馬彥超死之。己丑。守殷自殺。乙未。殺太子少保致仕任寰。辛丑。詔釋輕繫囚。是月。傳箭於霍彥威。十一月乙亥。契丹遣使通和。十二月己丑。回鶻西界吐蕃遣使朝貢。丙午。追尊四廟。立廟於應州。

天成三年春正月丁巳。契丹陷平州。二月乙未。孔循罷。三月丁未朔。以久雨。詔求直言。己未。鄭珪罷。癸亥。成德軍節度使王建立爲右僕射兼中書侍郎平章事。西方鄴克歸州。戊辰。宣徽南院使范延光爲樞密使。尋罷。夏四月乙酉。達靺遣使朝貢。義武軍節度使王都反。壬寅。以王晏球爲北面行營招討使。五月。契丹入於定州。秋七月壬戌。殺齊州防禦使曹廷隱。八月。盧龍軍節度使趙德執契丹首領。慶州防禦使竇廷琬反。冬十月。靜難軍節度使李敬周討之。十一月甲午。王建立罷。十二月甲辰。李敬周克慶州。竇廷琬伏誅。

天成四年春正月壬辰。回鶻入朝。二月癸卯。王晏球克定州。甲子。車駕發汴州。三月丙戌。殺姪從璨。夏四月壬子。契丹寇雲州。甲寅。端明殿學士趙鳳爲門下侍郎兼工部尚書平章事。五月己巳。朝羣臣賀朔。乙酉。追諡少帝曰昭宣光烈孝皇帝。契丹寇雲州。秋七月壬申。殺右金吾衛上將軍毛璋。八月。黑水遣使來朝。丁未。吐渾首領入貢。乙卯。党項首領入貢。九月癸巳。殺供奉官烏昭遇。

長興元年春正月。宣徽南院使朱宏昭充大內留守。二月己亥。黑水遣使入貢。乙巳。天雄軍節度使石敬瑭

璿爲御營使。癸丑。朝獻於太微宮。甲寅。享於太廟。乙卯。有事於南郊。改天成五年爲長興元年。大赦天下。三月庚寅。立淑妃曹氏爲皇后。夏四月戊戌。安重誨使河中。衙內指揮使楊彥溫逐其節度使從珂。辛亥。西京留守索自通執彥溫殺之。戊午。羣臣上尊號曰聖明神武文德恭孝皇帝。秋七月壬午。訪莊宗子孫瘞所。八月乙未。忠武軍節度使張延朗爲三司使。壬寅。殺捧聖軍使李行德。十將張儉滅其族。吐渾來附。封子從榮爲秦王。戊申。海州將王傳極殺其刺史陳宣。叛吳來降。丙辰。封子從厚爲宋王。九月癸未。東川節度使董璋反。甲申。成德軍節度使范延光爲樞密使。丁亥。石敬瑭爲東川行營都招討使。冬十月己亥。頒冰。乙巳。董璋陷閬州。殺節度使李仁矩。指揮使姚洪死之。孟知祥反。十一月庚申朔。秦王從榮受冊於文明殿。丙戌。契丹東丹王突欲來奔。十二月丁未。二王後秘書丞鄴國公楊仁矩卒。輟朝。丁巳。回鶻遣使來朝。安重誨討董璋。沙州遣使來朝。

長興二年春正月丁丑。契丹東丹王進本國三印。三月丁亥。太常卿李愚爲中書侍郎平章事。夏四月甲辰。宣徽北院使趙延壽爲樞密使。甲寅。董璋陷遂州。節度使夏魯奇死之。閏五月丁酉。安重誨妻子並賜死。冬十二月甲寅朔。除鐵禁。初稅農具錢。

長興三年春正月庚子。契丹遣使朝貢。己酉。渤海回鶻吐蕃遣使朝貢。二月辛未。中書奏請依石經文字刻九經印版。從之。己卯。靜難軍節度使藥彥稠及党項戰於牛兒谷。敗之。三月甲申。契丹遣使朝貢。夏四

月甲寅。新羅遣使入貢。五月己丑。二王後詹事司直楊延紹襲封鄴國公。六月甲寅。封王建爲高麗國王。大義軍使孟知祥殺董璋。陷東川。秋七月辛巳朔。天下兵馬都元帥錢鏐薨。輟朝三日。八月己卯。吐蕃遣使朝貢。冬十月庚申。幸至德宮。因幸石敬瑭第。

長興四年春正月庚寅。端明殿學士兵部侍郎劉昫爲中書侍郎平章事。二月戊午。孟知祥使朱泚來朝。三月甲辰。追冊晉國夫人夏氏爲皇后。夏五月戊寅。封子從珂爲潞王。從益許王姪從溫。從璋。洋王。從敏。涇王。丙戌。契丹遣使朝貢。秋七月乙未。回鶻獻白鶻。命放之。八月庚申。大赦天下。九月戊戌。趙延壽罷山南東道節度使。朱宏昭爲樞密使。壬申。幸士和亭。得疾。十一月壬辰。秦王從榮以兵入興聖宮。不克。伏誅。乙未。都指揮使康義誠殺三司使孫岳。戊戌。崩於雍和殿。年六十七。應順元年四月。上諡曰聖德和武欽孝皇帝。廟號明宗。是月二十七日。葬於徽陵。

述曰。舊史稱明宗能力行乎王化。政皆中道。時亦小康。是矣。其能得大體者。追諡少帝曰昭宣。光烈孝皇帝。又令國子監校定九經。雕爲印版。流布天下。後進賴之。誰謂季世無善政哉。攷五代史闕文云。明宗出自邊地。老於戰陳。卽位之歲。年已六旬。純厚仁慈。本乎天性。每夕。宮中焚香。仰天禱祝云。某蕃人也。遇世亂。爲衆推戴。事不獲已。願上天早生聖人。與百姓爲主。案此事。新修史記亦載於論。託爲長老之言。後人罕知其出於闕文也。又五代史補云。明宗之在位也。一旦幸倉場觀納。時主者以車駕親臨。懼得其罪。較

量甚輕。明宗因謂之曰。且朕自省事以來。倉場散給。動經一二十年未畢。今較量如此。其後銷折。將何以償之。對曰。竭盡家產不足。則繼之以身命。明宗愴然曰。只聞百姓養一家。未聞一家養百姓也。今後每石加二斗耗。以備鼠雀侵蠹。謂之鼠雀耗。倉糧加耗。自此始也。案此事可疑。夫百姓足。君孰與不足。百姓不足。君孰與足。縱有鼠雀耗。亦何至每石加二斗之多。果如百姓養一家之說。則胥徒得緣以爲姦。其患有不可勝言者。今之倉糧。亦有所謂耗米。然定例每石止加二升。因胥吏藉端苛索。甚至每石加四五斗。百姓深受其累。得非明宗爲之作俑乎。載攷舊史食貨志。天成元年。敕應納夏秋稅。先有省耗。每斗一升。今後只納正稅數。不量省耗。夫應納之每斗一升。且敕不量。今以前所不納。而每石加二斗之耗。何其歧異。或所聞異詞歟。若夫明宗時。屢以非罪誅戮臣下。所謂上下相狗。毀譽亂真。是取禍之道也。

續唐書卷二

閔帝紀

閔帝名從厚。小字菩薩奴。明宗第三子也。母昭懿皇后夏氏。以天祐十一年甲戌十一月二十八日庚申。生於晉陽舊第。髻鬣好讀春秋。略通大義。爲人形質豐厚。寡言好禮。明宗以其貌類己。特愛之。天成元年。授檢校司徒。二年四月。加檢校太保同平章事。三年三月。授宣武軍節度使。四年。徙鎮河東。長興元年。封宋王。徙鎮成德。二年。徙鎮天雄。三年。加中書令。四年十一月。秦王從榮伏誅。明宗病甚。遣宣徽使孟漢瓊。馳驛召帝。而明宗崩。秘其喪六日。十二月癸卯朔。發喪於西宮。卽皇帝位於柩前。羣臣見於東階。復於喪位。丙午。成服於西宮。庚戌。御光政樓。存問軍民。辛亥。賜司衣王氏死。坐秦王事也。癸丑。始聽政。乙卯。賜司儀康氏死。連王氏也。丁巳。僕射平章事馮道爲山陵使。戶部尙書韓彥輝爲副。中書舍人王延爲判官。禮部尙書王權爲禮儀使。兵部尙書李鱗爲鹵簿使。御史中丞盧敏爲儀仗使。右僕射權知河南府。盧質爲橋道頓遞使。丁卯。帝釋衰服。辛未。御中興殿。羣臣列位。馮道進酒。帝命徹之。應順元年春正月壬申朔。御廣壽殿視朝。乙亥。契丹遣使朝貢。丁丑。太常卿崔居儉爲祕書監。前蔡州刺

史張繼祚爲左武衛上將軍。充山陵橋道頓遞副使。戊寅。御明堂殿。宣制。大赦天下。改長興五年爲應順元年。回鶻可汗王仁美遣使入貢。沙州。瓜州遣使來朝。甲午。兩浙檢校太師兼中書令吳王錢元瓘進封吳越王。乙未。樞密使兼中書令朱宏昭。馮贇獻錢助作山陵。閏月癸卯。御文明殿。丙午。正衙命使冊皇太后曹氏。甲寅。正衙命使冊太妃王氏。集賢院請修創凌烟閣。詔下翰林院。置寫真官。畫功臣像。并下將作監。興工次序。閒架修建。北京留守石敬瑭獻銀絹助作山陵。丙寅。幸至德宮。車駕至興教門。有飛鳶自空而墮。殪於御前。是日。大風晦暝。二月庚寅。視作山陵。是日。鳳翔節度使潞王從珂反。辛卯。西京留守王思同爲西面行營都部署。靖難軍節度使藥彥儔爲副部署。三月丙辰。思同兵潰。嚴衛右廂都指揮使尹暉。羽林都指揮使楊思權。以其軍叛。降於潞王。辛酉。殺侍衛親軍馬軍都指揮使朱宏寶。癸亥。河陽三城節度使康義誠爲鳳翔行營都招討使。王思同爲副。西京副留守劉遂雍叛。降於潞王。思同奔歸於京師。不克。死之。丁卯。潞王至陝州。帝急召孟漢瓊。不至。召朱宏昭。宏昭懼。投於井。安重進尋殺馮贇於其第。是夜。帝出元武門。至衛州。四月。潞王入洛。廢帝爲鄂王。帝遇鳩而崩。年二十一。皇后孔氏與其四子並遇害。石敬瑭僭位。諡曰閔。祔葬徽陵。

述曰。閔帝德望素隆。沖齡踐祚。以其無夾輔之良臣。遂爲人所猜忌。失守宗祧。良足悲已。帝本明宗第三子。而新修史記作第五子。吳縝纂誤已辨之矣。其諡曰閔帝。舊史及會要通鑑皆然。而新修史記改爲愍。

帝豈因莊宗謚爲光聖神閔孝皇帝而改之乎。但閔訓弔者在門。愍訓爲痛。義各不同。何遽改更而失其實耶。

續唐書卷四

末帝紀

末帝名從珂。明宗之元子也。母宣獻皇后魏氏。鎮州平山人。中和末。明宗狗地山東。留戍平山。得魏后。以光啟元年己巳正月二十三日。生帝於外舍。屬趙人負盟。用兵不息。音問阻絕。帝甫十歲。方得歸。小字阿三。及壯。狀貌雄偉。長七尺餘。謹重寡言。而驍勇。明宗甚愛之。在太原。因擊毬。與石敬瑭同入趙襄子廟。見其塑像屹然起立。帝私自負。從明宗征討。常立戰功。莊宗喜曰。阿三不惟與我同齒。敢戰亦相類。同光二年。爲衛州刺史。突騎指揮使。戍於石門。四年。魏州軍亂。帝率部下軍士。由曲陽。孟縣趨常山。與王建立渡河而南。軍聲大振。天成元年。拜河中節度使。二年二月。加檢校太保。同平章事。長興元年。加檢校太尉。先是。帝與樞密使安重誨在常山。因杯盤失意。拳擊其腦。重誨銜之。及帝鎮河中。重誨知其出入不時。乃矯宣中旨。令牙將楊彥溫。遇出郭。則閉門不納。會帝閱馬於黃龍莊。彥溫閉城拒之。帝止虞鄉。以聞。明宗召還京師。居於清化里第。重誨數請行軍法。不聽。天成二年。重誨見殺。乃起爲左衛大將軍。西京留守。三年。進位太尉。移鳳翔節度使。四年五月。封潞王。閔帝卽位。加兼侍中。旣而帝子重吉出刺亳州。帝方憂不測。

應順元年二月移帝鎮太原。是時不降制書。惟以宣授而已。帝令李專美草檄。求援諸道。欲誅君側之罪。朝廷命王思同率師來討。三月丁巳。帝以兵東。庚申。次長安。西京副留守劉遂雍以城降。癸亥。次靈口。殺王思同。甲子。次華州。執藥彥稠繫獄。乙丑。次閿鄉。王仲皋父子迎謁。命殺之。丙寅。次靈寶。河中安彥威。陝州康思立迎降。丁卯。次陝州。康義誠來降。殺宣徽使孟漢瓊。閔帝出居於衛州。夏四月壬申。入京師。馮道率百官迎帝於蔣橋。帝辭不見。入哭於西宮。遂見羣臣。道拜。帝荅拜。入居於至德宮。癸酉。以太后令降天子爲鄂王。命帝監國。乙亥。帝赴西宮。卽皇帝位於柩前。丙子。詔河南府率京城居民之財以助賞軍。丁丑。又詔居民預借房課五月以賞軍。己卯。鄂王薨。庚辰。磁州刺史宋令詢死之。

清泰元年夏四月乙酉。帝服袞冕。御明堂殿。百官就位。宣制。改應順元年爲清泰元年。大赦天下。戊子。殺康義誠及藥彥稠。丙申。葬明宗皇帝於徽陵。五月庚子朔。御文明殿。受朝賀。丙午。端明殿學士韓昭允爲樞密使。莊宅使劉延朗爲樞密副使。庚戌。馮道罷天雄軍節度使。范延光爲樞密使。甲寅。賜勸進選人宗子官。六月庚辰。幸至德宮。因幸房知溫。安元信。范延光。索自通。李從敏第。秋七月辛亥。太常卿盧文紀爲中書侍郎平章事。丁巳。立沛國夫人劉氏爲皇后。八月辛未。尙書左丞姚顛爲中書侍郎平章事。詔應會受御署官選。九月己未。契丹寇邊。冬十月戊寅。李愚。劉昫罷。十二月乙亥。雄武軍節度使張延郎爲中書侍郎同平章事。庚寅。幸龍門。旱。

清泰二年春正月丙申朔御明堂殿。二月甲戌范延光罷。己丑追尊魯國太夫人魏氏謚曰宣獻皇太后。三月辛丑忠武軍節度使趙彥壽爲樞密使。夏四月辛卯宣徽南院使劉延皓爲樞密使。丙申契丹寇邊。六月癸未羣臣獻添都馬。秋七月丙申石敬瑭以兵屯忻州軍呼萬歲。乃斬都指揮使李暉等三十六人以止之。丁酉回鶻可汗王仁美遣使入貢。劉延皓罷。九月己酉宣徽南院使房暉爲刑部尙書充樞密使。乙卯渤海遣使來朝。清泰三年春正月辛卯朔御文明殿。乙未百濟遣使入貢。丁未封皇子重美爲雍王。二月庚午監修國史姚顛史官張昭遠李祥吳承範等修撰明宗實錄三十卷上之。三月丙午翰林學士禮部侍郎馬胤孫爲中書侍郎同平章事。夏四月戊戌河東節度使石敬瑭反。乙卯建雄軍節度使張敬達爲太原四面都招討使。武義軍節度使楊光遠爲副。戊申先鋒指揮使叛降於石敬瑭。己酉振武戍將安重榮叛降於石敬瑭。壬子天雄軍屯駐捧聖。都虞候張令昭逐其節度使劉延皓。六月癸亥以令昭爲右千牛衛將軍。權知天雄軍事。甲戌宣武軍節度使范延光爲天雄軍四面招討使。秋七月戊申克復魏州。壬子張令昭伏誅。癸丑彰聖指揮使張萬迪叛降於石敬瑭。八月戊午契丹遣使入朝。九月甲辰張敬達及契丹戰於太原。敗績。契丹圍敬達於晉安。戊申帝發京師。壬戌詔天下括馬。又詔民十戶出兵一人。冬十一月戊子盧龍軍節度使趙德鈞爲行營都統。閏月甲子楊光遠殺張敬達。以其軍叛。降於契丹。丁卯契丹立晉石敬瑭。與之約爲父子。僞號天福。遂與契丹南行。甲戌敬瑭與契丹至於潞州。丁丑至自河

陽辛巳。帝崩於元武樓。年五十二。敬瑭入洛。得帝燼骨於火中。明年三月。葬之於徽陵域中。述曰。張昭等修末帝實錄。以帝爲明宗之元子。生於外舍。詳見通鑑攷異所引。而通鑑及舊新二史。會要等書。俱作明帝養子。然昭等生唐之世。宜得其真。今從實錄。至帝之謚。舊史本作末帝。會要亦同。新史記改爲廢帝。蓋恐其與朱友貞相混耳。後人并改末帝實錄爲廢帝。謬之甚矣。又闕文云。晉引契丹圍晉安寨。降楊光遠。清泰帝至。自懷覃。京師父老迎帝於上東門外。帝垂泣不止。父老奏曰。臣等伏聞前唐時。中國有難。帝王多幸蜀。以圖進取。陛下何不且入西川。帝曰。本朝兩川節度使皆用文臣。所以元宗。僖宗。避寇幸蜀。今孟氏已尊矣。吾何歸乎。因慟哭入內。舉族自焚。案末帝無大失德。而縱虎喪身。慘毒至此。敬瑭之肉。其足食乎。

續唐書卷五

烈祖紀

烈祖光文肅武孝高皇帝名昇字正倫小字彭奴徐州人憲宗第八子建王恪之元孫恪生超早卒超生志仕爲徐州判司卒官因家焉志生榮榮性謹厚晦迹號李道者屬時離亂羣盜蜂起而楊行密專據淮南乃感憤欲圖興復之志遂因海寇夏詔率衆自海入淮至濠梁閒衆至數千人與行密相攻爲其所擒帝以光啟四年十二月二日生於彭城至是方六歲而孤伯父球攜帝及母劉氏避地淮西至濠州行密見而奇之養以爲子其長子渥不能容乃與大將徐溫曰是兒狀貌非常以乞汝遂冒姓徐名知誥帝事溫盡子道溫妻李氏以其同姓鞠養甚至及長長身七尺廣額隆準語聲如鐘精采鑠人常緩步行從者疾行莫能及相者云此龍行虎步也天祐六年六月自元從指揮使遷昇州防遏使兼樓船軍使七年五月授昇州副使知州事柴再用攻宣州用其兵殺李遇以功遷昇州刺史時江淮初定守令皆武夫專務軍賦帝獨好學求遺書招賢士褒賢課農雖以節儉自勵而輕財好施無所愛吝以宋齊邱王令謀王翊生議論會禹張洽孫飭徐融爲賓客馬仁裕周宗曹悰爲親吏十一年加檢校司徒始城昇州十四年五

月城成。溫來觀。喜其制度壯麗。徙治焉。而以帝爲檢校太保。潤州團練使。帝本意在宣州。不悅。時溫子知訓以內外馬步都軍副使。專制揚州。驕淫失衆。宋齊邱納說曰。知訓旦暮且敗。是行天所贊也。十五年。朱瑾殺知訓。馬仁裕自蒜山渡馳告帝。帝即日帥師入廣陵。定亂。遂代知訓爲淮南節度。行軍副使。內外馬步都軍副使。上下悅服。吳王建國。以帝爲左僕射。參政事。未期歲。紀綱憲度。粲然並舉。溫雖遙執國政。而人情已歸屬於帝。金陵行軍司馬徐玠勸溫更用嫡子知詢。帝刺知皇恐。表乞罷政事。出鎮江西。表未上。而溫疾亟。遂止。溫卒。知詢嗣爲金陵節度使。諸道副都統。數與帝爭權。帝乃使人誘之來朝。留爲左統軍。悉奪其兵。而帝以太尉中書令出鎮金陵。如溫故事。吳命帝開大元帥府。置僚屬。進封齊王。用天子制度。改名誥。

昇元元年冬十月。吳帝禪位。甲申。卽皇帝位。改吳天祚二年爲昇元元年。國號齊。以十二月二日爲仁壽節。尊吳主爲高尚思元宏古讓皇帝。上策稱受禪老臣誥。追尊考溫爲太祖武皇帝。丙申。以平章事張延翰爲右僕射兼門下侍郎同平章事。門下侍郎張居詠。中書侍郎李建勳皆爲同平章事。以建康爲西都。廣陵爲東都。改尙書爲尙書都省。東都尙書省爲留守院。丙戌。改齊明門爲朝元門。丁亥。封弟知證爲江王。知諤爲饒王。戊子。降吳太子璉爲宏農郡王。辛卯。降吳建安王珙。江夏王璘等十一人爵一等。而加官增戶邑。詔獄訟未經本處立決者。毋得詣闕訴。乙未。降吳公主爲邑君。甲午。立王后宋氏爲皇后。丙申。封

女弟杞國君爲廣德長公主。庚子。遣使如漢。閩。吳越告卽位。辛丑。追封吳歷陽公濛爲臨川王。謚曰靈。以禮改葬。戊申。封子景通爲吳王。諸道副元帥判六軍諸衛事。十一月庚戌朔。改東都舊第爲崇德宮。癸丑。改承宣院爲宣徽院。丙辰。追册故妃楊氏爲順妃。丁丑。追封次子景遷爲高平郡王。長女爲封城公主。改辭狀司爲清訟院。立姪景邁爲晉陵郡公。景遜爲上饒郡公。景逸爲桂陽郡公。景逸爲平陽郡公。封女五人爲盛唐。太和。永興。建昌。玉山公主。戊午。立子景遂爲吉王。景達爲壽陽郡公。以景遂爲東都留守。江都尹。赴東都。己未。升東都海陵縣爲秦州。割鹽城。秦興。如皋。興化縣屬焉。己巳。吳越王使將軍袁韜來賀卽位。十二月庚寅。上太祖武皇帝陵曰定陵。追尊高祖以下皆爲王公。而稱宗配皆稱國君及妃。墓皆稱陵。惟武皇之配李氏曰明德皇后。丙午。有星孛於北方。

昇元二年春正月己酉朔。日有食之。避殿。停朝賀。甲子。荆南高從誨使龐守規來賀卽位。二月壬戌。閩使內客省使朱文進來賀卽位。夏四月。遷讓皇於丹陽。以王輿爲浙西節度使。留後馬思讓爲丹陽宮使。以嚴兵守之。徐氏諸子屢請帝復姓。帝謙抑不忍忘徐氏恩。下其議百官。百官皆請。乃復姓李。改名昇。國號大唐。遂建唐廟。祀高祖。太宗以下如唐舊典。追尊建王恪爲孝靜皇帝。廟號定宗。貞妃程氏曰貞靜皇后。曾祖超爲孝平皇帝。廟號成宗。配崔氏曰平真皇后。祖志爲孝安皇帝。廟號惠宗。配盧氏曰安莊皇后。考榮爲孝德皇帝。廟號慶宗。配劉氏曰德恭皇后。奉徐武皇廟。號義祖。徐氏二王如初。夏六月甲申。升池州。

爲康化軍。是月高麗使正朝廣評侍郎柳勳律來朝貢。秋七月壬申。以左丞相宋齊邱爲平章事。八月戊寅。升洪州繡灘鎮爲清江縣。不隸州。丁亥。契丹遣使來聘。冬十月丙子。立太學。命刪定禮樂。癸未。新羅遣使來朝貢。壬辰。命吳王璟勒步騎百萬講武銅駝橋。十二月辛丑。讓皇殂。帝不視朝。率百官素服舉哀。是歲。徙吳王璟爲齊王。

昇元三年春正月壬申。詔曰。比者干戈相接。人無定主。地蕪而不藝。桑隕而不蠶。衣食日耗。朕甚憫之。其嚮風而納者。有司計口給食。願耕植者。授之士田。仍復三歲租役。於嘻仁不異遠。化無泄邇。其務宣流。以稱朕意。二月乙未。契丹遣使來以兄禮事帝。蜀使來賀卽位。夏四月庚辰。朝享於太廟。辛巳。有事於南郊。以高祖神堯皇帝配。用上辛也。大赦。百官進位。將士勞賜有差。民三年藝桑及三千本者。賜帛五十四。每丁墾田及八十畝者。賜錢二萬。皆五年勿收租稅。詔曰。朕以眇躬。託於民上。常懼勿類。以羞高祖。太宗之遺業。羣公卿士。願欲進上尊號之禮。朕甚不取。其勿復以聞。州郡言符瑞者十數。帝曰。譴告在天。聰明自民。魯以麟削。莽以符亡。常謹天戒。猶懼或失之。符瑞何爲哉。皆抑而勿揚言。五代同居者七家。皆蠲復征役。旌表門閭。丁未。吳越王使左武衛上將軍沈韜文。荆南高從誨使王崇嗣。來賀南郊。作北郊於元武湖西。秋七月丙午。放諸州所獻珍禽奇獸於鍾山。命有司作昇元格。與吳令並行。冬十月丁丑。御後樓閱戰馬。

昇元四年春二月。詔罷營造力役。毋妨農時。三月丁未。頌中正。麻官陳承勛所撰也。丙戌。漢人。閩人來聘。夏五月。晉安州節度使李金全來降。六月癸亥。罷宣州歲貢木瓜雜果。秋八月。立齊王璟爲皇太子。仍兼大元帥錄尚書事。璟固讓。從之。九月戊辰。契丹遣使來聘。獻狐白裘。冬十月壬寅。以齊王璟讓儲貳。赦殊死以下京師。賜酺。內外諸軍給優賜。禁表奏言聖睿二字。違者以大不敬論。乙巳。詔幸東都。命齊王璟監國。庚戌。帝自保德門御舟。辛亥。次迎鑾鎮。甲寅。至東都。入建元門。帝感念疇昔。泫然流涕不已。遣使問東畿士民不能自存者。己未。高麗使廣評侍郎柳質來貢方物。十一月乙丑。宴羣臣於崇德宮。故第也。乙酉。賜東畿高年疾苦。惇獨米人二石。漢使都官郎中鄭翺。閩使客省使葛裕。吳越使刑部尚書楊嚴來賀。仁壽節。十二月丙申。帝至自東都。

昇元五年春二月。殺秦州刺史褚仁規。夏五月戊辰。契丹使來。秋七月。右僕射李建勳罷。八月。有星孛於天市。遣使賑貸黃州旱傷戶口。是歲。吳越水。民就食境內。賑之。

昇元六年閏正月庚寅。漢使區延保來聘。癸巳。閩使尚食使林宏嗣來聘。都下大水。秦淮溢。東都火。焚數千家。夏五月。左丞相太保宋齊邱罷爲鎮南軍節度使。六月。常宣歙三州大雨漲溢。漢蕭規來告哀。廢朝三日。庚午。契丹遣使來聘。獻馬五駒。大蝗。自淮北蔽空而至。辛未。命州縣捕蝗。瘞之。辛巳。禁節度刺史給攝署牒。秋八月甲申。漢使法物使公孫惠來謝襲位。九月庚寅。頌昇元刪定律。冬十月。詔曰。前朝失御。四

方崛起者衆。武人用事。德化壅而不宣。朕甚悼焉。三事大夫。其爲朕舉用儒者。罷去苛政。與吾民更始。十一月。閩使徐宏績。漢使滕紹英。吳越使右武衛大將軍蔣璠。來賀仁壽節。

昇元七年春正月。契丹遣使二十七人來聘。獻馬三百。羊三萬五千。二月庚午。帝崩於昇元殿。年五十六。十一月壬寅。葬永陵。帝臨崩。謂齊王曰。德昌宮儲戎器金帛七百萬。汝守成業。宜善交鄰國。以保社稷。吾服金石。欲延年。反以速死。汝宜視以爲戒。帝生長兵閒。知民厭亂。在位七年。兵不妄動。境內賴以休息。性節儉。常躡蒲履。用鐵盆盥。暑月施青葛帷。宮婢纔數人。宮室樸陋。仁厚恭儉。務在養民。有古賢主之風焉。述曰。烈祖系出唐宗。託身徐氏。終能化家爲國。奄有江南。建號昇元。適承清泰。在當日雖未言及此。自後論之。豈非天命有所歸乎。攷通鑑云。倉吏歲終獻羨餘萬餘石。唐主曰。出納有數。苟非培民刻軍。安得羨餘邪。分遣使者。案行民田。以肥瘠定稅。民閒稱其平允。自是江淮調兵興役。及他賦稅。皆以稅錢爲率。至今用之。又不以外戚輔政。宦者不得預事。皆他國不及也。由斯以觀。烈祖爲政。幾幾乎有貞觀。開元之風。夫乃歎唐之遺澤長矣。

續唐書卷六

元宗紀

元宗明道崇德文宣孝皇帝名璟字伯玉烈祖長子母曰宋皇后初名景通風度高秀性寬仁有文學甫十歲吟新竹詩云棲鳳身枝猶軟弱化龍形狀已依稀人皆奇之起家爲尙書郎吳讓皇見之曰吾諸子皆不及也累遷諸衛大將軍烈祖爲齊王立爲王太子固讓昇元初烈祖受禪封吳王徙齊王四年八月立爲皇太子復固讓曰前世以嫡庶不明故早建元良示之定分如臣兄弟友愛尙何待此烈祖爲下詔稱其守廉退之風師忠貞之節有子如此予復何憂敕殊死以下臣民奉牋齊王如太子禮七年二月烈祖病疽祕之人皆莫知庚午疾大漸太醫吳廷紹密遣人告帝帝馳入宮侍疾於東閣是夕烈祖崩祕不發喪而下詔命帝監國大赦殞賚有差丙子始宣遺詔

保大元年春三月己卯朔烈祖崩已旬日帝猶未嗣位方泣讓諸弟奉化節度使周宗手取袞冕衣帝曰大行付陛下神器之重豈得固守小節是日卽皇帝位不待踰年遽改元韓熙載上疏以爲不可而制書已行百官進位二等將士皆有賜蠲民逋負租稅賜繆寡孤獨粟帛尊母宋皇后爲皇太后立妃鍾氏爲

皇后以鎮南軍節度使宋齊邱爲太保兼中書令。奉化軍節度使周宗爲侍中。徙封壽王景遂爲燕王。宣城王景達爲鄂王。閩使來弔祭。升濠州爲定遠軍。秋七月。徙燕王景遂爲齊王。鄂王景達爲燕王。仍以景遂爲諸道兵馬元帥。居東宮。景達爲副元帥。仍詔中外以兄弟傳國之意。八月乙卯。立弟景邊爲保寧王。冬十月庚戌。有星孛於東方。嶺南妖賊張遇賢犯虔州。詔遣洪州營屯都虞候嚴恩帥師討之。以通事舍人邊鎬監其軍。其後擒遇賢及其黨黃伯雄、曹景全。斬於金陵市。十二月。以太保中書令宋齊邱爲鎮海軍節度使。

保大二年春正月。侍中周宗罷爲鎮南軍節度使。左僕射兼門下侍郎平章事張居詠罷爲鎮海軍節度使。辛巳。詔齊王景遂總庶政。惟樞密使魏岑、查文徽得奏事。餘非召對不得見。初。烈祖尤愛景遂。帝奉先旨。欲傳以位。故有是詔。宋齊邱、蕭儼皆上書切諫。未見聽。侍衛都虞候賈崇叩閣請見。曰。臣侍先帝三十年。孜孜詢察。下情猶患壅隔。陛下始卽位。所委何人。而頓與臣下疏絕如此。因嗚咽流涕。帝感悟。命坐。賜食。遂收所下詔。夏五月。閩將朱文進弒其君曦。自稱閩王。遣使來告。帝囚其使。將討之。議者謂閩亂由王延政。當先討。乃釋閩使。遣還。秋九月庚午朔。日有食之。冬十二月。樞密院使查文徽請討王延政。詔以文徽爲江西安撫使。往覘建州。文徽固請。乃以邊鎬爲行營招討。共攻延政。敗績於蓋竹。保大三年春正月。以何敬洙爲福建道行營招討。祖全恩爲應援使。姚鳳爲諸軍都監。會查文徽進討。秋

七月星見而風雨。八月甲子朔。日有食之。克建州。執王延政歸於金陵。拜羽林大將軍。升建州爲永安軍。冬十月。皇太后崩。以延平津爲劍州。割建州之劍浦。汀州之沙縣隸焉。

保大四年春正月。以青陽公宋齊邱爲太傅兼中書令。昭武軍節度使李建勳爲右僕射兼門下侍郎。及中書侍郎馮延巳皆平章事。二月壬戌朔。日有食之。命建州製的乳茶。號曰京挺。賜茶之貢自此始。罷貢陽羨茶。夏四月。葬元恭皇后於永陵。五月。以樞密使陳覺爲福建宣諭使。使諭李宏義入朝。不克。覺擅發汀建。撫信州兵趨福州。帝遂命王崇文、魏岑、馮延魯會攻福州。秋九月。淮南蠶食稼。除民田稅。冬十月庚辰。圍福州。改漳州爲南州。十二月壬戌。契丹及晉師戰於中渡。晉師敗績。丙寅。杜重威、李守貞以其師降於契丹。癸酉。張彥澤引蕃騎陷京師。彥澤剽劫屠害甚衆。晉主奉表納璽於契丹。是歲中原無主。密州刺史皇甫暉、青州刺史王建及沿淮諸戍皆來降。

保大五年春正月。契丹滅晉。遣使來告曰。晉少主逆命背約。自貽廢黜。吾主欲與唐繼先世之好。將冊命唐爲中原主。帝命近臣對曰。唐守江淮社稷已固。與梁宋阻隔。若爾主不忘先好。惠錫行人。受賜多矣。其他不敢拜命。遣兵部侍郎賈潭報聘。帝歎曰。閩役憊矣。其能抗衡中原乎。以齊王景遂爲皇太弟。燕王景達爲元帥。徙齊王元子南昌王冀爲副元帥。二月辛未。劉知遠卽位。國號曰漢。改晉開運四年爲天福十二年。三月己亥。吳越救福州。兵自海道至。乃整師與戰。敗績。諸營皆潰。夏四月壬申。詔即軍中斬陳覺。馮

延魯餘將帥皆赦不問。已而復詔械覺。延魯還都。既至。貸死。覺流蘄州。延魯流舒州。秋八月。太傅宋齊邱罷爲鎮南軍節度使。吳越國王錢佐卒。僚襲位。冬十二月。吳越胡進思廢其君僚。囚於義和院。錢俶入。是歲。楚國王馬希範卒。希廣卽位。

保大六年春正月。吳越國立俶。遷僚於東府。丁丑。漢主殂。承祐立。夏六月庚寅朔。日有食之。秋九月。漢伐河中。李守貞間道表求援師。以李金全爲北面行營招討使。救河中。師次沂州。退保海州。冬十一月。荆南主高從誨卒。保融嗣位。

保大七年春正月。淮北盜起。以神武都虞候皇甫暉。裨將張巒。肅處恭。監軍散騎常侍張義方帥師萬人出海。泗招降。納賊帥延師朗以歸。夏六月癸酉朔。日有食之。冬十月。大兵渡淮。攻正陽。敗績。

保大八年春二月。福州遣諜者詣建州。留後查文徽告吳越戍卒亂。殺李宏義。棄城去。文徽信其言。襲福州。大敗被執。而別將建州刺史陳誨。以舟師敗福州兵。執其將馬先進。俘於金陵。秋七月。送先進還吳越。查文徽亦歸。冬十一月甲子朔。日有食之。乙酉。漢主承祐殂。十二月。馬希萼攻陷潭州。弑其君希廣。自稱楚王。其將李彥溫。劉彥瑫各以千人來歸。漢將郭威領大軍北征。壬子。次澶州。何福進率壯士擁威作亂。保大九年春正月丁卯。郭威篡漢卽位。改元廣順。國號周。劉崇自立於太原。初。契丹犯河南。晉主北遷。韓熙載上書曰。陛下有經營天下之志。當在今時。若契丹遁歸。中原有主。安輯稍定。則未可圖也。時以連兵。

南閩至此方議北征。熙載又上書曰：郭氏姦雄，雖有國日淺，而爲理已固。兵若輕舉，非獨無成，抑且有害。乃命李金全耀兵於淮上而止。二月，楚王希萼使掌書記劉光翰來貢方物。秋九月，楚將徐威等廢其君希萼，命邊鎬出萍鄉以討楚亂。冬十月壬寅，武安留後馬希崇請降。鎬入潭州。癸丑，武昌節度使劉仁贍帥舟師取岳州。湖南遂平。南漢來攻彬州，陷之。周兗州節度使慕容彥超來乞援師，從之。保大十年春正月，分洪州高安縣置筠州。割清江萬載，上高屬焉。援兗州之師，敗績於沔陽。周人執指揮使燕敬權。二月，周人歸敬權，使來言曰：吾賊臣背叛，爾國助之，豈長計哉！且使潁州郭瓊遺壽州劉彥貞書，其詞曰：大周潁州團練使郭瓊致書於淮南壽州節度使麾下。自古有國，皆惡叛臣。貴邦何爲常事招誘吳中多士，無乃淺圖。帝頗愧其言，以翰林學士江文蔚知禮部貢舉，放進士王克貞等三人及第。旋復停貢舉。三月，以太弟太保馮延巳爲左僕射，前鎮海節度使徐景運爲中書侍郎，及右僕射孫忌並同平章事。帝以南漢乘楚亂，據桂、宜等州，將取之，以知全州張巒兼桂州招討使。夏四月丙戌朔，日有食之。命統軍侯訓率五千人會張巒攻桂州，敗績於城下，訓死之。巒收餘衆保全州。周興順指揮使白進福以族來歸。秋九月，召朗州劉言入朝。冬十月，劉言將王逵、周行逢攻潭州。壬辰，拔益陽寨。戍將李建期死之。丙申，潭州節度使邊鎬棄城遁。辛丑，劉言將蒲公益攻岳州。刺史宋德權監軍，任鎬棄城遁。十一月，劉言盡據故楚地，詔流邊鎬於饒州，斬宋德權。任鎬於太社，斬裨將申洪泰。尹建於都門外，平章馮延巳、孫忌皆

罷爲左右僕射。十二月，洪州大都督楚王馬希萼來朝，留不遣。

保大十一年春三月，以左僕射馮延巳同平章事。金陵火逾月，焚官寺民廬數千間，復設貢舉。夏六月，不雨，民饑，流入周境。冬十月，築楚州白水塘以溉田，命州縣陂塘堙廢者修復之。

保大十二年春正月，有大星竄於西北，聲如雷。二月，命吏部侍郎朱鞏知禮部貢舉。壬辰，周主殂，養子柴榮卽位。自前年六月不雨，至於今三月，大饑，疫，命州縣煮粥以食之。秋七月，契丹使其舅來聘，夜宴清風驛，盜斬其首亡去，捕之不得，或以爲周人也。契丹自此不至。

保大十三年春二月，以中書侍郎嚴續爲門下侍郎平章事。夏六月，周攻秦鳳，蜀使間使來告難。周下詔罪狀，因遣將李穀、王彥超、韓令坤等來侵淮南，攻自壽州。帝乃以神武統軍劉彥貞爲北面行營都部署，帥師三萬赴壽州。奉化節度使同平章事皇甫暉爲北面行營援使，常州團練使姚鳳爲應援都監，帥師三萬屯定遠縣。召鎮南節度使宋齊邱入朝謀難。冬十二月，以安定郡公從嘉爲沿江巡撫使。

保大十四年春正月，周主親征劉彥貞，與周師戰於正陽，敗績。彥貞戰死。二月，周師兼道襲清流關，皇甫暉敗保滁州。周師破城，俘暉及姚鳳以歸。皇遣泗州牙將王承朗奉書至徐州，求成於周。稱唐皇帝奉書於大周皇帝，願以兄事，歲獻方物。太弟景遂亦移書周將帥，皆不報。己卯，遣翰林學士鍾謨、文理院學士李德明使周，奉表至下蔡，行在納貢。又奉牛酒犒軍，請罷兵。乙酉，周師陷東都，執副留守馮延魯。丁亥，左

神衛使徐象等十八人自壽州奔周。天長制置使耿謙以城降於周。遣園苑使尹廷範護遷讓皇之族於潤州。廷範殺其男子六十人。誅廷範以謝國人。周師陷秦州。刺史方訥棄城遁。帝遣問使求援於契丹。至淮北。爲周人所執。吳越侵常州。宣州靜海制置使姚彥洪奔吳越。三月。遣司空孫晟及禮部侍郎王崇質使周。削去帝號。奉表稱爲外臣。猶不許。光州兵馬都監張延翰以城降於周。刺史張紹遁還。丁酉。周師陷舒州。刺史周宏祚赴水死。蘄州將李福殺知州王承雋降於周。戊戌。天成軍節度使蔡暉自壽州奔周。周師陷和州。詔斬李德明於都市。坐奉使請割地也。吳越陷常州之郛。執團練使趙仁澤。燕王宏冀遣龍武都虞候柴克宏救常州。壬子。大敗吳越兵於常州。斬獲萬計。俘其將數十。至潤州。宏冀悉斬之。壬戌。壽州軍校陳延貞等十三人奔周。是月。命諸道兵馬元帥齊王景達拒周。夏四月。復秦州。五月。周主北還。秋七月。復東都。斬光、和、滁州。惟壽州之圍愈急。冬十月。行人孫晟爲周人所殺。從者二百人皆死。獨貸鍾謨以爲耀州司馬。

保大十五年春二月乙亥。周主親征。齊王景達自濠州遣邊鎬、許文稹、朱元帥兵數萬援壽州。景達用監軍使陳覺言。謀奪朱元兵。以楊守忠代之。元遂舉師降周。裨將時厚卿獨不從。見殺。壬辰。周師盡破諸塞。執邊鎬、許文稹、楊守忠。餘衆悉奔潰。景達亦遁歸金陵。三月丁未。壽州劉仁瞻病革。副使孫羽等代署表降於周。仁瞻卒。夏四月。周主北還。冬十一月。周主復親征。濠州刺史郭廷謂、泗州刺史范再遇皆舉城降。

帝知東都必不守。使焚其廬舍。徙其民於江南。周師入揚州。丁丑。陷泰州。

中興元年春正月。改元中興。丙戌。周師陷海州。壬辰。陷靜海軍。丁未。陷楚州。守將張彥卿。鄭昭業死之。周師屠其城。焚廬舍殆盡。周師次雒州。刺史易文贊舉城降。三月。大赦。改元交泰。立燕王冀爲皇太子。參治朝政。丁亥。周主次揚州。丁卯。遂至迎鑾鎮。壬辰。耀兵江口。帝懼。周師南渡。遣樞密使陳覺奉表貢方物。請傳位太子。以國爲附庸。周主始采唐報可汗故事。荅書稱皇帝致書江南國主。帝遣閣門承旨劉承遇上表稱唐國主。盡獻江北郡縣之未陷者。歲輸土貢。庚子。周主致書許帝奉正朔。罷兵。而不許傳位。夏五月。下令去帝號。稱國主。去交泰年號。稱顯德五年。置進奏邸於汴都。凡帝者儀制。皆從貶損。改名景。以避周信祖諱。告於太廟。是日。金陵大霧。通夕不解。己酉。周遣使賫御衣金玉帶錦帛羊馬。及犒軍帛十萬。凡士卒俘於周者。皆遣還。冬十一月己亥。暴宋齊邱。陳覺。李徵古罪。放齊邱歸九華山。覺安置饒州。徵古削官爵。尋皆賜自盡。齊邱明年亦幽死。

交泰二年。周顯德六年夏六月癸巳。周主殂。梁王宗訓嗣位。秋七月。鍾謨請鑄大錢。文曰永通貨泉。以一當十。與舊錢並行。又鑄唐國通寶錢。一當開通錢之二。九月丙午。太子冀卒。冬十一月。建洪州爲南都。南昌府。

交泰三年春正月甲辰。周遜位於宋。改元建隆元年。宋廢周主爲鄭王。放江南降將三十四人來歸。二月。

始鑄鐵錢。三月遣使朝貢於宋。夏四月太子太傅馮延巳卒。秋七月遣禮部郎中龔慎儀朝貢於宋。自是貢獻尤數。歲費以萬計。冬十月宋揚州節度使李重進叛來乞師。拒之。十一月丁未宋平李重進。因遣使如宋犒軍朝貢。

交泰四年宋建隆二年春二月國遷於南都立吳王從嘉爲太子留金陵監國遂舟行旌旄仗衛六軍百司凡千餘里不絕所過勞問高年疾苦大宴於當塗至宋家汭暴風飄舟幾至北岸翼日從官皆輕舟奔問三月至南都宋遣通事舍人王守貞來勞問南都迫隘羣臣皆思歸主上亦悔遷北望金陵鬱鬱不樂承心堂承旨秦承裕常引屏風障之復議東遷未及行而寢疾不復進膳惟啜蔗漿嗅藕華夏六月己未疾革親書遺令留葬西山累土數尺爲墳且曰違吾言者非忠臣孝子是夕有大星貫於南都庚申帝崩於長春殿年四十六在位一十九年後主不忍從遺令迎喪還秋八月至金陵丁未殯於宮中萬壽殿告哀於宋且請追復帝號宋許之次年正月戊寅葬順陵元宗多才藝好讀書使騎善射在位幾二十年恭儉禮賢睦族愛民字孤裕然有人君之度少喜栖隱築館於廬山瀑布前蓋將終焉迫於紹襲而止然自唐室苗裔誅于斥大境土之說及福州湖南再喪師知攻取之難始議弭兵務農或曰願陛下十數年勿復用兵元宗曰兵可終身不用何十數年之有會周師大舉寄任多非其人折北不支至於蹙國降號憂悔而終悲夫。

述曰。史稱元宗約已慎刑。勤政如一。而野史又謂其天性懦懦。素昧威武。平心論之。自乾符以來。猶不失爲令主。惟是任用五鬼。屏棄羣賢。耗帑用於楚。閩。致喪師於淮。甸。謀之不臧。後悔亦何及哉。

續唐書卷七

後主紀

後主名煜。字重光。元宗第六子也。母光穆皇后鍾氏。初名從廣。廣穎豐頰駢齒。一目重瞳子。文獻太子忌其有奇表。因避禍。覃思經籍。自幼聰慧。善屬文。工書畫。歷封安定郡公。鄭王。文獻太子卒。徙吳王。以尙書令知政事。居東宮。元宗十九年。遂立爲太子。監國。六月。元宗崩於南都。秋七月。喪還。太子卽位於金陵。更名煜。居喪哀毀幾不勝。赦境內尊鍾后曰聖尊后。以后父名大章也。立妃周氏爲國后。封弟從善爲韓王。從鑑爲鄧王。從謙爲宜春王。從信爲文陽郡公。從度爲昭平郡公。令諸司無職事者。四品至九品。日二員。待制於內殿。以右僕射嚴續爲司空。平章事。餘進位有差。遣中書侍郎馮延魯如宋。奉表陳襲位。宋賜詔荅之。自是始降詔。秋九月。宋遣鞍轡庫使梁義來弔祭。冬十月。宋遣樞密承旨王文來賀襲位。初。元宗雖臣於周。惟去帝號。他猶用王者禮。至是國主始易紫袍。見使者。使退如初服。十一月。國后周氏殂。十二月。置龍翔軍以教水戰。

二年。宋建隆三年春三月。遣馮延魯入貢於宋。泉州節度使中書令晉江王劉從卒。子紹鑑自稱留後。夏

四月。泉州將陳洪進執紹鑑歸金陵。推副使張漢思爲留後。六月。遣客省使翟如璧入貢於宋。宋放降卒千人南還。冬十一月。遣水部郎中顧彝入貢於宋。

三年。宋乾德元年春正月。遣使來賜羊馬橐駝。三月。宋出師平荊湖。高繼沖歸於宋。國除。國主遣使犒軍。夏四月。泉州副使陳洪進廢張漢思。自稱權知軍府。來告。遂以洪進爲節度使。秋七月。宋詔遣還顯德以來中朝將士在江南者。及令揚州民遷江南者。還其故土。冬十二月。上表於宋。乞罷詔書不名之禮。不從。四年。宋乾德二年春正月。始用鐵錢。每十錢以鐵錢六。權銅錢四。而行。命吏部侍郎修國史韓熙載知貢舉。放進士王崇古等九人。命中書舍人徐鉉覆試舒雅等五人。雅等不就。乃自命詩賦敵題。以中書官洳其事。五人皆見黜。秋八月。宋以江北置折北務。禁商旅過江。九月。封長子仲寓爲清源公。次子仲宣爲宣城公。冬十月甲辰。仲寓卒。追封岐王。十一日。宋遣作坊副使魏丕來弔祭。

五年。宋乾德三年春。葬昭惠后於懿陵。宋俘蜀孟昶於京師。國除。夏五月。司空平章事嚴續罷爲鎮海軍節度使。秋九月。聖尊后鍾氏殂。冬十月。宋遣染院使李光圖來祭。葬光穆皇后於順陵。

六年。宋乾德四年夏五月。以吉州刺史楊守忠爲武清軍節度使。留後。秋八月。遣龔慎儀持書使南漢。約與俱事宋。九月。慎儀至番禺。被執。

七年。宋乾德五年春。命兩省侍郎。諫議。給事中。中書舍人。集賢。勤政殿學士。更直光政殿。召對咨訪。率至

夜分。

八年宋開寶元年春三月戊申以樞密使右僕射殷崇義爲左僕射同平章事境內旱宋賜米麥十萬石冬十一月立國后周氏昭惠后之母弟也。

九年宋開寶二年春三月以左僕射游簡言兼門下侍郎平章事夏五月簡言卒以禮部侍郎湯悅爲門下侍郎知制誥冬較獵於青龍山還憩大理寺親錄囚徒原貸甚衆韓熙載奏獄訟有司之事囹圄之中非車駕所至請捐內帑錢三百萬充資庫用從之。

十年宋開寶三年中書侍郎韓熙載卒贈平章事命境內崇修佛寺又於禁中廣署僧尼精舍多聚僧徒迨至數千給廩米緡帛供之。

十一年宋開寶四年春宋俘劉鋹於京師國除國主聞宋滅南漢屯兵於漢陽大懼遣太尉中書令鄭王從善朝貢稱江南國主請罷詔書不名從之冬有商人上密事請往江陵竊燒新造戰船國主懼不從。

十二年宋開寶五年春二月宋屯師漢陽人心大恟乃下令貶損儀制改詔爲教中書門下省爲左右內史府尙書省爲司會府御史臺爲司憲府翰林院爲文館樞密院爲光政院大理寺爲詳刑院客省爲延賓院官號亦從改易殿庭始去鳴吻諸弟封王者皆爲公從善楚國從鎰江國從謙鄂國內史舍人張泌知禮部貢舉放進士楊遂等三人清耀殿學士張洎言泌多遺才乃命洎考覆遺不中第者於是又放王

綸等五人。閏月癸巳。宋命進奉使楚國公從善爲泰寧節度使。留京師。賜第汴陽坊。示欲召國主入朝也。乃遣戶部尙書馮延魯入謝。從善爵命。延魯至京師。病不能朝而歸。

十三年。宋開寶六年春。宋使翰林學士盧多遜來聘。國主願受爵命。不許。以司空殷崇義知左右內史事。冬十月。內史舍人潘佑上書切諫。佑素與戶部侍郎李平交厚。國主惡之。乃收平下大理。自縊。次收佑。自到。皆徙其家。

十四年。宋開寶七年秋。上表求從善歸國。不許。宋遣閤門使梁迴來聘。從容言曰。今歲國家有柴燎之禮。當入助祭。國主不荅。九月丁卯。宋遣知制誥李穆爲國信使。持詔來曰。朕以仲冬有事。園丘。思與卿同閱犧牲。且諭以將出師。宜早入朝之意。國主辭以疾。且曰。臣事大朝。冀全宗祀。不意如是有死而已。時宋已遣潁州團練使曹翰先出江陵。宣徽南院使曹彬等率舟師繼發。及是。又命山南東道節度使潘美等率師水陸並進。與國信使李穆同日行。冬十月。遣江國公從鎰如宋。貢帛二十萬匹。白金二十萬斤。又遣起居舍人潘慎修。貢宴帛萬匹。錢五百萬。禁城聚糧。大爲守備。閏十月。宋拔池州。國主於是下令戒嚴。去開寶年號。公私牘籍。稱甲戌歲。辛未。宋師進拔蕪湖。及雄遠軍。吳越亦大舉兵犯常州。乃遣吳越王書曰。今日無我。明日豈有君。一旦明天子易地賞功。王亦大梁一布衣耳。吳越王表其書於宋。宋師次采石磯。作浮橋成。長驅渡江。遂至金陵。每歲大江春夏暴漲。謂之黃花水。至是水皆退小。唐人異之。國主以軍旅。

委皇甫繼勳機事。委陳喬、張洎。又以徐元瑀、刁衍爲內殿傳詔。而邊書警奏。日夜狎至。元瑀等輒屏不以聞。宋師屯城南十里。閉門守陴。國主猶不知也。初。烈祖有國。凡民產二十以上。出一卒。號義軍。分籍者又出一卒。號新義軍。客戶有三丁者。出一卒。號拔山軍。元宗時。許郡縣村社競渡。每歲重午日。官閱試之。勝者給綵帛銀椀。皆籍姓名。至是。盡取爲卒。號凌波軍。民奴及贅壻。號義勇軍。募豪民以私財招聚。亡賴亡命。號自在軍。至是。又大蒐境內。自老弱外。皆募爲卒。號排門軍。民間又有自相率拒敵。以紙爲甲。農器爲兵者。號白甲軍。凡十三等。皆使捍禦。然實皆不可用。奔潰相踵。

十五年。宋開寶八年。國主稱乙亥歲。春二月壬戌。宋師拔金陵關城。三月丁巳。吳越來攻常州。權知州事禹萬誠以城降。吳越遂會宋師圍金陵。洪州節度使朱令贇帥勝兵十五萬赴難。金陵益危蹙。宋師百道攻城。晝夜不休。城中斗米萬錢。人病足弱。死者相藉。國主兩遣徐鉉等厚貢方物。求緩兵守祭祀。皆不報。冬十一月乙未。城陷。將軍高彥、馬承信及弟存俊率壯士數百力戰而死。勤政殿學士鍾禱朝服坐於家。亂兵至。舉族就死不去。光政使右史侍郎陳喬請死。不許。自縊死。國主帥司空左右內史事殷崇義等。肉袒降於軍門。明年正月辛未。至京師。乙亥。授右千牛衛上將軍。封違命侯。宋晉王卽位。加特進。改封隴西公。太平興國三年秋七月辛卯。殂。是日七夕。卽生日也。年四十二。在位十五年。追封吳王。葬洛陽北邙山。江南人聞之。皆巷哭設齋。後主天資純孝。事元宗盡子道。居喪哀毀。杖而後起。嗣位之初。屬保大軍興之

後國勢削弱。帑庫空竭。專以愛民爲急。蠲賦息役。以裕民力。尊事中原。不憚卑屈。境內賴以稍安者十有五年。憲司章疏。有繩糾過訐者。皆寢不下。論決死刑。多從末減。有司過爭。乃得少正。猶垂泣而後許之。著雜說百篇。時人以爲可繼典論。又工於音律。然酷好釋老。頗廢政事。長圍旣合。內外隔絕。城中之人。惶怖失所。後主猶幸靜居室。聽沙門講經。又延鄱陽隱士周惟簡入後苑講易。羣臣皆知國亡在旦暮。而張洎猶謂北師已老。將自遜去。後主益甘其言。晏然自安。命戶部員外郎伍喬於圍城中放進士三十八人及第。其所施爲。大抵類此。故雖仁愛足以感其遺民。而卒不能保社稷云。

述曰。自古有國家者。所宜炯戒多矣。而其要在乎遠聲色。闢釋老。有一於此。未或不亡。況兼而有之。不亡何待耶。夫唐三百五十年之天祚。至是而斬。則更可慨也夫。

續唐書卷八

紀元表

巳己	辰戊	卯丁		
天祐六年	天祐五年	天祐四年	晉王稱天祐年號	後唐
天祐六年	天祐五年	天祐四年	李茂貞稱唐年號	岐
天祐六年	天祐五年	天祐四年	楊渥稱唐年號	吳
開平三年	開平二年	開平元年	朱全忠篡唐	梁
武成二年	武成元年	天復七年	王建	蜀
開平三年	開平二年	開平元年	劉隱	南漢
開平三年	開平二年	開平元年	馬殷	楚
天寶二年	天寶元年	天祐四年	錢鏐	吳越
開平三年	開平二年	開平元年	王審知	閩
			高季昌	南平

子丙	亥乙	戌甲	酉癸	申壬	未辛	午庚
年天祐十三	年天祐十二	年天祐十一	天祐十年	天祐九年	天祐八年	天祐七年
年天祐十三	年天祐十二	年天祐十一	天祐十年	天祐九年	天祐八年	天祐七年
年天祐十三	年天祐十二	年天祐十一	天祐十年	天祐九年	天祐八年	天祐七年 隆演立
貞明二年	貞明元年	乾化四年	乾化三年	乾化二年 友貞立	乾化元年	開平四年
通正元年	永平五年	永平四年	永平三年	永平二年	永平元年	武成三年
貞明二年	貞明元年	乾化四年	乾化三年	乾化二年	乾化元年	開平四年
貞明二年	貞明元年	乾化四年	乾化三年	乾化二年	乾化元年	開平四年
天寶九年	天寶八年	天寶七年	天寶六年	天寶五年	天寶四年	天寶三年
貞明二年	貞明元年	乾化四年	乾化三年	乾化二年	乾化元年	開平四年
貞明二年	貞明元年	乾化四年	乾化三年			

未癸	午壬	巳辛	辰庚	卯己	寅戊	丑丁
同光元年 莊宗復唐	天祐十九年	天祐十八年	天祐十七年	天祐十六年	天祐十五年	天祐十四年
天祐二十年	天祐十九年	天祐十八年	天祐十七年	天祐十六年	天祐十五年	天祐十四年
順義三年	順義二年	順義元年	武義二年 溥立	武義元年 隆演改	天祐十五年	天祐十四年
龍德三年 梁亡	龍德二年	龍德元年	貞明六年	貞明五年	貞明四年	貞明三年
乾德五年	乾德四年	乾德三年	乾德二年	乾德元年	光天元年	大漢元年
乾亨七年	乾亨六年	乾亨五年	乾亨四年	乾亨三年	乾亨二年	乾亨元年
同光元年	龍德二年	龍德元年	貞明六年	貞明五年	貞明四年	貞明三年
天寶十六年	天寶十五年	天寶十四年	天寶十三年	天寶十二年	天寶十一年	天寶十年
同光元年	龍德二年	龍德元年	貞明六年	貞明五年	貞明四年	貞明三年
同光元年	龍德二年	龍德元年	貞明六年	貞明五年	貞明四年	貞明三年

寅庚	丑己	子戊	亥丁	戌丙	酉乙	申甲
長興元年	天成四年	天成三年	天成二年	同光四年 明宗立	同光三年	同光二年
						從臘稱臣 于唐
太和二年	太和元年	乾貞二年	乾貞元年 溥卽帝位	順義六年	順義五年	順義四年
					咸康元年 蜀亡	乾德六年
大有三年	大有二年	大有元年	白龍三年	白龍二年	乾亨九年 白龍元年	乾亨八年
長興元年	天成四年	天成三年	天成二年	同光四年 天成元年	同光三年	同光二年
寶正五年	寶正四年	寶正三年	寶正二年	寶正元年	寶大二年	寶大元年
長興元年	天成四年	天成三年	天成二年 延鈞立	同光四年 天成元年	同光三年 延翰立	同光二年
長興元年	太和元年	天成三年 從誨立	天成二年	同光四年 天成元年	同光三年	同光二年

酉丁	申丙	未乙	午甲	巳癸	辰壬	卯辛
南唐 烈祖昇元 元年	清泰三年 石敬瑭篡	清泰二年	應順元年 末帝清泰 元年	長興四年 閔帝立	長興三年	長興二年
天祚三年 吳亡	天祚二年	天祚元年	太和六年	太和五年	太和四年	太和三年
天福二年	晉敬瑭 天福元年					
明德四年	明德三年	明德二年 昶立	明德元年	後蜀 孟知祥起		
大有十年	大有九年	大有八年	大有七年	大有六年	大有五年	大有四年
天福二年	清泰三年 天福元年	清泰二年	應順元年 清泰元年	長興四年	長興三年	長興二年
天福二年	清泰三年 天福元年	清泰二年	應順元年 清泰元年	長興四年	長興三年 元瓘立	寶正六年
通文二年	通文元年	永和元年 繼鵬立	龍啟二年	龍啟元年	長興三年	長興二年
天福二年	清泰三年	清泰二年	應順元年 清泰元年	長興四年	長興三年	長興二年

辰甲	卯癸	寅壬	丑辛	子庚	亥己	戌戊
保大二年	昇元七年 元宗保大元年	昇元六年	昇元五年	昇元四年	昇元三年	昇元二年
開運元年	天福八年	天福七年 重貴立	天福六年	天福五年	天福四年	天福三年
廣政七年	廣政六年	廣政五年	廣政四年	廣政三年	廣政二年	廣政元年
乾和二年	光天二年 改應乾又乾和元年	大有十五年 天祐元年	大有十四年	大有十三年	大有十二年	大有十一年
開運元年	天福八年	天福七年	天福六年	天福五年	天福四年	天福三年
開運元年	天福八年	天福七年	天福六年 宏佐立	天福五年	天福四年	天福三年
永隆六年 天德二年	永隆五年 延政天德元年	永隆四年	永隆三年	永隆二年	通文四年 曦立永隆元年	通文三年
開運元年	天福八年	天福七年	天福六年	天福五年	天福四年	天福三年

亥 辛	戌 庚	酉 己	申 戊	未 丁	午 丙	巳 乙
保大九年	保大八年	保大七年	保大六年	保大五年	保大四年	保大三年
周 郭威 廣順元年						
乾祐四年 晏立	乾祐三年 郭威篡漢	乾祐二年	乾祐元年 承祐立	漢 劉知遠 天福十二年	開運三年 晉亡	開運二年
廣政十四年	廣政十三年	廣政十二年	廣政十一年	廣政十年	廣政九年	廣政八年
乾和九年	乾和八年	乾和七年	乾和六年	乾和五年	乾和四年	乾和三年
保大九年 馬氏降唐	乾祐三年	乾祐二年	乾祐元年	天福十二年 希廣立	開運三年	開運二年
廣順元年	乾祐三年	乾祐二年	乾祐元年	會同十年 宏俶立	開運三年	開運二年
						天德三年 閩亡
廣順元年	乾祐三年	乾祐二年	乾祐元年 保融立	天福十二年	開運三年	開運二年

午 戊	巳 丁	辰 丙	卯 乙	寅 甲	丑 癸	子 壬
中興元年 交泰元年	保大十五年	保大十四年	保大十三年	保大十二年	保大十一年	保大十年
顯德五年	顯德四年	顯德三年	顯德二年	顯德元年 柴榮立	廣順三年	廣順二年
天會二年	天會元年	乾祐九年	乾祐八年	乾祐七年 鈞立	乾祐六年	乾祐五年
廣政二十一年	廣政二十年	廣政十九年	廣政十八年	廣政十七年	廣政十六年	廣政十五年
乾和十六年 寶元元年 銀立大	乾和十五年	乾和十四年	乾和十三年	乾和十二年	乾和十一年	乾和十年
顯德五年	顯德四年	顯德三年	顯德二年	顯德元年	廣順三年	廣順二年
顯德五年	顯德四年	顯德三年	顯德二年	顯德元年	廣順三年	廣順二年


丑乙	子甲	亥癸	戌壬	酉辛	申庚	未己
乾德三年 後主五年	乾德二年 後主四年	乾德元年 後主三年	建隆三年 後主二年	建隆二年 後主立	交泰三年 建隆元年	交泰二年 顯德六年
						顯德六年 周亡
天會九年	天會八年	天會七年	天會六年	天會五年	天會四年	天會三年
廣政二十 八年蜀亡	廣政二十 七年	廣政二十 六年	廣政二十 五年	廣政二十 四年	廣政二十 三年	廣政二十 二年
大寶八年	大寶七年	大寶六年	大寶五年	大寶四年	大寶三年	大寶二年
乾德三年	乾德二年	乾德元年	建隆三年	建隆二年	建隆元年	顯德六年
		乾德元年 南平亡	建隆三年	建隆二年	建隆元年	顯德六年

申壬	未辛	午庚	巳己	辰戊	卯丁	寅丙
開寶五年 後主十二年	開寶四年 後主十一年	開寶三年 後主十年	開寶二年 後主九年	開寶元年 後主八年	乾德五年 後主七年	乾德四年 後主六年
天會十六 年	天會十五 年	天會十四 年	天會十三 年	天會十二 年繼元立	天會十一 年	天會十年
	大寶十四 年南漢亡	大寶十三 年	大寶十二 年	大寶十一 年	大寶十年	大寶九年
開寶五年	開寶四年	開寶三年	開寶二年	開寶元年	乾德五年	乾德四年

乙亥	甲戌	癸酉
開寶八年 後主十五年	開寶七年 後主十四年	開寶六年 後主十三年
廣運二年 後四年亡	廣運元年	天會十七年
開寶八年 後三年亡	開寶七年	開寶六年

續唐書卷九

宗室表



克修子

嗣旼 嗣弼

莊宗

魏王繼岌

繼潼

繼嵩

繼蟾

繼曉

明宗

從璟

初名從審·莊宗養
爲己子·賜名·

秦王從榮

閔帝從厚

重哲

許王從益

末帝從珂

重吉

雍王重美

從璨

從璋

重俊

從溫

從敏
以上明宗
從子。

慶宗榮——烈祖昇

元宗璟

楚定王景遷

晉文成王景遂

齊昭孝王景達

江昭順王景暹——季超

晉陵公景邁

上饒公景遜

桂陽公景邈

平陽公景逸
以上烈祖
從子。

元宗

文獻太子宏冀

後主煜

慶王

宏茂

南楚國公從善

江南國公從鑑

鄂國公

從謙

平陽郡公從度

文陽郡公從信

良佐

後主

清源郡公仲寓

正言

岐懷宣王仲宣

仲遠

仲興

仲偉

仲康

仲宜

以上後主
從子。

續唐書卷十

諸國表

岐李氏

鐸 — 端 — 茂貞 — 從曦 — 永吉

茂勳 茂貞從弟

繼筠 — 從照 — 從昶

吳楊氏

怵 — 行密

溥 — 鴻演 — 渥

璆 — 璘 — 璉 — 玢

梁朱氏

誠 — 全昱

存

全忠

友諒

友能

友誨

友寧

友倫

友裕

友珪

友璋

友貞

友雍

友徽

友攷

友文 全忠養子

珙

璵 二人俱溥從子

建

宗仁

宗鑑建從子。

元膺

宗壽

宗輅

宗裕二子俱建族子。

宗紀

宗智

宗澤

宗鼎

宗傑

宗平


宗特

衍


承祧


承祀

後蜀孟氏




南漢劉氏






楚馬氏

續唐書 卷十 諸國表





吳越錢氏

寬



銖 銖
弟從 鏐俱



傳瓏

傳璟

元璫

元珣

元瑞

元琛

元瑾

元瓛

元珣


元琳


傳琰

元祐

元裕

元弼





閩王氏

恁

潮

審邦

審知

審復
審知從弟
想

延興

延虹

延豐

延休

延彬

延美

延武

延翰

麟

延義

延政

繼崇

繼動

繼鵬

繼韜

繼鎔

繼恭

繼嚴

亞澄

繼沂

仁達

繼圖

繼柔


繼隆

二人
從子
麟

二人
延
義子

南平高氏

季興



晉石氏

臯振雞

敬儒

敬瑋

敬德

敬殷

重允

敬威

敬贊

敬暉

重貴

重信

重義

重英

重進

重睿

重杲

延煦

延寶

漢劉氏

萬詮

敬暉

曦

璵

知遠


承勳

承訓

承詒

續唐書 卷十 諸國表

旻



贊

繼恩養子。

繼元——守節

繼文

繼欽

二人俱旻孫。


周郭氏

簡

威

榮

養子。



宜哥
賜名
誼。

續唐書卷十一

大臣表

	<p>同中書門下平章 事</p>
	<p>樞密使</p>
	<p>租庸使 三司使 <small>長興元年改</small></p>
	<p>蕃漢內外馬步軍 都總管副都總管 侍衛親軍馬步軍 都指揮使</p>
	<p>行營都統都招討使 招討使 都部署 部署</p>

年 三	年 二	年 元 光 同
<p>革 光胤 四月 卒</p>	<p>革 光胤</p>	<p>豆盧革 行臺左丞相 四月改 門下侍郎命 盧程 行臺右丞相 四月改中書 侍郎命 八月罷 趙光胤 十一月 尚書左丞改 中書侍郎命 韋說 十一月 禮部侍郎命</p>
<p>崇韜 九月充招討使 伐蜀 居翰</p>	<p>崇韜 居翰</p>	<p>郭崇韜 四月由中 門使遷兵部 尚書拜樞密 十一月加侍中 領成德節 張居翰 宣官 四月命</p>
<p>謙</p>	<p>革 王正言 正月命 八月遷 正吏</p>	<p>張憲 四月命 十月遷東京副留 守 豆盧革 十一月 宰相判 孔謙 副</p>
<p>嗣源 二月徙成德 十二月還朝</p>	<p>存審 五月卒 嗣源 六月徙宣武 兼都總管</p>	<p>李存審 都總管 龍節度使 李嗣源 副總管 天平節度使</p>
<p>魏王繼岌 都統 九月伐蜀 郭崇韜 都招討伐蜀</p>	<p>李嗣源 都統 四月討楊立子 潞州 元行欽 部署 副嗣源討楊立</p>	

年	天 成 元 年
<p>二 珽 命。 馮道 命。 崔協 命。</p> <p>六月。罷爲太子少保。 正月。端明學士改中書侍郎。 正月。太常卿改中書侍郎命。</p>	<p>革 命。 任 命。 鄭 命。</p> <p>七月。流陵州。尋賜死。 五月。工部尙書改中書侍郎。 五月。太子賓客改中書侍郎。 七月。流合州。尋賜死。</p>
<p>重 命。 循 命。</p> <p>正月。加侍中。 正月。加同平章事。</p>	<p>崇 命。 安 命。 孔 命。</p> <p>正月。爲魏王。殺。 四月。命。 五月。命。</p>
<p>圓 命。 孟 命。 張 命。</p> <p>五月。解。 五月。副使權判。 十月。宣敕判。</p>	<p>任 命。 謙 命。</p> <p>五月。宰相判。 四月。伏誅。</p>
<p>石 命。 敬 命。</p> <p>副使如故。 都指揮。十月。命六軍。</p>	<p>嗣 命。 源 命。</p> <p>兵變。還入洛。遂即位。 二月。討趙在禮于鄴。三月。</p>
<p>劉 命。 訓 命。</p> <p>招討。二月。伐高季興。</p>	<p>繼 命。 崇 命。</p> <p>四月。自殺于渭南。 正月。被殺。</p>

長興元年	四年	三年
<p>道鳳</p>	<p>道協 二月卒 趙鳳 三月兵部侍郎改門下侍郎命</p>	<p>道珽 三月罷為左僕射 協 王建立 成德節三 月改右僕射命十一月罷</p>
<p>重誨 十二月出 討董璋 范延光 九月命</p>	<p>重誨 趙敬怡 二月卒</p>	<p>重誨 四月兼河南尹 循 三月出鎮忠武 范延光 二月命四 月出鎮成德</p>
<p>張延朗 八月命</p>		<p>延朗 三月解 王建立 三月宰相判十一月 出鎮平盧</p>
	<p>義誠 出鎮山南東道</p>	<p>敬瑭 四月鎮天雄 康義誠 領河陽節代敬瑭</p>
<p>敬瑭 都招討九月 討董璋 夏魯奇 九月副敬瑭討璋</p>	<p>晏球 二月賊平</p>	<p>王晏球 招討四月討王都</p>

年	四	年	三	年	二
	道 愚 劉煦 命 正月·端明學士 改中書侍郎		道 愚 鳳 三月·出鎮安國 李愚 三月·太常卿 改中書侍郎命		道 重誨 二月·罷鎮河中 四月·被殺 延光 九月·加同平章事 趙延壽 命 四月
	延光 九月·加侍中 十月·出鎮成德 延壽 九月·加侍中 出鎮宣武 朱宏昭 命 九月 馮贇 命 十月		延光 十一月·加同平章事 馮贇 十一月·出鎮忠武 馮贇 命 十一月·宣徽判		延朗 五月 孟鶴 命 五月
	敬瑭 義誠 孫岳 十月·命 十一月·被殺 王玫 王玫 朱洪實 馬 皇甫遇 步		敬瑭 蕃漢總管 十一月·命出鎮太原 義誠 都指揮 十一月 二月命		敬瑭 二月·無功引還 魯奇 正月·戰沒

應 順 元 年

道 九月出鎮匡國
忠 十月罷守左僕射
煦 十月罷守右僕射
盧文紀 七月太常卿改中書侍郎命
姚顥 八月左丞改中書侍郎命
張延朗 十二月武軍改中書侍郎命

宏昭 正月加中書令三月自殺
贊 三月自殺
郝瓊 四月命未幾罷
韓昭胤 五月命
范延光 五月命
劉延朗 副命五月

玫 四月改宣徽
劉煦 四月宰相判
張延朗 十二月宰相判

敬瑭 三月討潞王
義誠 三月叛降
洪實 三月被殺
遇

王思同 都部署二月敗還
藥彥稠 副思同三月敗還
康義誠 都招討三月討潞王
張敬達 拒契丹副敬瑭

清 泰 二 年

文紀
顥 判三
延朗 司
韓昭胤 四月樞密使改中書侍郎命
郎命 十二月出鎮
馮道 十二月拜司空

昭胤 四月遷平章
延光 二月出鎮宣武
趙延壽 三月命
劉延皓 四月命出鎮天雄
房嵩 九月命
延朗

延朗

敬瑭

敬瑭 北面總管
張敬達 副敬瑭

元	昇	唐	南	年	三
張延翰 <small>十月·右僕射同平章事</small>	宋齊邱 <small>正月·拜左丞相·十月</small>			馬胤孫 <small>三月·翰林學士改中書侍郎命·十二月·降晉·</small>	文紀 <small>十二月·降晉·</small>
徐玠 <small>正月·拜右丞相·</small>	周宗 <small>正月·命·</small>			延朗 <small>十一月·降晉·</small>	延壽 <small>九月·督師潞州·十一月降契丹·</small>
吳王景通 <small>十月·太尉尙書令諸道副元帥判六軍·</small>	周廷玉 <small>正月·命·</small>			諸道兵馬元帥 副元帥 判六軍諸衛事	延朗 <small>十一月·降晉·被殺·</small>
				翰林學士	敬瑄 <small>五月·移鎮天平·不受命·</small>
				勤政殿學士	敬達 <small>五月·改太原四面都部署·</small>

年	元
<p>建勳 居詠 延翰 玠 齊邱 都省。 吉王景遂 正月·侍 中判尙書</p>	<p>事。 張居詠 十月·門下 侍郎同平章 事。 李建勳 十月·中書 侍郎同平章</p>
<p>宗 廷玉</p>	
<p>吳王 改名 璵</p>	

<p>年 五</p> <p>建勳 居詠 齊邱 景遂</p>	<p>年 四</p> <p>建勳 居詠 延翰 齊邱 景遂</p> <p>卒十二月</p>	<p>年 三</p> <p>建勳 居詠 延翰 齊邱 景遂</p> <p>政不預</p>
<p>宗</p>	<p>宗</p>	<p>宗</p>
<p>吳王</p>	<p>吳王</p>	<p>吳王 四月 拜兵馬 大元帥 守太 尉 錄尚書事 昇 揚二州判六軍</p>

<p>六 年 景遂 二月・改領中書門下省・ 齊邱 二月・判尚書省・尋罷政・ 居詠</p>	<p>保 大 元 年 景遂 七月・拜兵馬元帥・ 齊邱 三月・拜太保 月罷・ 居詠 周宗 三月・拜侍中・</p>	<p>二 年 宗 居詠</p>	<p>三 年 宗</p>
<p>宗</p>	<p>宗 三月・拜侍中・ 陳覺 十二月・左遷少府監・ 魏岑 副使・ 查文徽 副使・</p>	<p>岑 文徽 十二月・改江西安撫使・伐 閩・</p>	<p>岑</p>
<p>吳王</p>	<p>吳王 二月・卽帝位・ 燕王景遂 七月・拜太尉中書令諸道兵馬元帥判六軍・ 鄂王景達 副・</p>	<p>景遂 景達</p>	<p>景遂 景達</p>
<p>馮延己</p>	<p>游簡言 判中書省・兼吏、兵二部選官・</p>	<p>延己 簡言 常夢錫</p>	<p>常夢錫</p>

年 七	年 六	年 五	年 四
建勳	昌業 建勳	齊邱 八月・出爲 鎮南節度・ 建勳 四月・罷爲 太弟少保・ 延己 吏部尙書 判省事・ 杜昌業	宗 正月・出爲 鎮南節度・ 居詠 正月・出爲 鎮海節度・ 齊邱 正月・拜太 傅中書令・ 建勳 右僕射兼門 下侍郎・ 延己 中書侍郎同 平章事・
		岑 四月・罷爲 太子洗馬・	岑 安撫漳、 泉・
宏冀 景達	宏冀 景達	景遂 正月・立爲 皇太弟・ 景達 正月・遷兵馬 元帥判六軍・ 燕王宏冀 正月・拜 副元帥・	景遂 景達

年一十	年	年九	年八
<p>延己 三月 復拜。</p>	<p>孫晟 三月 同平章事 右僕射 月罷。</p> <p>徐景運 三月 侍郎 同平章 中書</p> <p>延己 二月 同平章事 左僕射 月罷。</p> <p>建勳 出爲鎮南 節度。</p>	<p>建勳</p>	<p>建勳</p>
<p>景達 宏冀</p>		<p>景達 宏冀</p>	<p>景達 宏冀</p>

年 五 十	年 四 十	年 三 十	年 二 十
續 延己	續 延己	嚴續 二月・門下侍 郎同平章事・	延己
崇義 陳覺 副使・ 李徵古 副使・	殷崇義 命十一月		
景達 宏冀	景達 宏冀	景達 宏冀	景達 宏冀
常夢錫			

中興元年	交泰二年	三吳王
<p>齊邱 <small>大傳中書令。十二月。勒歸。</small></p> <p>自殺。</p> <p>延己 <small>五月。罷為太子太傅。</small></p> <p>續 <small>五月。罷為太子少傅。</small></p> <p>太子宏冀 <small>知政事。</small></p>	<p>宏冀 <small>九月。卒。</small></p> <p>吳王從嘉 <small>九月。拜尙書令知政事。</small></p> <p>鍾謨 <small>禮部侍郎判尙書省事。九</small></p> <p>月。 九</p>	<p>崇義</p> <p>唐鎬 <small>副。</small></p>
<p>崇義</p> <p>覺 <small>五月。罷。尋賜死。</small></p> <p>徵古 <small>副。三月。出為鎮南節度副使。十二月。賜死。</small></p>	<p>崇義</p>	<p>景達 <small>三月。辭元帥。出為撫州大都督。</small></p> <p>宏冀 <small>三月。立為皇太子。</small></p>
<p>夢錫 <small>卒。</small></p>		

<p>後主 吳王<small>二月・立爲太子・六月・卽帝位。</small></p> <p>元續<small>六月・右僕射進司空同平章事。</small></p> <p>游簡言<small>吏部尙書知省事。</small></p>	<p>二年續</p> <p>年簡言</p>	<p>三年續</p> <p>年簡言</p>	<p>四年續</p> <p>年簡言</p>	<p>五年續<small>五月・出爲鎮海節度。</small></p> <p>年簡言</p>
<p>崇義</p> <p>鎬</p>	<p>崇義</p>	<p>崇義</p>	<p>崇義</p> <p>朱鞏</p>	<p>崇義</p> <p>陳喬<small>副使。</small></p>

年 十	年 九	年 八	年 七	年 六
	<p>崇義 罷為潤州節度。</p> <p>簡言 二月。左僕射兼門下侍郎同平章事。五月卒。</p>	<p>崇義 三月。左僕射同平章事。</p> <p>簡言</p>	<p>簡言</p>	<p>簡言</p>
喬	喬	<p>崇義 三月。拜平章。</p> <p>喬 遷正使。</p>	<p>崇義</p> <p>喬</p>	<p>崇義</p> <p>喬</p>
喬				

戊	甲	年三十	年二十	年一十
	崇義	崇義 司空知左右 內史事		
	喬	喬	喬 二月·改光 政院使	喬
	鍾蒨			

乙	崇義 十一月 出降・
喬	喬 十一月 殉難・
亥	蔣 十一月 殉難・

續唐書卷十二

禮儀志

自有虞伯夷作秩宗典三禮。在周因而爲五。周官宗伯掌五禮以佐王安邦國親萬民。而太史執書以協事。是時典章皆備。可履而行。周衰諸侯每去其籍。至秦又舉而焚之。漢叔孫通定朝儀。後漢又使曹褒定漢儀。後代相承。各有著作。晉宋至隋。典冊遂多。唐之初年。卽用隋禮。至太宗時。命房喬魏徵等與禮官學士爲吉禮六十一篇。凶禮十一篇。賓禮四篇。軍禮二十篇。嘉禮四十二篇。是爲貞觀禮。高宗又詔長孫無忌杜正倫李義府等增至一百三十卷。是爲顯慶禮。事旣施行。議者多以爲非。上元三年。詔復用貞觀禮。由是貞觀顯慶二禮兼行。而有司臨事參攷增損之。武氏中宗繼以亂敗。元宗開元十四年。王岳上疏。請刪禮記舊文。而益以今事。詔付集賢院議。張說以爲禮記不刊之書。去聖久遠。不可改易。而唐貞觀顯慶禮。儀注前後不同。宜加折衷。以爲唐禮。乃詔徐堅李銳等及蕭嵩王仲丘先後撰定一百五十卷。是爲大唐開元禮。由是唐之五禮始備。至於末造。用之雖小有損益。亦不能過。惜舊史散亡。今略爲搜羅述之。

同光二年春三月十日。祠部奏。本朝舊儀。太微宮每年五薦獻。其南郊壇每年四祠祭。吏部申奏。請差中

書門下攝太尉行事。其太廟及諸郊壇，並吏部差三品已上攝太尉行事，從之。至其年七月，中書門下奏，據尚書祠部狀：每年太微宮五薦獻，南郊壇四祠祭，並宰相攝太尉行事，惟太廟時祭，獨遣庶僚。雖爲舊規，慮成誦禮。臣等商量，今後太廟祠祭，亦望差宰臣行事，從之。夏六月，太常禮院奏：國家興建之初，已於北都置廟。今克復天下，遷都洛陽，卻復本朝宗廟。按禮無二廟之文，其北都宗廟請廢。乃下尚書省集議。禮部尚書王正言等奏議曰：伏以都邑之制，宗廟爲先。今卜洛居尊，開基御宇，事當師古，神必依人。北都先置宗廟，不宜並設。況每年常享，禮有常規。時日旣同，神何所據。竊聞近例，亦有從權。如神主已修，迎之當藏於夾室。若廟宗已崇，虛之以爲恆制。若齊桓公之廟二主，禮無明文。古者師行，亦無遷於廟主。昔天后之崇鞏洛，禮謂非宜。漢皇之戀豐枌，事無所法。況本朝故事，禮院具明。洛邑舊都，嵩高正位，豈宜遠宮闕之居。建祖宗之廟，事非可久。禮在從長，其北都宗廟，請準太常禮院申奏，停廢。從之。三年冬十一月，禮儀使奏：伏準禮經，喪三年不祭。天地社稷，爲越紼行事。此古制也。爰自漢文，益尊神器，務狗公絕私之義。行以日月之制，事久相沿。禮從順變，今園陵已畢，祥練旣除，宗廟不可以乏享。神祇不可以廢祀。宜遵禮儀式，展孝思。伏請自貞簡太后升附禮畢，應宗廟儀樂及羣祀，並準舊施行。從之。天成元年，中書舍人馬縞奏曰：伏見漢晉以來，諸侯王宗室承襲帝統，除七廟之外，皆別追尊親廟。漢光武皇帝立先四代於南陽，其後桓帝以下，亦皆上攷前修，追崇先代，乞依兩漢故事，別立親廟。詔下尚書省集百官定議。

禮部尙書蕭頊等議曰。伏見方冊所載。聖概所存。將達蘋藻之誠。宜有棗稅之制。臣等集議。其追尊位號。又建廟都邑。乞特降制命。依馬縞所議。二年。中書門下又上奏曰。伏以兩漢以諸侯王入繼帝統。則必易名上諡。廣孝稱皇。載於諸王故事。孝德皇。孝仁皇。孝元皇是也。伏乞聖慈。俯從人願。許取皇而薦號。兼上諡以尊名。改置園林。仍增兵衛。遂詔太常禮院定其儀制焉。太常博士王丕等引漢桓帝入嗣。尊其祖河間孝王曰孝穆皇帝。蠡吾侯曰孝崇皇帝爲例。請付太常卿定諡。刑部侍郎權判太常卿馬縞復議曰。伏準兩漢故事。以諸侯王宗室入承帝統。則必追尊父祖。修樹園陵。西漢宣帝。東漢光武。孝饗之道。故事具存。自安帝入嗣。遂有皇太后令。別崇諡法。追曰某皇。所謂孝德。孝穆之類是也。前代惟孫皓自烏程侯繼嗣。追父和爲文皇帝。事出非常。不堪垂訓。今據禮院狀。漢安帝以下。若據本紀。又不見帝字。伏以諡法。德象天地曰帝。伏緣禮院已曾奏聞。難將兩漢故事。便述尊名。請詔百官集議。時右僕射李琪等議曰。伏觀前代以來。宗廟成制。繼襲無異。沿革或殊。馬縞所奏。禮有按據。乞下制命。令馬縞。虔依典冊。以述尊名。時明宗意欲兼加帝字。乃下詔曰。朕聞開國承家。得以制禮作樂。三皇不相襲。五帝不相沿。隨代創規。於理無爽。矧或情關祖禰。事繫烝嘗。且追諡追尊。稱皇與帝。既有增減之字。合陳褒貶之詞。大約二名俱爲尊稱。若三皇之代。故不可加帝。五帝之代。不可言皇。爰自秦朝。便兼二號。至若聖祖老君。事隔千祀。宗追一原。猶顯冊於鴻名。豈須遵於漢典。況朕居九五之位。爲億兆之尊。不可總二名於渺躬。惜一字於先代。

苟隨執議。何表孝誠。可委宰臣與百官詳定。集兩班於中書。逐班各陳所見。惟李琪等請於祖禰二室。先加帝字。宰臣合衆議奏曰。恭以朝廷之重。宗廟爲先。事繫承祧。義符致美。且聖朝追尊之日。卽引漢氏舊儀。在漢氏封崇之時。復依何代故事。理關凝滯。未協聖謨。道合變通。方爲民則。且王者功成治定。制禮作樂。正朔服色。尊祖奉先。何妨沿革。若應州必立別廟。則地遠上都。今據開元中追尊皋陶爲德明皇帝。涼武昭王爲興聖皇帝。皆立廟於東都。臣等商量。所議追尊四廟。依御札並加皇帝之號。兼請於洛京立廟。敕宜於應州舊宅立廟。餘依所奏。其年八月。太常禮院奏。議請祧懿祖一室。後下百僚集議。禮部尙書蕭頃等奏。請從中書所奏。從之。三年冬十一月。太常寺定議。唐少帝諡廟號景帝。博士李朋龜奏。謹按禮經。臣不誅君。稱天以諡之。是以本朝故事。命太尉率百僚。奉諡冊告天於園丘。回讀於靈座前。竝在七月之內。諡冊入陵。若追尊定諡。命太尉讀諡冊於太廟。藏冊於本廟。伏以景宗皇帝。頃負沈寃。歲月深遠。園陵已修。不耐於廟。則景宗皇帝親在七廟之外。今聖朝申寃。追尊定諡。重新帝號。須撰禮儀。又禮云。君不逾年。不入宗廟。且漢之殤。沖質君臣已成。晉之惠。懷愍俱負艱難。皆不列廟食。止祀於園寢。臣等竊詳故實。欲請立景宗皇帝廟於園所。命使奉冊書寶綬。上諡於廟。便奉太牢祀之。其四時委守奉薦。請下尙書省集三省官詳議施行。右散騎常侍蕭希甫等議。請依禮院所奏。奉敕。宜令北州城內選地起廟。乃於曹州立廟。四年五月。中書門下奏。先據太常寺定少帝諡昭宣光烈孝皇帝。號景宗者。伏以景宗生曾爲

帝饗乃承祧。既號景宗，合入宗廟。如不入宗廟，難以言宗。於理而論，祧一遠廟，安少帝神主於太廟，卽昭穆序而宗祀正。今或且居別廟，卽請不言景宗。但言昭宣光烈孝皇帝，兼冊文內有基字，是明皇廟諱。雖尋常詔敕，皆不回避。少帝是繼世之孫，不欲斥烈祖之諱。今改基字爲宗字，從之。八月戊申，明宗服袞冕，御文明殿，追冊昭宣光烈孝皇帝。禮畢，冊使兵部尙書盧質押冊出應天門，登車，鹵部鼓吹前導，入都亭驛。翌日，登車赴曹州。時議者以追尊則可，立之爲宗，不入太廟，深爲失禮。夫言宗者，功業纂於祖禰，德澤被於生民，發號申令可也。且輝王篡嗣之日，國命出於賊臣，君父銜冤，母后塗炭，遭罹放逐，鼎祚覆亡，追謚易名，當循故實。如漢之沖、質，晉之愍、懷，但尊稱而無廟號。前代亡國者，周赧、漢獻、魏陳留，亦不稱宗。中興之追謚者，孺子嬰、光武，竟無追宗之典。設如自我作古，酌於人情，則謂之景宣光烈，深不稱也。古之周景、漢景、周宣、漢宣，皆中興再造之主。至如國朝太祖曰景，以受命而有唐室，宣宗皇帝，以隔代承運，皇綱復振故也。今輝王亡國墜業，謂之宣景，得無謬乎？先是太常既奏，下尙書省集議。雖有智者，依違不言。至是，旣奉爲景宗，陵號溫陵，乃於曹州置廟，以時告享。仍以本州刺史以下爲三獻官。後宰臣知其非，奏去廟號。長興元年秋九月，太常禮院奏，來年四月孟夏，禘饗於太廟，謹按禮經，三年一禘，以孟冬。五年一禘，以孟夏。已毀未毀之主，竝合食於太祖之廟。逐廟功臣，配饗於本廟之庭。本朝寶應元年，定禮奉景皇帝、高祖、太宗爲始封之祖。旣廟號太祖，百代不遷。每遇禘祫，位居東向之尊。自太祖元皇帝、高祖太宗已

下烈聖子孫各序昭穆。南北相向。合食於前。聖朝中興。重修宗廟。今太廟見饗高祖。太宗。懿宗。昭宗。獻祖。太祖。莊宗七廟。太祖景皇帝在祧廟之數。不列廟饗。將來禘禮。若奉高祖居東向之尊。則禘饗不及於太祖。若以祧廟太祖居東向之位。則又違於禮意。今所司修奉祧廟神主。及諸色法物已備。合預請參詳。事須具狀申奏。敕下尙書省集百官詳議。戶部尙書韓彥憚等奏議曰。伏以本朝尊受命之祖景皇帝爲始。封之君。百代不遷。長居廟食。自貞觀至於天祐。無所改更。聖祖神孫。左昭右穆。自中興國祚。再議宗祊。以太祖景皇帝在祧廟之數。不列祖宗。欲尊太祖之位。將行東向之儀。爰命羣臣同議可否。伏詳本朝列聖之舊典。明皇定禮之新規。開元十年。特立九廟。子孫遵守。歷代無虧。今旣行定禮之規。又以祧太祖之室。昔德宗朝。將行禘祫之禮。顏真卿議請奉獻祖居東鄉之位。景皇帝暫居昭穆之列。攷之於貞元。則以爲誤行之於今日。正得其禮。今欲請每遇禘祫之歲。暫奉景皇帝居東向之尊。自元皇帝以下。敍列昭穆。從之。二年夏五月。尙書左丞崔儉奏。大祠差官行事。皇帝雖不預祭。其日亦不視朝。伏見車駕其日亦出於理不便。今後請每遇大祠中祠。車駕不出。從之。四年春二月。太常博士路航奏。比來小祠已上。公卿皆著祭服行事。近日惟郊廟太微宮具祭服。五郊迎氣日月諸祠。並祇常服行事。兼本司執事人等。皆著隨事行裝。狼藉鞋履。便隨公卿升降於壇墀。按祠部令中祠已上。應齋郎等升壇行事者。並給潔服。事畢收納。今後中祠已上。公卿請具祭服。執事升壇人。並著具緋衣幘子。又臣檢禮閣新儀。太微宮使卯時行。

事。近年依諸郊廟例。五更初便行事。今後請依舊以卯時從之。應順元年春正月。中書門下奏。太常以大行山陵禮畢。祔廟。今太廟見饗七世。高祖。太宗。懿宗。昭宗。獻祖。太祖。莊宗。大行升祔。禮合祧遷。顯祖。請下尙書省議。太子少傅盧質等議曰。臣等以親盡從祧。垂於舊典。疑事無質。素有明文。頃莊宗皇帝。再造寰區。復隆宗廟。追三祖於先遠。復四室於本朝。式遇祧遷。旋成沿革。及莊宗升祔。以懿祖從祧。初非嗣立之君。所以先遷其室。光武滅新之後。始有追尊之儀。比祇在於南陽。元不歸於太廟。引事且疏於故實。此時須稟於所規。將來升祔先朝。次合祧遷。獻祖。既協隨時之義。又符變體之文。從之時議。以懿祖賜姓於懿宗。以支庶繫太宗。例宜以懿爲始祖。次昭宗可也。不必祖神堯而宗太宗。若依漢光武。則宜於代州立獻祖而下親廟。其唐廟依舊禮而行之可也。而議諡者。忘咸通之懿宗。又稱懿祖父子俱懿。於理可乎。將朱邪三世。與唐室四廟。連序昭穆。非禮之甚也。議祧者。不知受祀於唐懿宗而祧之。今又及獻祖。以理論之。始祧昭宗。次祧獻祖。可也。而懿祖如唐景皇帝。豈可祧乎。清泰元年夏五月。中書門下奏。據太常禮院申。明宗聖德和武欽孝皇帝。今月二十日祔廟。太尉合差。宰臣攝行。緣馮道在假。李愚十八日私忌。在致齋內。今劉昫又奏。見判三司事。請免祀事。今與禮官參酌。諸私忌日。遇大朝會。入閣宣召。尙赴朝參。今附饗祀。大忌屬私齋日。請比大朝會宣召例。差李愚行事。從之。昇元二年冬十月丙子。立太學。命刪定禮樂。三年春三月庚午。作南郊行宮千間。夏四月庚辰。朝享於太廟。詔百官議。二祚合享禮。宋齊邱等

議以義祖居七屋之東。命居高祖於西室。太宗次之。義祖又次之。皆爲不祧之主。羣臣言義祖諸侯。不宜與高祖、太宗同享。請於太廟正殿後別建廟祀之。帝曰：吾自幼託身義祖。向非義祖有功於吳。朕安能啟此中興之業乎？羣臣乃不敢言。是月辛巳。有事於南郊。以高祖神堯皇帝配。用上辛也。詔公卿以下議定郊祀。平章事張居詠、李建勳等議曰：孔子云：郊祀后稷以配天。宗祀文王於明堂以配上帝。此萬世不易之法也。昔長孫無忌請配高祖於園丘。以配昊天上帝。祀太宗於明堂。以配上帝。蓋得之也。今國家嗣興。唐祚追尊孝德。配上帝於明堂。禮也。其服物制度。古有常儀。一切僞飾。願皆罷去。奏可。大司徒齊邱請以春秋郊以四月上辛。禮部員外郎常夢錫駁曰：按禮。天子之郊以冬至。不卜日。魯侯之郊以仲春上辛。今之四月。非郊之時。齊邱固爭。遂用夏四月。議者多哂之。詔曰：禮莫重於享帝。孝莫重於隆親。事實重大。承以輕渺。可謂無其德而用其事。祇知畏焉。於嘻。爾公爾侯。各揚厥職。不供迺事。國有常典。保大元年。江文蔚、韓熙載典太常禮儀。議烈祖稱宗。蕭儼獨建言。帝王已失之。已得之。謂之反正。非已失之。自己復之。謂之中興。中興之君。廟宜稱祖。先帝興已墜之業。不宜屈而稱宗。文蔚亦以儼議爲當。遂用之。保大中。帝自以唐宗室。慨然欲定中原。復舊都。有司請行南郊禮。帝曰：俟天下爲一。然後告謝天地。後主七年。始議立周后爲繼室。命太常博士陳致雍攷古今沿革。草具婚禮。又命學士徐鉉、知制誥潘佑參定。鉉曰：婚禮古不用樂。佑以爲今古不相沿襲。固請用樂。后初見君。後魏書有后先拜後起。帝後拜先起之文。鉉

因謂夫婦爲人倫之本。承祖宗主祭祀。請荅拜。佑以爲王者婚禮。不可與庶人同。請不荅拜。又車服之制。互有矛盾。議久不決。文安郡公徐遊評其異同。多是佑議。遂施用之。逾月。遊病疽。鉉懟其不主己議。戲語人曰。周孔亦能爲厲乎。將納采。後主命校鵝代白雁。被以文繡。使銜書。特舉親迎之禮。其侈靡不經。類此。民庶觀者。盈數萬人。

續唐書卷十三

音樂志

樂記曰。凡音之起。由人心生也。人心之動。物使之然也。感於物而動。故形於聲。聲相應。故生變。變成方。謂之音。比音而樂之。及于戚羽旄。謂之樂。是以古之王者作樂。所以昭德象功。事天地。和民人。自開代以來。舊章尙在。唐之初興。沿用隋樂。至武德九年。始詔太常少卿祖孝孫。協律郎竇璉等定樂。至貞觀二年夏六月。奏之。孝孫又奏陳。梁舊樂。雜用吳。楚之音。周。齊舊樂。多涉胡。戎之伎。於是斟酌南北。考以古音。作爲大唐雅樂。以十二律各順其月。旋相爲宮。蓋周禮旋宮之義。亡絕已久。時莫能知。一朝復古。豈不甚善。及孝孫卒後。協律郎張文收與太常掌禮樂官。更加釐改。當時稱善。洎乎唐季之亂。雅樂淪亡。舊史云。莊宗起於朔野。經始霸圖。其所存者。不過邊部鄭聲而已。先王雅樂。殆將泯絕。當同光。天成之際。或有事清廟。或祈祀泰壇。雖篋虞猶施。而宮商孰辨。遂使磬裏。鼗武。入河漢而不歸。湯籥。舜韶。混陵谷而俱失。觀於史言。良足致慨。南唐事不師古。惟耽新聲。而典籍殘缺。更無可徵。今姑就所見者。約略編之焉。

同光二年春正月。將有事於南郊。光祿大夫檢校尙書左僕射行太常卿充南郊禮儀使李燕進太廟登

歌樂章洎舞名。其懿祖昭烈皇帝室登歌酌獻曰昭德之舞。獻祖文皇帝登歌酌獻曰文明之舞。太祖武皇帝室登歌酌獻曰應天之舞。昭宗皇帝室登歌酌獻曰永平之舞。從之。

天成元年秋八月。太常卿定莊宗孝皇帝廟室酌獻奏武成之舞。尙書兵部侍郎崔居儉撰登歌樂章。四年春二月。詔樂章有霓裳曲名。與德祖孝成皇帝廟諱同。改爲雲裳曲。

長興三年秋九月壬辰。宴羣臣於長春殿。教坊進新曲。是日奏畢。賜名曰長興樂。

清泰元年夏五月。太子賓客判太常寺事盧文紀言。明宗皇帝祔廟。其一室酌獻舞曲歌辭。臣請名雍熙之舞。從之。文紀撰登歌樂章。

昭德舞辭

懿彼明德。赫赫煌煌。名高閩域。功著旂常。道符休泰。運叶祺祥。慶傳萬祀。以播耿光。

文明舞辭

帝業光揚。皇圖翕赫。聖德孔彰。神功不測。信及豚魚。恩霑動植。懿萬鴻名。傳之萬億。

應天舞辭

唐國肇興。雄圖再固。黼黻帝道。金玉王度。皇帝無親。惟德是輔。載誕英明。永光聖祚。

永平舞辭

慶傳實祚。位正瑤圖。功宣四海。化被八區。靜彰帝道。動合乾符。千秋萬祀。永荷昭蘇。
武成舞辭

艱難王業。反正皇唐。先天載造。卻日重光。漢紹世祖。夏資少康。功成德茂。率祀無疆。
雍熙舞辭

仁君御宇。寰海謚清。運符武德。道叶文明。九功式序。百度惟成。金門積慶。玉葉傳榮。

交泰元年。周顯德五年。夏六月。命中書舍人竇儼參詳雅樂。冬十一月。翰林學士竇儼上疏論禮樂刑政之原。其一曰。請依唐會要所分門類。上自五帝。迄於聖朝。凡所施爲。悉命編次。凡關禮樂。無有闕漏。名之曰大周通禮。俾禮院掌之。其二曰。伏請博通之士。上自五帝。迄於聖朝。凡樂章沿革。總次編錄。繫於歷代樂錄之後。永爲定式。名之曰大周正樂。俾樂寺掌之。依文教習。務在齊肅。詔曰。竇儼所上封章。備陳政要。舉當今之急務。疾近世之因循。器識可嘉。辭理甚當。故能立事。無愧涖官。所請編集大周通禮。大周正樂。宜依議。仍令於內外職官前資前名中。選擇文學之士。同與編集。具名以聞。委儼總領其事。所須紙筆。下有司供給。明年春正月。樞密使王朴奉詔詳定雅樂十二律旋相爲宮之法。并造律準上之。其奏疏云。臣聞禮以檢形。樂以治心。禮樂者。聖人之大教也。形體順於外。聲氣和於內。而不治者。未之有也。故理定必制禮。功成必作樂。一人作之於上。萬人化之於下。政令不嚴。功力不勞。而天下理者。禮樂也。行政者。禮也。

成禮者樂也。故聖人盡心焉。夫樂作於人心。成聲於物。聲氣既和。反感於人心者也。所假之物。大小有數。九者成數也。是以黃帝吹九寸之管。得黃鐘之聲。爲樂之端也。半之清聲也。倍之緩聲也。三分其一以損益之。相生之聲也。十二變而復黃鐘。聲之總數也。乃命之曰十二律。旋迭爲均。均有七調。合八十四調。播之於八音。著之於歌頌。將以奉天地。事祖宗。和君臣。接賓旅。恢政教。厚風俗。以其功德之形容。告於神明。俾百代之後。知邦國之所由興。風教之所由行者也。宗周而上。率由斯道。自秦而下。旋宮聲廢。泊東漢雖有太子承。鮑鄴興之。人亡而政息。無嗣續之者。漢至隋垂十代。凡數百年。所存者黃鐘之宮一調而已。十二律中。惟用七聲。其餘五律。謂之啞鐘。蓋不知用故也。唐太宗有知人之明。善復古道。故用祖孝孫。張文收。考正雅樂。而旋宮八十四調。復見於時。在懸之器。方無啞者。所以知太宗之道。與三五同功焉。安史之亂。京都爲墟。器之與工。十不存一。所用歌奏。漸多紕繆。逮乎黃巢之餘。工器都盡。購募不獲。文記亦亡。集官詳酌。終不知其制度。時有太常博士商盈孫。按周官攷工記之文。鑄罇鐘十二。編鐘二百四十。處士蕭承慶。校定石磬。今之在懸者是也。雖有樂器之狀。殊無相應之和。逮乎朱梁。後唐。歷晉與漢。皆享國不遠。未暇及於禮樂。至於十二罇鐘。不問聲律宮商。但循環而擊。編鐘編磬。徒懸而已。絲竹匏土。僅有七聲。作黃鐘之宮一調。亦不和備。其餘八十三調。於是乎泯絕。樂之缺壞。無甚於今。陛下天縱文武。奄宅中區。上黨一戰。并胡喪氣。東西二征。秦吳開境。大功既著。思復三代之風。遺文絕編。咸令遐訪。墜典庶務。無不聿

修宗廟朝廷之儀。車服物象之數。於是乎昭明。臨視樂懸。親自攷聽。知其亡失。深動上心。乃命中書舍人竇儼參詳太常樂事。不踰月。調品八音。粗皆和會。以臣嘗學律麻。宣示古今樂錄。令臣討論。臣雖不敏。敢不奉詔。遂依唐法。以秬黍校定尺度。長九寸。虛徑三分。爲黃鐘之管。與見在黃鐘之聞相應。以上相生之法推之。得十二律管。以爲衆管互吹用聲。不便。乃作律準十三弦。宣聲長九尺。張弦各如黃鐘之聲。以第八弦六尺設柱爲林鐘。第三弦三尺設柱爲太簇。第十弦五尺三寸四分設柱爲南呂。第五弦七尺一寸三分設柱爲姑洗。第十二弦四尺七寸五分設柱爲應鐘。第七弦六尺三寸三分設柱爲蕤賓。第八弦八尺四寸四分設柱爲大呂。第九弦五尺六寸三分設柱爲夷則。第十弦七尺五寸一分設柱爲夾鐘。第十一弦五尺一分設柱爲無射。第十二弦六尺六寸八分設柱爲中呂。第十三弦四尺五寸設柱爲黃鐘之清聲。十二聲中。施用七聲。迭爲均焉。均之主者。宮也。徵、商、羽、角、變宮、變徵次焉。發其均主之聲。歸乎本音之律。七聲迭應而不亂。乃成其調均焉。七調聲有十二均。合八十四調。歌奏之曲。由之出焉。旋宮之聲久絕。一日而補出。臣獨見恐未詳。悉望下中書門下。集百官及內外知音者。校其得失。然後依調制曲。八十四調。曲有數百。見存者九曲而已。皆調之黃鐘之宮聲。今詳其音數。內三曲卽是黃鐘宮聲。其餘六曲。錯雜諸調。蓋傳習之誤也。唐初雖有旋宮之樂。至用曲多與禮文相違。旣不敢用唐爲則。臣又慥學獨力。未能備究古今。亦望集多聞知禮文者。上本古典。下順常道。定其義禮。於何月行何禮。合用何調何曲。聲

數長短。幾變幾成。議定而制曲。方可久長。行曲用所補雅樂旋宮八十四調。并所定尺。所吹黃管。所作律準。謹並上進。去聖踰遠。獨學難周。莫副天心。空呈聖鑒。疏奏晉主善之。乃詔尙書省集百官詳定。兵部尙書張昭等獻議曰。昔帝鴻氏之制樂也。將以範圍天地。協和人神。候八節之風聲。測四時之正氣。氣之清濁。不可以筆授。聲之善否。不可以口傳。故臯氏鑄金。伶倫截竹。爲律呂相生之管。宮商正和之音。乃播之於管弦。宣之於鐘石。然後覆載之情。訢合。陰陽之氣。和同。八風從律而不姦。五色成文而不亂。空桑孤竹之韻。足以禮神。雲門大夏之容。無虧觀德。然月律有旋宮之法。備於太師之職。經秦滅學。雅道凌夷。漢初制氏所調。惟存鼓舞。旋宮十二均。更用之法。世莫得聞。漢元帝時。京房善易。別音探求古義。以周官均法。每月更用五音。乃立準調。旋相爲宮。成六十調。又以日法析爲三百六十。傳於樂府。而編懸復舊。律呂無差。遭漢中微。雅音淪缺。京房準法。屢有言者。事終不成。錢褒空記其名。沈重但條其說。六十六法。寂寥不嗣。梁武帝素精音律。自造四通十二笛。以領八音。又引古五正二變之音。旋相爲宮。得八十四調。與律準所調音同數異。侯景之亂。其音又絕。隋朝初定雅樂。羣黨沮議。歷載不成。而沛公鄭譯。因龜茲琵琶七音。以領月律。五更二變。七調克諧。旋相爲宮。復爲八十四調。工人萬寶常。又減其絲數。稍令古淡。隋高祖不重雅樂。令儒官集議。博士何妥駁奏。其鄭萬所奏。八十四調並廢。隋代郊廟所奏。惟黃鐘一均。與五郊迎氣。雜用蕤賓。俱七調而已。其餘五鐘。懸而不作。三朝宴樂。用縵樂九部。迄於革命。未能更改。唐太宗爰命

舊工祖孝孫、張文收、整比鄭譯、萬寶常所均七音八十四調。方得絲管並懸、鐘石俱奏。七始之音復振、四
廂之韻皆調。自安、史亂離、咸秦盪覆、崇牙樹羽之器、掃地無餘。戛擊搏拊之工、窮年不嗣。郊廟所奏、何異
南箕波蕩、不還。知音殆絕、臣等竊以音之所起、出自人心、襲不能長存、人事不能常泰。人亡則音息、世
亂則樂崩。若不深知禮樂之情、安能明制作之本。陛下心包萬化、學富三雍、觀兵耀武之功、已光鴻業。尊
祖禮神之致、尤軫皇情。乃睠奉常、痛淪樂職、親閱四懸之器、思復九奏之音。爰命廷臣、重調鐘律。樞密使
王朴條奏、采京房之準法、練梁武之通音。考鄭譯、寶常之七均、校孝孫、文收之九變。積累黍以審其度、聽
聲詩以測其情。依權衡嘉量之前文、得備數和審之大旨。施於鐘簞、足洽簫韶。臣等今月十九日、於太常
寺集命大樂令賈峻奏、王朴新法、黃鐘調七均、音律和諧、不相陵越。其餘十一管諸調、望依新法教習、以
備禮寺施用。其五郊天地宗廟社稷三朝大禮、合用十二管諸調、並載唐史開元禮。近代常行、廣順中太
常卿邊蔚奉敕、定前件祠祭朝會舞名、舞曲、歌詞。寺司合有簿籍、伏恐所定與新法曲調聲韻不協。請下
太常寺檢詳校試、如或乖舛、請本寺依新法聲調、別撰樂章、舞曲、令歌者永爲一代之法。以光六樂之書。
議上、詔曰、禮樂之重、國家所先。近朝以來、雅音全廢。雖時運之多故、亦官守之因循。遂使擊拊之音、空留
梗概。旋相之法、莫究指歸。樞密使王朴、博識古今、懸通律呂、討尋舊典、撰集新聲。復六代之正音、成一朝
之盛事。其王朴所奏旋宮新詞、宜依張昭等議狀施行。仍令有司依調制曲。其間或有疑滯、更委王朴裁

酌施行。先是雅樂廢墜久矣。累朝以來。未能攷正。是歲將立歲仗。有司以崇牙樹羽。宿設於殿庭。因親臨樂懸。試其聲奏。見鐘磬之類。有施而不擊者。乃命翰林學士判太常寺竇儼參詳其失。又命朴攷正其聲。朴因獻是議。及以所作律準上進。因命百官議而行之。

後主昭惠后周氏善歌舞。尤工琵琶。常爲壽元宗前。元宗以燒槽琵琶賜之。燒槽卽蔡邕焦桐之義。或謂焰材而斲之。或謂因爇而存之。常雪夜酣燕。舉杯請後主起舞。後主曰。汝能創爲新聲。則可矣。后即命牋綴譜。喉無滯音。筆無停思。俄頃譜成。所謂醉邀舞破也。又有恨來遲破。亦后所製。故唐盛時。霓裳羽衣。最爲大曲。亂離之後。絕不復傳。后得殘譜。以琵琶奏之。樂工曹生亦善琵琶。按譜粗得其聲。而未盡善。后輒變易訛謬。頗去洼淫。煩手新音。清越可聽。於是開元天寶之遺音。復傳於世。內史舍人徐鉉聞之。於國工曹生。鉉亦知音。問曰。法曲終則緩。此聲反急。何也。曹生曰。此聲實緩。宮中有人易之。非吉徵也。歲餘。周后子母繼死。後主國步寢微。音之所起。實由人心。而暉緩。噍殺。治亂應之。豈虛言乎。

後主七年。議立昭惠后妹爲繼室。命太常博士陳致雍攷古今沿革。草具婚禮。又命學士徐鉉。史官潘佑參定。鉉曰。婚禮古不用樂。佑以爲今古不相沿襲。固請用樂。鉉按古房樂無鐘鼓。佑曲引詩窈窕淑女。鐘鼓樂之。則房樂宜有鐘鼓。

續唐書卷十四

天文志

易曰。觀乎天文。以察時變。蓋天象變見。所以譴告人君者。皆太史所宜記載也。書稱在璿璣玉衡。以齊七政。詩人所記婚禮。土功。必候天星。周禮以土圭測日景。求中分星。辨國妖祥。春秋書日食星變。傳載諸國所占。次舍伏見。順逆。至漢以後。表測景晷。以正地中。分列境界。上當星次。皆依古法。而又作儀。以候天地。列史所載。詳且備矣。唐太史李淳風。於天文之學。尤推精詳。故唐時所修諸史。天文一門。極其詳密。至於唐季。干戈擾攘。無暇講求。自天祐以後。所用歲麻。猶用唐之宣明。崇元二法。參而成之。惜乎舊史缺而不全。難以推測。歐陽氏新修史記。特撰司天考。所云王處訥私撰明元麻。止藏其家。又有萬分麻。止行於民間。蜀有永昌麻。正象麻。南唐有齊政麻。皆止用於其國。亦亡不復見。故司天考全用周王朴所上顯德欽天麻。以著於上篇而止。於三辰五星。順逆變見。有司之所占者。著之下篇。竊謂天之度數有常。而災異不測。今不書其常。而惟書其變。庶幾合乎易之觀天文以察時變焉。

天祐五年夏四月辛丑。熒惑犯上將。七年十二月庚午。月有食之。八年春正月丙戌朔。日有食之。五月。客

星犯帝座。九年春正月丙申，熒惑犯房第二星。戊申，月犯心大星。夏四月甲寅，月掩心大星。壬申，彗出於張。甲戌，彗出靈臺。同光元年冬十月辛未朔，日有食之。二年六月，衆星交流。八月戊子，熒惑犯星。三年三月丙申，熒惑犯上相。戊申，月有食之。夏四月癸亥朔，日有食之。甲子，太白犯左執法。六月甲子，太白晝見。丙申，歲犯右執法。己巳，太白晝見。庚寅，衆星流。自二更盡三更而止。辛卯，衆小星流於西南。九月甲辰，月有食之。丁未，天狗墜，有聲如雷。有野雉皆雊。丙申，歲、太白、歲相犯。天成元年三月，惡星入天庫。流星犯天梘。夏四月庚戌，金犯積尸。六月乙未，衆小星交流。秋七月己未，月犯太白。庚申，太白晝見。乙丑，月入南斗魁。八月乙酉朔，日有食之。癸卯，太白犯心大星。乙巳，月犯五諸侯。辛亥，熒惑犯上將。九月丁巳，月犯心大星。己巳，月犯昴。庚午，熒惑犯右執法。己卯，惑熒犯左執法。冬十月戊子，熒惑犯上相。己丑，至於庚子。日月赤而無光。丙午，月掩左執法。十一月丁丑，月暈。匝火。木。戊寅，月犯金。木。土。十二月戊戌，熒惑犯氐。乙巳，月掩庶子。二年春正月甲戌，熒惑、歲相犯。二月辛卯，熒惑犯鍵閉。三月戊午，月掩鬼。庚申，衆小星流於西北。己巳，熒惑犯上相。乙巳，月入羽林。夏四月丁亥，月犯右執法。癸卯，月入羽林。六月辛丑，熒惑犯房。八月己卯朔，日有食之。庚子，月犯五諸侯。九月壬子，歲犯房。庚申，月入羽林。壬申，月犯上將。冬十月壬午，月犯五諸侯。十一月乙卯，月入羽林。十二月壬辰，西南有赤氣，如火燄燄，約二千里。占者云：不出二年，其下當有大兵。三年春正月壬申，太白、熒惑合於奎。二月丁丑朔，日有食之。夏四月丁酉，月犯五諸侯。五月丁巳，月

掩房距星。六月乙酉月掩心。庶子癸巳月入羽林。自正月至於六月。宗人宗正搖不止。秋七月乙卯月入南斗魁。閏八月癸卯朔。熒惑犯上將。戊申月犯南斗。乙卯。熒惑犯右執法。庚戌。太白犯左執法。九月庚辰。鎮。歲合於箕。辛巳。太白。熒惑合於軫。冬十月庚午。彗出西南。長丈餘。東南指在牛五度。十一月戊子。月掩軒轅大星。乙未。太白犯鎮。月掩房。十二月壬寅朔。熒惑犯房。太白。歲相犯於斗。乙卯。月有食之。四年春正月癸巳。月入南斗魁。二月辛酉。月及火。土合於斗。三月壬辰。歲犯牛。六月癸丑。月有食之。既。秋七月丁丑。月入南斗。九月丙子。熒惑入哭星。十二月庚戌。月有食之。既。長興元年六月癸巳朔。日有食之。其日陰晦如夜。至夕大雨。乙卯。太白犯天罈。八月己亥。月犯南斗。乙卯。月犯積尸。九月辛酉朔。衆星交流而隕。十一月壬戌。熒惑犯氐。十二月丙辰。熒惑犯天江。二年春正月乙亥。太白犯羽林。庚辰。月犯星距星。二月丁未。月犯房。夏四月甲寅。熒惑犯羽林。五月癸亥。太白晝見。閏五月乙巳。歲晝見。八月丁巳。辰犯端門。九月丙戌。夜二鼓初。東北方有小星入北斗魁。滅。至五鼓初。西北方次北有流星。狀如半升器。初小後大。速流如奎。滅。尾跡凝。天屈曲。如雲而散。光明燭地。又東北有流星。如大桃。出下台星西北。速流至斗柄第三星旁。滅。五鼓後至明。中天及四方有小星百餘。流注交橫。戊子。太白晝見。丁未。雷。十一月甲申朔。日有食之。丙戌。太白犯鍵。三年夏四月庚辰。熒惑犯積尸。九月庚寅。太白犯哭星。冬十月壬申。太白晝見。十一月己亥。太白犯壁壘。四年五月癸卯。太白晝見。六月庚午。衆星交流。秋七月乙亥朔。衆星交流。八月己未。五鼓三

籌熒惑近天高星。歲星近司怪。太白近軒轅大星。九月辛巳。太白犯右執法。乙未。雷應順元年二月辛未。夜有大星如五升器。流於東北。有聲如雷。丁酉。衆星流於西北。夏四月戊寅。白虹貫日。是月改元清泰。清泰元年五月己未。太白晝見。六月乙未。太白犯右執法。九月辛丑。夜五鼓初。有大星如五斗器而南流。尾跡長數丈。赤色。移時盤屈如龍形。蹙縮如二鐺相鬪而散。又一星稍小。東流。有尾跡。凝成白氣。食頃方散。壬寅。雨雹於京師。十一月丁未。彗出虛。危。埽天壘及哭星。三年三月壬子。熒惑犯積尸。九月乙丑。彗出虛。危。長尺餘。形細微。經天壘。哭星。昇元元年春正月乙卯朔。日有食之。先日。司天奏正月一日太陽虧。日食。宜避正殿。開諸營門。蓋藏兵器。半月不宜用軍。是日太陽虧十分。內食三分。在尾宿十七度。日出東方。以帶食三分漸生。至卯時復滿。秋七月丙寅。月有食之。十二月己卯朔。日有白虹二。丙午。有星孛於北方。二年春正月己酉朔。日有食之。避殿停朝賀。夏六月庚辰。月入太微西華門。犯右執法。辛巳。犯東垣上相。三年二月甲午。月犯南斗第六星。夏四月辛巳。有事於南郊。是時上旬。月當三更沒。升壇之際。乃皎如日。禮畢而歿。太史奏。月延三刻。丁未。熒惑犯月。秋七月甲寅。歲星晝見。自五月不雨。至於閏七月。四年秋八月丁卯。月掩歲星。冬十月癸巳朔。熒惑鎮歲。聚於南斗。五年秋八月。有星孛於天市。長數丈。廣數尺。六年春正月甲子。月犯鎮星。退行在畢。六月庚辰。熒惑犯房次將。保大元年冬十月庚戌。有星孛於東方。二年秋九月庚午朔。日有食之。三年秋七月。星見而風雨。八月甲子朔。日有食之。五年閏七月丁丑夜。彗星出東

方近濁。其尾跡近側。掃少微及長垣。至八月壬辰乃沒。六年夏六月庚寅朔。日有食之。七年夏六月癸酉朔。日有食之。八年冬十一月甲子朔。日有食之。九年夏五月有星大如五升器。自西南流墜西北。光燭地。聲如雷。十年夏四月丙戌朔。日有食之。十二年春正月有大星隕於西北。聲如雷。十三年冬十二月天裂東北。其長十二丈。十四年春二月壬戌有星孛於參北。東南指。後主九年。宋開寶三年夏太白晝見。二日相觸。十四年乙亥歲開寶八年春三月丁巳彗星出五車。色白。長五尺。夏六月轉見西方。犯太微。六十日滅。冬十一月白虹貫日。晝晦。

續唐書卷十五

五行志

在昔殷箕子爲周武王述夏禹洪範之書。條其事九類。謂之九疇。初一日五行。水、火、木、金、土是也。因此五物者。象於天爲五星。協於時爲五德。位於地爲五方。稟於人爲五常。播於律爲五聲。發於文爲五色。辨於口爲五味。徵於身爲五藏。舉凡氣類相感。皆分屬於五行。自後世術數之學興。而言災異者。務神其說。至舉飛潛動植。風雨霜露之所沾被者。皆曲爲附會。而於變怪非常之事。皆推測其孰吉孰凶。以爲響應。漢之董仲舒、劉向及其子歆。以春秋、洪範爲學。所言災異。莫不指事以爲應驗。至遇漠不相合。則泛引旁搜。而遷就其說焉。豈不惑哉。夫孔子作春秋。記災異而不著其事。左氏傳每取時事實之。故後儒議其浮夸。至於洪範九疇。本不相附屬。乃取五事、皇極、庶徵附於五行。則八政、五紀、三德、稽疑、福極。更將何說以處此。蓋天道遠。人道邇。君子遇有反常爲變之事。惟恐懼修省而已。俗推測其應驗。則有合有不合。惟不至怠忽。以爲偶然而不懼耳。故考舊史所載。水旱螟蝗。山崩川竭之類。著以示戒。而罕言應驗云。

天祐四年夏六月。許、蔡、陳、汝、潁五州。蝥生。有野禽羣飛蔽空。食之皆盡。五年。長柳巷田家有僵桃樹。經年

舊坎猶在其仆木一朝屹然而起。行數十步。復於舊坎。其家駭異。倉皇散走。議者以漢昭帝時上林仆木起生枝時蠱蠹成文。而宣帝興。今木理成文。仆而重起。乃莊宗中興之兆也。七年冬十月。梁宋輝。亳水災。十八年春二月。張文禮叛於鎮州。時野水變如血。游魚多死。浮於水上。識者知其必敗。十九年。定州王處直卒。先是處直自爲德政碑。建樓於衙城內。言有龍見。或覩之。其狀乃黃么蜥蜴也。處直以爲神異。造龍牀以安之。又城東麥田中。有羣鵲數百。平地爲巢。處直以爲己德所感。識者竊論曰。蟲蛇陰物。比藏山澤。今據屋室。人不得而有也。南方爲火。火主禮。禮之患則羽蟲失性。以文推之。上失其道。不安於位之兆也。果爲其子都所廢。同光元年冬十二月辛卯。亳州太清宮道士上言。聖祖殿前枯檜。年久再生一枝。畫圖以進。二年秋七月。汴州雍丘縣大雨風。拔樹傷稼。曹州大水。平地三尺。八月大雨。河水溢漫。流入鄆州界。冬十一月。鎮州地震。中書門下奏。今年秋天下州府多有水災。百姓所納秋稅。請特放加耗。從之。三年六月至九月。大雨。江河崩決。壞民田。七月。洛水泛漲。壞天津橋。漂近河廬舍。艤舟爲渡。覆沒者日有之。鄴都奏御河漲於石灰窰口。開故河道。以分水勢。鞏縣河堤破。壞廩倉。八月。敕。如聞天津橋未通往來。百官以舟船濟渡。因茲傾覆。兼踏泥塗。自今文武百官。三日一趨朝。宰臣每日中書視事。秋九月。鎮州奏飛蝗傷稼。十一月二十五日夜。魏博徐宿地大震。四年春正月。敕。自京以來。幅圓千里。水潦爲沴。流亡漸多。宜自今三月後。避正殿。減常膳。撤樂省費。以荅天譴。應去經水災處。鄉邨有不給。及逃移人戶。夏秋兩稅。及諸

折料委逐長吏。切加點檢。並與放免。仍一年內不得雜差遺應。在京諸縣。有停貯斛斗。並令減價出糶。以濟公私。如不遵守。仰具奏聞。天成三年秋七月。鄭地震。四年冬十一月。汝州火。焚羽林軍營五百餘間。先是司天奏熒惑入羽林。飭京師爲火備。至是果應。長興元年夏。鄆州上言大水入城。居人溺死。二年夏四月辛丑。汴州封禪寺門扉歛然火起。延燒近舍。是月。魏州奏歷陽火。先是下詔於諸道合爲火備。至是驗之。又隸州上言水壞其城。是月己巳。鄆州上言黃河水溢岸。闊三十里。東流。夏五月丁亥。申州奏大水平地深七尺。是月戊申。襄州上言漢水溢入城。壞民廬舍。又壞均州郟郭。水深三丈。居民登山避水。仍畫圖以進。六月壬戌。汴州上言大雨。雷震文宣王廟講堂。十一月壬子。鄆州上言黃河暴漲。漂溺四千餘戶。三年夏六月。太原地震。自二十五日子時。至二十七日申時。二十餘度。左補闕李祥上疏曰。臣聞天地之道。以簡易示人。鬼神之情。以禍福爲務。王者祥瑞至而不喜。災異見而輒驚。罔不寅畏上穹。思答天譴。臣聞北京地震。日數稍多。臣曾覽國書。伏見高宗時晉州地震。上謂羣臣曰。豈朕政教之不明。使晉州地震耶。侍中張行成奏曰。天陽也。地陰也。天陽君象。地陰臣象。君宜轉動。臣宜安靜。今晉州地震。彌旬不休。將恐女謁使事。臣下陰謀。且晉州是陛下本封。今地震焉。尤彰其應。伏願深思遠慮。以杜未萌。又開元中。秦州地震。尋差官宣慰。兼降使致祭山川。所損之家。委量事安置。奏聞。伏惟陛下。中興唐祚。起自晉陽。地數震於帝鄉。理合省思天誠。況聖明御宇。於今六年。歲稔時康。人安俗阜。臣慮天意恐陛下忘創業艱難之時。

有功成矜滿之意。伏望特委親信，兼選勳賢，且往北京慰安，密令巡問黎民之疾苦，嚴山川之祭祀。然後鑒前朝得喪之本，探歷代聖哲之規，崇不諱之風，罷不急之務。明宗深嘉之，錫以三品章服。秋七月，諸州大水，宋、亳、潁尤甚。宰臣奏曰：「今秋宋州管界水災最甚，人戶流亡，粟價暴貴。臣等商量，請於本州倉出斛斛，依時出糶，以救貧民。」從之。是月，秦州大水，溺死窰谷內居民三十六人。夔州赤甲山崩，大水漂溺居人。八月，秦州地大震。冬十一月，雄武軍士言洛陽地震。十二月壬戌，懷州軍營內三處火光白起，人至即滅，並不焚燒舍宇。明宗謂侍臣曰：「火妖乎？」侍臣曰：「恐妖人造作，宜審詰之。」應順元年閏正月丙寅辰時，閔帝幸至德宮，初出與教門，有飛鳶自空而落，死於御前。是日大風晦冥。清泰元年秋九月，連雨害稼，詔曰：「久雨不止，禮有所禱，縈都城門三日不止。祈山川告宗廟社稷，宜令太子賓客李延範等縈諸城門，太常卿李擇等告宗廟社稷。」冬十月辛未巳時，有雉金色，自南飛入中書，止於政事堂之上，吏驅之不去。良久，又北飛。是日民家得之。二年，鄴西李固鎮有大鼠與蛇鬪於橋下，鬪及日之中，蛇不勝而死。三年春三月戊午，有蛇鼠鬪於洛陽師子門外，而鼠殺蛇。夏四月戊子，熊入市，形如人，搏人。又一熊自老君廟南走，自車駕行近郊，從官射之而斃。是年末，帝先人墳側古佛剎中石像，忽然搖動不已，觀者咸訝焉。昇元六年春正月，都下大水，秦淮溢，東都火，焚數千家。夏六月，常、歙三州大雨漲溢。庚午，大蝗自淮北蔽空而至。辛巳，命州縣捕蝗，瘞之。是歲，溧水天興寺桑生木人，長六寸，形如僧，右袒而左跪，衣被皆備。國人號曰須菩。

提帝迎至宮中奉事甚謹。占者云木人生桑。有大喪。保大四年秋九月。淮南蟲食稼。除民田租稅。十一年春三月。金陵大火。焚廬舍官署殆盡。夏六月。不雨。井泉竭涸。淮流可涉。旱蝗。民饑。流入周境者相繼。十五年冬十一月。都城大火。一日數發。

續唐書卷十六

地理志

自班固作漢書地理志而後之修史者莫不詳志地理。夫考地理之學非深奧難窮。然歷代更張。古今沿革。糾紛殺雜。忽合忽離。幾若紛絲亂麻。不可分劈。嘗謂天文似難而實易。地理似易而實難。蓋天文固一定而不改。地理則變動而不常。漢晉以來。歷史所載詳矣。唐貞觀元年。分天下爲十道。景雲二年。分置二十四都督府以統之。開元二十一年。又分置十五採訪使。及至乾符而後。日益割裂。而朱全忠篡取。得七十八州。莊宗初起并代。取幽。滄。有三十五州。後取梁。魏。博等十六州。合五十一州。以滅梁。岐王稱臣。又得七州。同光破蜀。惟得四州。而營。平二州陷於契丹。其增置一州。合一百二十三州。而自江以下三十五州爲南唐。其餘外屬。兼并不常。蜀有四十六州。南漢有四十七州。楚有十州。吳越有十三州。閩有六州。南平有三州。至於晉。漢。周之地域。割裂紛更。時多建置。大抵非盡屬唐季之舊。又或陷於外國。五代史記職方考。已約載之。今續唐書。但舉後唐。南唐。列於斯志焉。

長興三年夏四月。中書門下奏。據十道圖舊制。以王者所都之地爲上。本朝都長安。遂以關內道爲上。今

宗廟宮闕皆在洛陽。請以河南道爲上，關內道爲二，河東道第三，河北道第四，劍南道第五，江南道第六，淮南道第七，山南道第八，隴右道第九，嶺南道第十。從之。

河南道

東都河南府。本洛州。顯慶二年，升爲東都。開元元年，爲河南府。河南縣。舊洛陽縣。舊偃師縣。舊鞏縣。舊緱

氏縣。舊陽城縣。舊陽城縣。更名告城。天祐二年，復名陽城。登封縣。舊陸渾縣。舊伊闕縣。舊新安縣。舊澗池縣。舊福慶

年。舊福昌縣。同光元年，復名長水縣。永寧縣。舊壽安縣。舊密縣。舊河清縣。舊潁陽縣。舊伊陽縣。舊王屋縣。舊

汴州。本汴州。梁爲東京。置開封府。同光元年，復爲汴州。以宣武軍爲額。領縣六。

浚儀縣。舊開封縣。舊尉氏縣。舊封邱縣。舊雍邱縣。舊陳留縣。

汝州。領縣四。

梁縣。舊郟城縣。舊葉縣。舊屬汝州。天祐中，割隸許州。同光二年，復舊。襄城縣。舊屬汝州。天祐二年，改曰苞孚。

陝州。本陝州。天祐元年，升爲興唐府。尋復舊。置保義軍。節度。梁改爲鎮國軍。同光二年，復舊。領縣六。

陝縣。舊峽石縣。舊靈寶縣。舊夏縣。舊芮城縣。舊平陸縣。

虢州。領縣六。

宏農縣。舊闔鄉縣。舊湖城縣。舊朱陽縣。舊玉城縣。舊盧氏縣。

滑州。本義成軍節度。梁改爲宣義軍。
同光元年。復舊。領縣七。

白馬。縣。舊。衛南。縣。舊。匡城。舊匡城縣。屬滑州。梁改曰長垣。割隸開封府。同光二年。仍改匡城。復隸滑州。章城。縣。舊。胙城。縣。舊。酸棗。舊屬滑州。梁改隸開封府。

同光二年。靈河。舊靈昌縣。同光元年。復舊。避諱改曰靈河。

鄭州。領縣六。

管城。縣。舊。滎陽。縣。舊。滎澤。縣。舊。原武。府。舊屬鄭州。梁割隸開封府。同光二年。復舊。新鄭。縣。舊。中牟。府。舊屬鄭州。梁割隸開封府。同光二年。復舊。

潁州。領縣四。

汝陰。縣。舊。潁上。縣。舊。下蔡。縣。舊。沈邱。縣。舊。

許州。本忠武軍節度。梁改爲匡國軍。同光二年。復舊。領縣九。

長社。縣。舊。長葛。縣。舊。陽翟。縣。舊。許田。年。舊許昌縣。同光元年。避諱改曰許田。鄢陵。府。舊屬許州。梁割隸開封府。同光二年。復舊。扶溝。舊屬許州。梁割隸

年。復。臨潁。縣。舊。舞陽。縣。舊。郟城。縣。舊。

陳州。領縣六。

宛邱。縣。舊。太康。府。舊屬陳州。梁割隸開封府。同光二年。復舊。項城。縣。舊。澉水。縣。舊。南頓。縣。舊。西華。縣。舊。

蔡州。領縣十。

汝陽。縣。舊。朗山。縣。舊。遂平。縣。舊。上蔡。縣。舊。新蔡。縣。舊。包字。中。舊襄信縣。天祐。新息。縣。舊。真陽。縣。舊。平輿。

縣。舊。西平。縣。

宋州。本宋州。梁升為宣武軍。同光元年。改為歸德軍。領縣八。

宋城。縣。舊。襄邑。府。舊屬宋州。梁割隸開封府。同光元年。復舊。寧陵。縣。舊。下邑。縣。舊。穀熟。縣。舊。楚邱。縣。舊。虞城。年。舊屬宋州。光化二年。割隸輝州。同光

二年。復舊。

單州。本宋州之單父縣。光化二年。朱全忠表置輝州。三年。置崇德軍。同光二年。改曰單州。領縣四。

單父。本屬宋州。光化二年。徙入輝州。同光二年。改隸單州。碭山。本屬宋州。光化二年。徙入輝州。同光二年。改隸單州。成父。本屬曹州。光化二年。徙入輝州。同光二年。改隸單州。魚臺。本屬

兗州。同光二年。改隸單州。

亳州。本亳州。梁升為防禦州。同光元年。改為團練州。領縣七。

譙。縣。舊。鄆。縣。舊。城父。舊城父縣。天祐二年。梁改曰焦夷。同光元年。復舊。鹿邑。縣。舊。真源。縣。舊。永城。縣。舊。蒙城。縣。舊。

徐州。舊置武寧軍。領縣七。

彭城。縣。舊。蕭。縣。舊。豐。縣。舊。沛。縣。舊。滕。縣。舊。宿遷。縣。舊。下邳。縣。舊。

宿州。領縣四。

符離。縣。舊。虹。縣。舊。蘄。縣。舊。臨渙。縣。舊。

鄆州。舊置天平軍。領縣九。

須城舊須昌縣。同光元年。避諱改曰須城。壽張縣。舊鄆城舊鄆城縣。天祐二年。改曰鉅野。盧縣。舊平陰縣。舊東阿縣。舊

陽穀縣。舊中都縣。舊

齊州領縣五。

歷城縣。舊章邱縣。舊臨濟縣。舊長清縣。舊禹城縣。舊

曹州領縣五。

濟陰縣。舊考城舊考城縣。屬曹州。梁改曰戴邑。割隸開封府。同光元年。仍改考城。復隸曹州。冤句縣。舊乘氏縣。舊南華縣。舊

濮州領縣五。

鄆城縣。舊濮陽縣。舊范縣。舊雷城縣。舊臨濮縣。舊

青州舊置平盧軍。領縣六。

益都縣。舊臨淄縣。舊千乘縣。舊博興舊博昌縣。同光元年。避諱改曰博興。壽光縣。舊臨朐縣。舊

淄州領縣四。

淄川縣。舊長山縣。舊高苑縣。舊鄒平縣。舊

登州領縣四。

蓬萊縣。舊牟平縣。舊文登縣。舊黃縣。舊

萊州領縣四

掖縣舊萊陽舊陽昌縣同光元年避諱改曰萊陽膠水縣舊即墨縣舊

棣州領縣五

厭次縣舊澇河縣舊陽信舊屬棣州武德六年以縣屬蒲臺縣舊渤海縣舊

兗州領縣七舊置泰寧軍

瑕邱縣舊曲阜縣舊乾封縣舊泗水縣舊鄒縣舊龔邱縣舊萊蕪縣舊

沂州領縣五

臨沂縣舊費縣舊承縣舊沂水縣舊新泰縣舊

密州領縣四

諸城縣舊輔唐舊輔唐縣梁改曰安邱同光元年復舊高密縣舊莒縣舊

關內道

西京京兆府本雍州開元元年改為京兆府天寶元年以京師為西京梁以京兆府為大

萬年舊縣梁曰大年復舊長安舊縣梁曰大安咸陽縣舊興平縣舊涇陽縣舊渭南縣舊昭應縣舊高陵

藍田縣舊鄂縣舊好時舊屬京兆府天祐三年割隸乾武功舊屬京兆府同光三年割隸鳳醴泉舊屬京兆

府。天祐三年。割隸乾州。同光元年。復舊。奉先。舊屬京兆府。天祐三年。割隸同州。同光元年。復舊。同光元年。復屬京兆府。

華州。本鎮國軍。梁改為感化軍。同光元年。改領縣四。

鄭。舊縣。華陰。舊縣。下邽。舊縣。櫟陽。舊屬雍州。天祐三年。改屬華州。

同州。本匡國軍。梁改為忠武軍。同光元年。復舊。領縣七。

馮翊。舊縣。朝邑。舊縣。韓城。舊屬同州。梁改曰韓原。割隸郃陽。舊屬同州。梁割隸河中府。天祐三年。復舊。夏陽。舊縣。白水。舊縣。

澄城。舊屬同州。梁割隸河中府。同光三年。復屬同州。

商州。領縣六。

上洛。舊縣。豐陽。舊縣。洛南。舊縣。商洛。舊縣。上津。舊縣。乾元。舊縣。

鳳翔府。領縣九。

天興。舊縣。岐山。舊縣。扶風。舊縣。麟遊。舊縣。普潤。舊縣。寶雞。舊縣。虢。舊縣。郿。舊縣。郿。舊縣。盩厔。舊屬京兆府。乾寧四年。割隸乾州。同光元年。改屬鳳翔府。

耀州。本雍州。天祐三年。李茂貞據鳳翔。墨制置耀州為義勝軍節度。又割同州美原為鼎州。以為屬郡。梁改耀州為崇州。義勝軍為靜勝軍。改鼎州為裕州。同光元年。改為耀州順義軍。三年。改為團練使。領縣六。

華原。舊屬京兆府。天祐三年。割屬耀州。富平。舊屬京兆府。天祐三年。割屬耀州。同官。舊屬京兆府。梁割隸同州。同光三年。改屬耀州。三原。舊屬京兆府。天祐三年。割屬耀州。雲陽。舊屬京兆府。天祐三年。割屬耀州。美原。舊屬京兆府。天祐三年。割隸

三年。割屬耀州。

三年。割屬耀州。

三年。割屬耀州。

乾州。本京兆府奉天縣。乾寧二年。李茂貞以縣置乾州。及覃王出鎮。建為威勝軍。割奉天。好時。武功。醜屋。醜泉五縣隸焉。同光元年。改為刺史。屬鳳翔府。其武功。醜泉二縣。還京兆府。懿厓入鳳翔府。天成三年。又以好時還

京兆。領縣一。

奉天。舊屬京兆府。乾寧二年。割隸乾州。

邠州。舊邠州。為李茂貞所有。後入於梁。同光元年。復入。領縣四。

新平。舊三水。舊永壽。舊宜祿。舊縣。

岐州。本隋廢州。乾寧二年。李茂貞置岐州。為鳳坊軍節度。

隴州。舊奉義軍。乾寧二年。為李茂貞所有。同光元年。復入。領縣三。

汧原。舊縣。長興元年。汧陽。舊縣。長興元年。依舊割隸隴州。吳山。舊縣。長興元年。依舊割隸隴州。

涇州。舊涇州。李茂貞置彰義軍節度。同光二年。復入。領縣三。

保定。舊靈臺。舊良原。舊縣。

原州。舊原州。為李茂貞所有。同光元年。復入。領縣一。

臨涇。舊屬涇州。自吐蕃陷原州。權於臨涇為治。清泰三年。原州刺史翟建奏乞割臨涇屬原州。從之。

渭州。舊渭州。為李茂貞所有。同光元年。復入。領縣一。

平涼。舊屬原州。後置行渭州。自吐蕃陷渭州。權於平涼縣為渭州治。清泰三年。涇州奏置平涼縣。管安國。耀武兩鎮。

武州。舊武州。爲李茂貞所有。同光元年。復入。領縣一。

蕭關。縣。舊。

寧州。舊寧州。爲岐所有。後入於梁。同光元年。復入。領縣三。

定安。縣。舊。真寧。縣。舊。襄樂。縣。舊。

慶州。舊慶州。爲岐所有。同光二年。復入。領縣三。

順化。縣。舊。樂蟠。縣。舊。華池。縣。舊。

衍州。舊衍州。爲李茂貞所有。同光二年。復入。領縣一。

定平。舊屬寧州。唐末。定平縣置衍州。

鄜州。本鄜州。李茂貞置保大軍節度。爲梁所有。同光元年。復之。領縣六。

洛交。縣。舊。洛川。縣。舊。三川。縣。舊。直羅。縣。舊。甘泉。縣。舊。鄜城。縣。舊。屬坊州。天祐中。李茂貞建爲翟州。梁改爲禧州。又改縣爲昭化。同光元年。仍爲鄜城縣。改隸

州。鄜。

坊州。舊坊州。爲岐所有。後入於梁。同光元年。復入。領縣三。

中部。縣。舊。宜君。縣。舊。昇平。縣。舊。

丹州。舊丹州。爲岐所有。同光元年。復入。領縣四。

義川縣舊。雲巖縣舊。份川縣舊。咸寧縣舊。

延州舊置保大軍。李茂貞置忠義軍節度。同光元年。改彰武軍。領縣九。

膚施縣舊。延長縣舊。臨真縣舊。豐林縣舊。延川縣舊。敷政縣舊。延水縣舊。門山縣舊。甘泉舊屬邠州。唐末割隸延州。

靈州舊置朔方軍。為梁所據。同光元年。復舊。領縣四。

迴樂縣舊。靈武縣舊。懷遠縣舊。保靜縣舊。

夏州舊置定難軍。為梁所據。同光元年。復舊。領縣三。

朔方縣舊。德靜縣舊。寧朔縣舊。

綏州領縣五。自唐末蕃寇侵擾。所管五縣並廢。或陷在蕃界。無鄉里。

龍泉縣舊。城平縣舊。綏德縣舊。延福縣舊。大斌縣舊。

銀州領縣四。

儒林縣舊。真鄉縣舊。開光縣舊。撫寧縣舊。

宥州領縣二。唐末衰亂。廢。延恩縣。止領縣一。

長澤縣舊。

鹽州領縣二。

五原縣 舊 白池縣 舊

河東道

河中府 本蒲州 開元八年 升為府 後復為州 置護國軍節度 領縣十

河東縣 舊 河西縣 舊 臨晉縣 舊 猗氏縣 舊 虞鄉縣 舊 永樂縣 舊 寶鼎縣 舊 萬泉縣 舊 龍門縣 舊

晉州 本護國軍節度 梁為定昌軍 又改曰建寧 同光元年 改為建雄軍 領縣八

臨汾縣 舊 洪洞縣 舊 神山縣 舊 岳陽縣 舊 霍邑縣 舊 趙城縣 舊 汾西縣 舊 冀氏縣 舊

絳州 領縣八

正平縣 舊 太平縣 舊 曲沃縣 舊 翼城縣 舊 天祐二年 梁改曰澮川 同絳縣 舊 聞喜縣 舊 垣縣 舊 稷山縣 舊

舊縣 光化元年 改隸河中府 同光二年 復屬絳州

慈州 領縣五

吉鄉縣 舊 同光元年 避諱改曰吉鄉 文城縣 舊 天祐二年 改曰屈鄉 舊昌寧縣 同光元年 避諱改曰鄉寧 呂鄉縣 舊 忸城縣 舊

隰州 領縣六

隰川縣 舊 蒲縣 舊 永和縣 舊 大寧縣 舊 石樓縣 舊 溫泉縣 舊

北京太原府 本并州 開元十一年 建北部 置河東軍節度 改并州為太原府 同光元年 改為西京 三年 改為北京 仍曰河東軍 領縣十二

太原縣舊·晉陽縣舊·太谷縣舊·祁縣舊·文水縣舊·榆次縣舊·孟縣舊·壽陽縣舊·樂平縣舊·廣陽縣舊·清

源縣舊·交城縣舊·陽曲縣舊

汾州領縣五

西河縣舊·孝義縣舊·介休縣舊·平遙縣舊·靈石縣舊

沁州領縣三

沁源縣舊·和川縣舊·綿上縣舊

遼州本遼州·先天元年·避諱改曰儀州·中和元年·以兗州管內有沂州·復曰遼州·領縣四

遼山縣舊·榆社縣舊·平城縣舊·和順縣舊

嵐州領縣四

宜芳縣舊·靜樂縣舊·合河縣舊·嵐谷縣舊

憲州本樓煩監·收嵐州刺史領之·龍紀元年·晉王奏置憲州於樓煩監·領縣三

樓煩縣舊·系池縣舊·天池縣舊

石州領縣四

離石縣舊·平夷縣舊·定胡縣舊·方山縣舊

忻州_二領縣

秀容_縣舊定襄_縣舊

代州_{唐因之}舊置雁門軍節度領縣五後

雁門_縣舊五臺_縣舊繁峙_縣舊崞_縣舊廣武_{本漢廣武縣改曰唐林}證聖元年置武延縣神龍元年復為廣武

雲州_{本雲州天寶元年改為雲中郡升大同軍節度領縣一}復為雲州同光元年復為大同軍節度領縣一

雲中_縣舊

朔州_{舊置振武軍後唐復舊}領縣二

鄯陽_縣舊馬邑_縣舊

蔚州_{領縣三}

雲邱_縣舊飛狐_縣舊興唐_{舊興唐縣梁改為隆化同光元年復舊}

應州_{天祐元年置天成元年升彰國軍節度領縣二}

金城_{渾源}

寰州_{天成元年置領縣一}

儒州唐未置領縣一

縉州

毅州本武州唐未置長興元年改曰毅州領縣一

文德舊縣

新州唐未置同光元年升威塞軍節度領縣四

永興舊縣 礬山舊縣 龍門舊縣 懷安舊縣

潞州本昭義軍節度梁改曰匡義軍同光元年改爲安義軍長興元年復舊名昭義軍領縣十

上黨舊縣 壺關舊縣 長子舊縣 屯留舊縣 潞城舊潞城縣天祐二年改曰潞子同光元年復舊 襄垣舊縣 黎城舊黎城縣天祐二年改曰

黎亭同光元年復舊 涉舊縣 銅鞮舊縣 武鄉舊縣

澤州領縣五

晉城本丹川縣武德三年析丹川置晉城天祐二年改曰高都同光元年復爲晉城 陵川舊縣 陽城本濩澤縣天寶元年更名陽城天祐二年復爲陽城

沁水舊縣 高平舊縣

河北道

孟州領縣五

河陽舊縣。武德舊縣。獲嘉舊縣。武涉舊縣。修武舊縣。

東京興唐府本魏州。置天寧軍節度。同光元年。升為東京興唐府。三年。改為鄴都。領縣十七。

貴鄉舊縣。興唐舊元城縣。同光元年。改曰興唐。魏舊縣。館陶舊縣。冠氏舊縣。莘舊縣。朝城舊武陽縣。開元七年。改為朝城。天祐三年。又改武陽。同光

元年。復南樂舊昌樂縣。同光元年。避諱改曰南樂。臨河舊隸相州。天祐三年。割屬魏州。涇水舊隸相州。天祐三年。割屬魏州。成安舊隸相州。天祐三年。改曰斥邱。三年。割

屬魏州。同光元年。復為成安。內黃舊隸相州。天祐三年。割屬魏州。宗城舊隸貝州。天祐三年。復為宗城。永濟舊隸貝州。天祐三年。割屬魏州。夏

津舊隸貝州。天祐三年。割屬魏州。經城舊隸貝州。天祐三年。割屬魏州。清平舊隸博州。天祐三年。割屬魏州。

博州領縣四。

聊城舊縣。天祐二年。改曰聊邑。同光元年。復舊。武水舊縣。堂邑舊縣。高唐舊高唐縣。梁改曰重邱。同光元年。復舊。

相州本屬天雄軍。梁置昭德軍。同光元年。復屬天雄軍。領縣六。

安陽舊縣。鄴舊縣。湯陰舊縣。臨慮舊縣。堯城舊堯城縣。天祐三年。改曰永定。梁又改曰長平。同光元年。復為堯城。臨漳舊縣。

衛州領縣五。

汲舊縣。衛舊縣。共城舊縣。新鄉舊縣。黎陽舊縣。

貝州領縣五。

清河舊縣。清陽舊縣。武城舊縣。漳南舊縣。歷亭舊縣。

澶州領縣三

頓邱縣舊 清豐縣舊 觀城縣舊

邢州本邢州天寶元年改為鉅鹿郡乾元元年復為邢州梁升為寶義軍節度同光元年改為安國軍領縣八

龍岡縣舊 沙河縣舊 南河縣舊 鉅鹿縣舊 平鄉縣舊 任縣舊 堯山縣舊 內邱縣舊

洺州領縣六

永年縣舊 平恩縣舊 臨洺縣舊 雞澤縣舊 肥鄉縣舊 曲周縣舊

磁州本磁州天祐三年以與西慈州聲同改曰惠州天祐十三年復為磁州領縣四

滏陽縣舊 邯鄲縣舊 武安縣舊 昭義縣舊

鎮州本恆州元和十五年避諱改為鎮州置成德軍節度梁改武順同光元年改為北都其年復為成德軍領縣十二

真定縣舊 藁城縣舊 靈壽縣舊 鼓城縣舊 欒城縣舊 石邑縣舊 九門縣舊 行唐縣舊 井陘縣舊 平山縣舊

獲鹿縣舊 靈壽縣舊 鼓城縣舊 欒城縣舊 石邑縣舊 九門縣舊 行唐縣舊 井陘縣舊 平山縣舊

冀州領縣九

信都舊信都縣天祐二年改曰南宮縣舊 堂陽縣舊 棗彊縣舊 武邑縣舊 衡水縣舊 阜城縣舊 阜城舊阜城縣天祐二年改曰

漢阜同光元年復舊 武彊舊隸深州天祐元年改屬冀州

深州領縣七

陸澤縣 饒陽縣 東鹿縣 安平縣 博野縣 樂壽縣 下博縣

趙州領縣七

平棘縣 寧晉縣 昭慶縣 柏鄉縣 高邑縣 臨城縣 贊皇縣

滄洲 本滄州橫海軍節度 天祐中改為義昌軍 梁改曰順化軍 同光元年復為橫海軍 領縣六

清池縣 鹽山縣 長蘆縣 饒安縣 無棣縣 乾符縣

景州領縣四

弓高縣 東光縣 臨津縣 南皮縣

德州領縣六

安德縣 長河縣 平原縣 德平縣 將陵縣 安陵縣

定州 舊置義成軍 為梁所據 同光元年復舊 領縣八

安喜縣 義豐縣 燕平縣 望都縣 曲陽縣 涇縣 唐縣 新樂縣

祁州 本定州無極縣地 景福二年定州節度使王處存請置祁州 領縣二

無極 舊隸定州 景福二年割屬祁州 深澤 舊隸定州 景福二年割屬祁州

易州領縣六

易縣 容城縣 遂城縣 涑水縣 滿城縣 五回縣

幽州 舊置盧龍軍 後唐復舊領縣八

薊縣 幽都縣 潞縣 武清縣 永清縣 安次縣 良鄉縣 昌平縣

涿州領縣四

范陽縣 歸義縣 固安縣 新城 舊縣 後分設新昌 天

瀛州領縣五

河間縣 高陽縣 平舒縣 東城縣 景城縣

莫州領縣六

莫縣 清苑縣 文安縣 任邱縣 長豐縣 唐興縣

平州領縣三

盧龍縣 石城縣 馬城縣

媯州領縣一

懷戎縣

檀州_二領縣

密雲_縣舊燕樂_縣舊

薊州_三領縣

漁陽_縣舊三河_縣舊玉田_縣舊

營州_一領縣

柳城_縣舊

順州_一領縣

賓義_縣舊

劍南道

彭州

唐昌_{舊唐昌縣}梁改曰歸化_{同光元年復為唐昌}

蜀州

唐興_{舊唐興縣}梁改曰陶胡_{同光元年復為唐興}

閬州_{本屬山南西道}天成四年置保寧軍節度_{長興元年入蜀}

岐坪舊屬閬州。寶曆中。省。天復中。王建復奏置。

利州本利州益昌郡。屬山南西道。後屬蜀。同光三年。更爲益昌郡。

益光舊益昌縣。同光三年。避諱改爲益光。

淮南道

安州本安陸郡。乾元元年。改曰安州。梁置宣威軍。同光元年。仍改安州。領縣六。

安陸舊縣。雲夢。孝感。應城。吉陽。應山。
舊孝昌縣。同光三年。避諱改曰孝感。
舊縣。梁改曰應陽。同光元年。復舊。

申州領縣三。

義陽舊縣。鐘山。羅山。
舊縣。

山南道

襄州本屬山南東道。天祐間。改置忠義軍。後復歸山南道。領縣七。

襄陽舊縣。鄧城。穀城。義清。南漳。樂鄉。宜城。
舊縣。
舊縣。
舊縣。
舊縣。
舊縣。

隨州領縣四。

隨舊縣。光化。棗陽。唐城。
舊縣。
舊唐城縣。梁改曰漢東。同光元年。復舊。

鄧州本屬山南東道。梁分鄧州。置宣化軍節度。後唐改曰威武。領縣六。

穰縣舊 南陽縣舊 向城縣舊 臨湍縣舊 內鄉縣舊 菊潭縣舊

均州領縣三

武當縣舊 鄉鄖縣舊 豐縣舊

房州領縣四

房陵縣舊 永清縣舊 竹山縣舊 上庸縣舊

復州領縣二

沔陽縣舊 竟陵縣舊

鄂州領縣三

長壽縣舊 京山縣舊 富水縣舊

金州本屬山南東道。天祐開。置武雄軍。後入於蜀。同光中。復入於唐。領縣五。

西城縣舊 洵陽縣舊 石泉縣舊 漢陰縣舊 平利縣舊

隴右道

秦州本秦州。岐置武軍。蜀攻岐得之。改天雄軍。同光中破蜀。復入於唐。領縣五。

成紀縣舊 隴城縣舊 長道縣舊 清水舊隸鳳翔府。長興元年。移置於上邽鎮。 天水舊縣。廢。長興三年。以南治鎮置縣。

階州。本岐地。蜀攻岐得之。同光中破蜀。遂入於唐。長興三年。移就故武州為治。領縣二。

將利。舊縣。長興三年。移州於此。

鳳州。本屬山南道。後為岐所有。蜀攻岐得之。武興軍。同光三年破蜀。遂入於唐。降為防禦州。領縣三。

梁泉。舊縣。兩當。舊縣。河池。舊縣。

成州。本屬山南道。後為岐所有。蜀攻岐得之。梁改曰汝州。同光三年破蜀。遂入於唐。復為成州。領縣二。

同谷。舊縣。栗亭。天成中置。

嶺南道

潘州

茂名。舊茂名縣。梁改曰越常。同光元年。復舊。

桂州

慕化。舊慕化縣。梁改曰歸化。同光元年。復舊。

南唐

東都江都府。本揚州。吳建都。改為江都府。置淮南軍節度。南唐因之。昇元元年。建東都。領縣五。

江都。舊縣。廣陵。舊江陽縣。昇元元年。改為廣陵。永貞。舊揚子縣。南唐改為永貞。高郵。舊縣。六合。舊縣。南唐割置雄州。俄罷。仍屬江都府。

西都江寧府。本昇州。吳改爲金陵府。昇元元年。改爲江寧府。建西都。領縣九。

上元。舊江寧縣。屬潤州。上元二年。改曰上元。光啟元年。改屬昇州。昇元元年。又改屬江寧府。

溧水。舊屬昇州。昇元元年。改屬江寧府。廣德。舊屬宣州。昇元元年。改屬江寧府。

陽。舊屬池州。南唐改屬江寧府。

南都南昌府。本洪州。唐置鎮南軍。後屬吳。南唐因之。交泰二年。改爲南昌府。建南都。領縣七。

南昌。舊豐城縣。梁改曰南昌。吳皋。南唐復舊。建昌。舊縣。奉新。舊新吳縣。南唐諱楊。改爲奉新。分寧。舊縣。武寧。舊縣。靖安。本建昌縣地。

唐置靖安鎮。吳改爲揚。南唐割建昌。奉新。武寧三縣地升爲縣。

清江。昇元二年。升洪州蕭灘鎮爲縣。不隸州。

雄州。南唐割揚州之六合。天長二縣置雄州。尋罷爲天長縣。

天長。舊縣。

楚州。領縣四。

山陰。舊縣。淮陰。舊縣。寶應。舊縣。盱眙。舊屬泗州。南唐改屬楚州。

泗州。領縣六。

臨淮。舊縣。漣水。舊縣。徐城。舊縣。宿遷。舊縣。下邳。舊縣。虹。舊縣。

滁州領縣三

清流縣 全椒縣 來安舊永陽縣唐改曰來安

和州領縣三

歷陽縣 烏江縣 含山縣

光州領縣五

定城縣 光山縣 仙居縣 殷城縣 固始縣

黃州領縣三

黃岡縣 黃陂縣 麻城縣

舒州領縣五

懷寧縣 宿松縣 望江縣 太湖縣 桐城縣

蘄州領縣四

蘄春縣 黃梅縣 廣濟縣 蘄水縣

廬州吳置昭順軍節度南唐改曰保信軍領縣五

合肥縣 慎縣 巢縣 廬江縣 舒城縣

壽州。舊置中正軍節度。南唐改曰清淮軍。領縣五。

壽春。舊縣。安豐。舊縣。盛唐。舊盛唐縣。梁改曰潛山。同光元年。復為盛唐。霍邱。舊縣。霍山。舊縣。

海州。南唐置靜海制置院。領縣四。

胸山。舊縣。東海。舊縣。沐陽。舊縣。懷仁。舊縣。

泰州。本揚州。吳置海陵制置縣。昇元元年。升為泰州。領縣五。

海陵。舊屬揚州。南唐置靜海制置院。屬泰州。興化。吳置。屬揚州。南唐屬泰州。鹽城。舊縣。吳屬楚州。南唐屬泰州。泰興。南唐析置。屬泰州。如皋。舊析江陵縣置。如皋鎮。南唐升為縣。

濠州。吳置定遠軍節度。南唐因之。領縣三。

鍾離。舊縣。招義。舊縣。定遠。舊縣。

潤州。吳置鎮海軍。南唐因之。領縣四。

丹徒。舊縣。丹陽。舊縣。金壇。舊縣。延陵。舊縣。

常州。領縣五。

晉陵。舊縣。武進。舊縣。義興。舊縣。無錫。舊縣。江陰。舊縣。吳以其地置江陰軍。

宣州。吳置寧國軍節度。南唐因之。領縣七。

宣城。舊縣。涇。舊縣。南陵。舊縣。太平。舊縣。寧國。舊縣。旌德。舊縣。綏安。

歙州領縣六

歙縣 休寧縣 黟縣 績溪縣 婺源縣 祈門縣

池州南唐升池州為康化軍節度領縣三

貴州舊秋浦縣吳建德舊至德縣吳石埭縣改曰貴池改曰建德

鄂州舊置武昌軍後唐遙改為武清軍南唐亦稱武清軍領縣十一

江夏縣 永興縣 武昌縣 蒲圻縣 唐年縣 漢陽縣 汝川縣 嘉魚縣 吳改曰崇陽南唐復為唐年改曰臨夏

鮎濱鎮為場昇元元年升為鮎濱縣保大元年復為嘉魚通山縣 大冶場 永安縣 吳改為永安鎮

十三年割江夏南境地升為縣

饒州吳置永平軍南唐因之領縣五

鄱陽縣 餘干縣 樂平縣 浮梁縣 德興縣 昇元四年升為縣

信州領縣五

上饒縣 弋陽縣 貴溪縣 玉山縣 鉛山縣 昇元四年置為縣

江州吳升江州為奉化軍節度南唐因之領縣六

德化縣 彭澤縣 德安縣 瑞昌縣 湖口縣 東流縣 吳改曰德化南唐復為唐年吳改曰德安

保大十一年。
升爲縣。

撫州。吳置昭武軍。南唐
因之。領縣四。

臨川。舊縣。南唐置建武軍。崇仁。舊縣。南豐。舊縣。

袁州。領縣三。

宜春。舊縣。萍鄉。舊縣。新喻。舊縣。

吉州。領縣七。

廬陵。舊縣。太和。舊縣。安福。舊縣。新淦。舊縣。永新。舊縣。龍泉。舊遂興縣地。吳置龍泉場。南唐升爲縣。吉水。舊廬陵縣地。保大八年。割置縣。

虔州。南唐置百勝軍。後改爲昭信軍。領縣十一。

贛。舊縣。虔化。舊縣。南康。舊縣。雩都。舊縣。信豐。舊縣。大庾。舊縣。安遠。舊縣。瑞金。舊雩都縣地。天祐元年。置瑞金監。保大十一年。升爲縣。

龍南。舊信豐縣地。吳置龍南場。保大十一年。升爲縣。石城。舊虔化之石城場。保大十一年。升爲縣。上猶。舊南康縣地。天祐中。吳置上猶場。保大十一年。升爲縣。

筠州。本靖州。武德七年。改爲米州。又改筠州。八年。州廢。入洪州。保大十一年。復置筠州於高安縣。領縣四。

高安。舊屬洪州。保大十一年。改屬筠州。上高。舊高安縣地。置上高鎮。保大十一年。升爲縣。萬載。舊屬靖州。後省入高安。保大十一年。復置屬筠州。清江。舊高安縣蕭灘鎮。昇元二年。

升爲清江縣。不隸州。保大十一年。改屬筠州。

建州。本建州。後爲閩所有。保大三年。取之。升爲永安軍。後改爲忠義軍。領縣七。

建安。舊縣。邵武。舊縣。浦城。舊縣。建陽。舊縣。松源。本吳越處州西鄉。為閩所有。置松源鎮。南唐升為縣。歸化。閩為歸化鎮。保大三年。廢鎮為場。中興元年。

升為。建寧。舊黃連鎮。乾寧中。邑人表為義寧軍。保大元年。罷為永安鎮。又改永安場。後析置建寧縣。

泉州。本泉州。後為閩所有。保大三年。取之。升為清源軍。領縣九。

晉江。舊縣。南安。舊縣。莆田。舊縣。仙遊。舊縣。同安。舊為大同場。閩升為縣。清溪。本小溪場。保大三年。置清溪縣。永春。舊桃林場。閩置桃源縣。後

改永春縣。歸德。舊歸德場。長興三年。閩立歸德縣。保大七年。長泰。舊武安場。保大三年。升為長泰縣。

汀州。本汀州。後為閩所有。保大三年。取之。領縣二。

長汀。舊縣。南境有上杭場。保大三年。徙上杭場於私梓堡。寧化。舊縣。

南州。本漳州。為閩所有。保大三年。取之。四年。以董思安知州事。因其父名章。命改南州。領縣三。

漳浦。舊縣。龍溪。舊縣。龍巖。舊縣。

鏞州。舊為將樂縣。屬建州。閩升為鏞州。保大三年。取之。尋為縣。

劍州。舊劍州。閩置鐔州。保大三年。拔劍州為制置鎮。明年。仍改劍州。析建州之延平。富沙二縣為屬。六年。復以福州之尤溪。汀州之沙縣。來屬。升永昌場為順昌縣。領縣六。

延平。閩屬建州。保大十四年。割屬。劍浦。閩為龍津縣。保大四年。改。富沙。閩屬建州。保大四年。割屬。尤溪。舊縣屬福州。保大三年。得尤沙。舊縣屬汀

四年。割屬。順昌。舊永昌場。保大六年。置。

續唐書卷十七

選舉志

舊史引唐典。凡選授之制。天官卿掌之。所以正權衡而進賢能也。凡舉貢之政。春官卿掌之。所以覈文行而第雋秀也。按擇人之法有四。一曰身取其體貌豐偉。二曰言取其言辭辯正。三曰書取其楷法適美。四曰判取其文理優長。四事皆可取。則先德行。德均以才。才均以勞。得者爲留。不得者爲放。試判登科。謂之八等。甚拙者。謂之藍縷。選未滿而試滿三篇。謂之宏辭。試判三條。謂之拔萃。中者卽授官。至於貢舉取士之科有三。由學館者曰生徒。由州縣者曰鄉貢。皆升於有司而進退之。其科目有秀才。有明經。有俊士。有進士。有明法。有明字。有明算。有一史。有三史。有開元禮。有道舉。有童子。此歲舉之常選。其天子自詔者曰制科。所以待非常之才焉。而列爲定科者。如賢良方正。直言極諫。博通墳典。達於教化。軍謀宏遠。堪任將帥。詳明政術。可以理人之類。其名最著。而俊偉之人。時出其閒。不爲無得也。及其季世。大抵奉而行之。卽有改革。亦不出其範圍。惟典籍散亡。不能詳備。姑就所知者采擇之。以見論官取士之故實耳。

同光二年冬十月。中書奏請停舉選一年。敕舉選二門。國朝之重事。但要精確。難議權停。宜準常例處分。

同光四年春三月。中書門下奏議左拾遺王松。吏部員外郎李慎儀上疏。以諸道州縣。皆是攝官。誅剝生靈。漸不存濟。比者郭崇韜在中書日。未詳本朝故事。妄被閒人獻疑。點檢選曹。曲生異議。或告赤欠少。一事闕違。保內一人不來。五保卽須並廢。文書一紙有誤。數任皆不勘詳。其年選人及行事官一千二百五十餘員。得官者才及數十。皆以滄濫爲名。盡被焚毀棄逐。或踣斃於旅店。或號哭於道路。以至二年以來。選人不敢赴集。銓曹無人可注。中書無人可除。去年闕近二千。授官不及六十。伏請特降敕文。宣布遐邇。明往年制置。不自於宸衷。此日焦勞。特頒茲睿澤。望以中書條件。及王松等所論事節。委銓司點檢。務在酌中。以爲定制。時議者以鈐注之弊。非止一朝。縉紳之家。自無甄別。或有伯叔告赤。鬻於同姓之家。隨賂更改。以亂昭穆。至有季父伯舅。反拜姪甥者。郭崇韜疾惡太深。奏請釐革。豆盧革。韋說。勉。俛。贊。成。或有親舊。訊其事端者。韋說曰。此郭漢子之意也。及崇韜誅。韋說教其門人王松上疏。奏論。故有此奏。識者非之。

天成元年秋八月。敕應三京諸道。今年貢舉人。可依常年取解。仍命隨處量事。津送赴闕。

天成四年冬十月丙申。詔曰。本朝一統之時。除嶺南黔中。去京地遠。三年一降選補使。號爲南選外。其餘諸道及京百司諸色選人。每年動及數千。分爲三選。尙爲繁重。近代選人。每年不過數百。何必以一司公事。作三處官方。況有格條。各依資攷。兼又明行敕命。務絕阿私。宜新公共之規。俾慎官常之要。其諸道選人。宜令三銓官員。都在省署。子細磨勘。無違礙後。卽據格同商量注擬。連署申奏。仍不得踵前於私第注

官如此則人吏易可整齊。公事亦無遲滯。

天成五年春二月九日敕。近年文士輕視格條。就試時疏於帖經。登第後恥於赴選。宜絕躁求之路。別開獎勸之門。其進士科已及第者。計選數年滿日。許令就中書省陳狀。於都堂前各試本業詩賦判文。其中文藝灼然可取者。便與除官。如或事業不甚精者。自許準添選。

長興元年春三月敕。凡是選人。皆有資攷。每至赴調。必驗文書。或不具全。多稱失墜。將明本末。須示規程。其判成諸色選人。黃甲下後。將歷任文書告赤連粘。宜令南曹逐縫使印。都於後面粘紙。其前後歷任文書。都計多少紙數。仍具年月判成授某官。蓋懼其或分假於人故也。其年十月中書奏吏部內銓諸色選人。先條流試判兩節。並委本官優劣第等申奏。文優者宜超一資注擬。其次者宜依資。更次者以同類官注擬。所以勵援毫之作。亦不掩歷任之勞。其或於理道全疏者。以人戶少處州縣同類官中比擬。仍準元敕。業文者。任徵引古今。不業文者。但據公理判斷可否。不當罪在有司。兼諸色選人。或有不通家狀。不實鄉里名號。將來赴選者。並令改正。本貫屬鄉縣。兼無出身。一奏一除官等。並不加選限。從之。

應順元年春正月丁卯。中書門下奏。準天成二年十二月敕。長定格應經學出身人。一任三攷。許入下縣令。下州錄事參軍。亦入中下州錄事參軍。兩任四攷。許入中下縣令。中州錄事參軍。兩任六攷。許入上縣令。及緊州錄事參軍。凡爲進取。皆有因依。或少年便受好官。或暮齒不離卑任。況孤貧進士。或年四十始

得經學及第八年合選。方受一官。在任多不成三攷。第二選漸向蹉跎。有一生終不至令錄者。若無改革。何以發揚。自此經學出身。請一任兩攷。許入中下縣令。下州錄事參軍者。詔曰。參選之徒。艱辛不一。發身遲滯。到老卑低。宜優未達之人。顯示維新之澤。其經學出身。一任兩攷。元敕入下縣令。下州錄事參軍起。今後更許入中下縣令。下州錄事參軍。一任三攷者。於人戶多處州縣注擬。如於近敕條內資敘無相當者。卽準格循資攷入官。其兩任四攷者。準二任五攷例入官。餘準格條例處分。

昇元六年冬十月。詔曰。前朝失御。強梗崛起。大者帝。小者王。不以兵戈利勢弗成。不以殺戮威武弗振。民受其弊。蓋有年矣。或有意於息民者。尙以武人用事。不能宣流德化。其宿學巨儒。察民之故者。岷巖之下。往往有之。彼無路光亨。而進以附偃爲嫌。退以清寧爲樂。則上下之情。將何以通。簡易之政。將何所議乎。昔漢世祖數年之間。被堅執銳。提戈斬馘。一日晏然而兵革之事。雖父子之親。不以一言及之。則兵爲民患。其來尙矣。今唐祚中興。與漢頗同。而以眇眇之身。坐制元元之上。思所以舉而錯之者。煢煢在疚。罔有所發。三事大夫。可不矜乎。自今宜舉用儒者。以補不逮。後主三年春三月。命吏部侍郎修國史韓熙載知貢舉。放進士王崇古等九人。又命中書舍人徐鉉覆試舒雅等五人。雅等不就。後主乃自命詩賦題。以中書官洩其事。五人皆見黜。

後主十一年春二月。內史舍人張佖知禮部貢舉。放進士楊遂等三人。清耀殿學士張洎言佖多遺才。後

主命泊攷獲遺不中第者。於是又放王倫等五人。其後又命戶部員外郎伍喬於園城中放進士孫確等三十八人。

續唐書卷十八

職官志

古者建官之法。取象於天。執法在南宮之右。上相處端門之外。而烏龍居位。雲火垂名。其來尙矣。黃帝置三公之秩。少昊配九扈之名。命重黎而天地以通。詔融冥而水火既濟。則又可得而言焉。伊尹曰。三公調陰陽。九卿通寒暑。大夫知人事。列士去其私。而成湯居亳。初置二相。仲虺爲左。伊尹爲右。凡茲原委。具見典墳。及周之肇興。設官分職。元公制禮。具有成書。自秦變周官。漢承嬴舊。沿及魏晉六朝。或隨時適用。或因事改更。固時勢使然也。惟唐朝之分職。沿隋制者居多。具官司之別。曰省。曰臺。曰寺。曰監。曰衛。曰府。其位號之殊。有品。有爵。有勳。有階。迨乎六典旣作。遂爲一代成書。職有常守。位有常員。所以任羣材。理百事。攻覈固信。而有徵。門類亦精。而且密。故舊新兩書。備志百官。釐然各當。後唐承統。大率相因。舊史作志。僅載釐革升降之制。不列等級品秩之名。若夫南唐。亦仍舊典。今取故籍所可攷見者。輒采錄之。而略敘官名於後。以備省覽。其所失紀。姑爲闕疑。而文武階勳。如開府。特進之類。舊志俱可例觀。不復贅述焉。

天成四年秋八月。詔曰。朝廷每有將相恩命。準往例。諸道節度使。帶平章事。兼侍中。中書令。並列銜于敕。

牒後側書使字。今兩浙節度使錢鏐。是元帥尙父。與使相名殊。承前列銜。久未改正。湖南節度使馬殷。先兼中書令之時。理宜齒於相位。今守太師尙書令。是南省官資。不合列署敕尾。今後每署將相敕牒。宜落下錢鏐馬殷官位。仍永爲常式。

長興元年秋九月。詔曰。臺轄之司。官資並設。左右貂素來相類。左右揆不至相懸。以此比方。豈宜分別。自此宜升尙書右丞官品。與左丞並爲正四品。

右都省。

長興四年秋九月。敕馮贛有經邦之茂業。宜進位於公台。但緣平章事犯其父名。不欲斥其家諱。可改同平章事爲同中書門下二品。避其父諱也。

右兩省。

清泰二年冬十一月制。以前同州節度使檢校太尉同平章事馮道爲守司空。時議者曰。自隋以來。三公無職事。自非親王不恆置。於宰臣爲加官。無單置者。道在相位時。帶司空。及罷鎮。未命官。議者不練事。率意行之。及制出。言議紛然。或云。便可綜中書門下事。或云。須冊拜開府。及就列無故事。乃不就朝堂敘班。臺官兩省官入就列。方入。宰臣退。踵後先退。劉昫又以罷相爲僕射。出入就列。一與馮道同。議者非之。

右三公。

天成元年夏六月。以李琪爲御史大夫。自後不復除。其年冬十一月丙子。諸道進奏官上言。今日四日。中丞上事。臣等理合至臺。比期不越前規。依舊傳語。忽蒙處分。通出尋則。再取指揮。要明審的。又蒙問大夫相公上事。曰如何。臣等訴云。大夫曾爲宰相。進奏官伏事中書。事體之間。實爲舊例。若以別官除授。合云傳語勞來。又堅令通出。臣等出身藩府。不會朝議。拒命則恐有奏聞。遵稟則全墮則例。伏恐此後到臺參賀儀則不定者。詔曰。御史臺是大朝執憲之司。乃四海繩違之地。凡居中外。皆所整齊。藩侯尙展於公。參邸吏豈宜於抗禮。遽觀論列。可驗侮輕。但以喪亂孔多。紀綱墮紊。霜威埽地。風憲銷聲。今則景運維新。皇圖重正。稍加提舉。漸止澆訛。宜令御史臺凡關舊例。竝須舉行。如不稟承。當行朝典。時盧文紀初拜中丞。領事於御史府。諸道進奏官來賀。文紀曰。事例如何。臺吏喬德威等言。朝廷在長安日。進奏官見大夫中丞。如胥吏見長官之禮。及梁氏將革命。本朝微弱。諸藩強據人主。大臣姑息。邸吏時中丞上事。邸吏雖至。皆於客次傳語。竟不相見。自經兵亂。便以爲常。文紀令臺吏諭以舊儀相見。據案端簡。通名再拜。邸吏輩旣出。怒不自勝。相率於閣門求見。騰口誼訴。明宗謂趙鳳曰。進奏官比外何官。鳳對曰。府縣發遞。祇候之流也。明宗曰。乃吏役耳。安得慢吾法官。乃下此詔。

右御史臺

同光元年夏四月。置護鑾書制學士。以尙書倉部員外郎趙鳳爲之。時莊宗初建號。故特立此名。非故事。

也。其年八月，賜翰林學士承旨戶部尚書盧質論思匡佐功臣，亦非常例也。

昔唐朝擇中官一人爲樞密使，以出納帝命，樞密使與兩軍中尉，謂之四貴。天祐元年，廢。梁改樞密院爲崇政院，始命敬翔爲院使，仍置判官一人，自後改置副使一人，又置崇政院直學士二員，選有政術文學者爲之。其後又改爲直崇政院。同光元年冬十月，崇政院依舊爲樞密院，命宰臣郭崇韜爲兼樞密使，亦置直院一人。

同光元年冬十一月，以左監門衛將軍判內侍省李紹宏兼內甸，凡天下錢穀簿書，悉委裁遣。自是州縣供帳繁費，議者非之。又內甸之名，人以爲不祥之言。二年正月，敕鹽鐵度支戶部三司，凡關錢物，竝委租庸使管轄，踵梁之舊制也。天成元年四月，詔廢租庸院，依舊爲鹽鐵戶部度支三司，委宰臣一人專判。至長興元年八月，以許州節度使張延朗行工部尚書充三司使，班在宣徽使之下。三司置使，自延朗始也。唐朝以來，戶部度支掌泉貨，鹽鐵特置使，名戶部度支，則尚書省本司郎中侍郎判其事。天寶中，楊慎矜、王鉷、楊國忠相繼以聚貨之術，媚上受寵，然皆守戶部度支本官，別帶使額，亦無所改作。下及劉晏、第五琦，亦如舊制，自後亦以宰臣各判一司，不置使額。乾符後，天下兵興，隨處置租庸使，以主調發，兵罷則停。梁時乃置租庸使，專天下泉貨。莊宗中興，秉政者不嫻典故，踵梁時故事，復置租庸使，以魏博故吏孔謙專使，務斂怨於下。斲喪王室者，實租庸之弊故也。洎明宗嗣位，思革其弊，未及下車，乃詔削除使名，但命

重臣一人判其事。曰判三司。至是延朗自許州入再掌國計。白於樞密使。請置三司名。宣下中書議其事。宰臣以舊制覆奏。授延朗特進行工部尚書。充諸道鹽鐵轉運等使。兼判戶部度支事。從舊制也。明宗不從。竟以三司使爲名焉。

右三司使

天成元年夏五月。敕翰林學士尚書戶部侍郎知制誥馮道。翰林學士中書舍人趙鳳。俱以本官充端明殿學士。非舊號也。時明宗登位。每四方書奏。多令樞密使安重誨讀之。不曉文義。於是孔循獻議。始立端明殿學士之名。命道等爲之。

天成二年春正月。敕端明殿學士宜命班在翰林學士上。今後如有轉改。仍只於翰林學士內選任。初置端明殿學士名目。如三館之例。職在官下。趙鳳轉侍郎。遣人諷任圓移職在官上。至今爲例。

天成三年秋八月。敕掌綸之任。擢才以居。或自初命而升。或自顯秩而授。蓋重厥職。靡繫其官。雖事分皆同。而行綴或異。誠由往日。未有定規。議官位則上下不恆。論職次則後先未當。宜行顯命。以正近班。今後翰林學士入院。竝以先後爲定。惟承旨一員。出自朕意。不計官資先後。在學士之上。仍編入翰林。志其年十一月。敕新除翰林學士張昭遠。早踐綸闈。久司史筆。會居憲府。累陟貳卿。今既擢在禁林。所宜別宣班序。其立位宜次崔協。長興三年。翰林學士劉昫奏。舊例學士入院。除中書舍人卽不試。餘皆宣賜麻制。批

荅詩賦各一道。號曰五題。後來雖有召試之名。無攷校之實。欲請今後召試新學士。權停試詩賦。祇試麻制荅共三道。內賜題目。定字數。付本院召試。從之。

右內職。

天成三年夏五月。詔曰。開府儀同三司。階之極。太師。官之極。封王。爵之極。上柱國。勳之極。近代以來。文臣官階稍高。便授柱國。歲月未深。便轉上柱國。武資不計何人。初官便授上柱國。官爵非無次第。階勳備有等差。宜自此時。重修舊制。今後凡是階勳。先自武騎尉經十二轉。方授上柱國。永作成規。不令踰越。雖有是命。竟不革前例。

右勳格。

清泰二年秋九月庚申。尙書考功上言。今年五月翰林學士程遜所上封事。內請自宰相百執事外。鎮節度使刺史。應係公事官。逐年書攷。較其優劣。遂檢尋唐書六典會要。攷課令書攷第。從之時。議者曰。考績之法。肇自唐堯。三代舊制。西漢以刺史六條察郡守。五曹尙書綜庶績。法尤精察。吏有檢繩。漢末亂離。舊章弛廢。魏武於軍中。權制品第。議吏清濁。用人按吏。頓爽前規。隋唐以來。始著於令。漢代郡守。入爲三公。魏晉之後。政在中書。左右僕射知政事。午前視禁中。午後視省中。三臺百職。無不統攝。以是論之。宰輔憑何較攷。自天寶末。權置使務已後。庶事因循。尙書諸司。漸致有名無實。廢墜已久。未知憑何督責。程遜所

上亦未詳本原。其時所司雖有舉明內外諸官，亦無攷較之事。

右較攷

同光元年冬十一月，中書門下奏：諸寺監各請只置大卿監、祭酒、司業各一員，博士兩員，其餘官屬竝請權停。惟太常寺事關大禮，大理寺事關刑法，除太常博士外，許更置丞一員。其王府及東宮屬、司天五官、正奉御之類，凡不急司丞，竝請未議除授。其諸司郎中員外郎，應有雙曹處，且署一員。左右散騎常侍、諫議大夫、給事中、起居郎、起居舍人、補闕、拾遺置一半。三院侍御史中丞，調理申奏，即日停罷。朝官仍各錄名氏，具罷任月日，留在中書省候見。任官滿二十五箇月，竝據資品，卻與除官從之。

右增減

天成元年冬十一月，詔曰：雄武軍節度使官銜內，宜兼押蕃落使。天成二年秋七月，詔曰：頃因本朝親王遙鎮，其在鎮者，遂云副大使知節度事。但年已深，相沿未改。今天下侯伯，竝正節旄，惟東西兩川未落副大使字，宜令今後只言節度使。長興元年，分飛龍院爲左右院，以小馬坊爲右飛龍院。

右改制

同光二年春三月，中書門下奏：糾轄之任，時爲外臺。宰字之官，古稱列爵，如非朝命，是廢國章。近日諸道

多是各列官銜。便指州縣請朝廷之正授。樹藩鎮之私恩。頗亂規程。宜加條制。自今後大鎮節度使管三州以上者。每年許奏管內官三人。如管三州以下者。許奏管內官二人。仍須有課績尤異。方得上聞。若止於檢慎無瑕。科徵及限。是守常道。只得書旌嘉。不得特有薦奏。其防禦使每年只許奏一人。若無尤異。不得奏薦。刺史無奏薦之例。不得輒亂規程。其年八月。中書奏。僞庭之時。諸藩參佐。皆從除授。自今後。諸道除節度副使兩使判官除授外。其餘職員。并諸州軍事判官。各任本處奏辟。其軍事判官。仍不在奏官之限。所冀招延之禮。皆合於前規。簡辟之閒。無聞於濫舉。從之。

長興二年冬十一月。詔曰。闕員有限。人數常多。須以高低。定其等級。今後兩使判官罷任後。宜一年外與比擬。書記支使防禦團練判官等。二年外推。防禦團練推官軍事判官等。竝三年後與比擬。仍每遇除授。量與改轉官資。或階勳。或職資。其有殊常勤績者。別議優升。若有文學智術。超邁羣倫。或爲衆所稱。或良知迴舉。察驗的實者。不拘年月之限。

清泰二年秋八月。中書門下上言。前大御監五品升朝官。西班牙將軍。皆在任許滿二十五月。如衝替已經二十月。卽別任用。少卿監舊例三任四任。方入大卿監。五品三任四任。方入少卿監。今後竝祇三任。遂任須月限滿無殿責者。便入此官。西班牙將軍罷任一年。許求官。舊例三任四任。方入大將軍。今祇無殿責。或曾任金吾衛使藩鎮刺史。特敕竝不拘此例。諸道除兩使判官外。書記已下。任自辟請。應朝官除外。任罷

任後。一年方許陳乞。諸道賓席。未曾升朝者。若官兼三院御史。卽除中下縣令。兼大夫中丞祕書少監郎中員外郎。與清資初任升朝官。檢校官至尙書常侍祕書監庶子。升朝便與少卿監。諸州防禦團練判官。竝請本州奏辟。中書不更除授。應出選門官。帶三院御史供奉裏行。及省銜。罷任後周年。許陳乞諸州別駕。不除令錄。仍守本官月限。得替後一年。許陳乞長史司馬。因攝奏正未有官者。送名從之。清泰三年夏五月乙未。詔曰。近以內外臣寮。出入迭處。稍均勞逸。免滯轉遷。應兩司判官畿赤令。取郎中員外補闕拾遺三丞五博。少列宮寮。選擇擢任。一則俾藩方侯伯。別擢賓嘉階。次則致朝列人臣。備諳時政。今後或有滿闕。便宜依此施行。

右釐革

長興二年春正月。詔曰。要道纔行。則千岐共貫。宏綱一舉。則萬目畢張。前王之法制罔殊。百代之科條悉在。無煩改作。各有定規。守程式者。心逸日休。率胸臆者。心勞日拙。天垂萬象。星辰之分野。靡差。地載羣倫。岳瀆之方隅。不易。儻各司其局。則皆盡其心。且律令格式六典。凡關庶政。互有區分。久不舉行。遂致墮紊。宜準舊制。令百司各於其閒。錄出本局公事巨細。一一鈔寫。不得漏落纖毫。集成卷軸。仍粉壁書在公廳。若未有廡署者。文書委官司主掌。仍每有新事官到。令自寫錄一本披尋。或因顧問之時。應對須知次第。無容曠闕。每在執行。使庶寮則守法奉公。宰臣則提綱振領。必當彝倫攸敘。至道不繁。何必期年。然後報

政宜令御史臺編加告諭。催促限兩月內鈔錄。俟粉壁書寫須畢。其閒或有未可便行。及曾釐革事。委逐司旋申中書門下。當參酌奏覆施行。其年八月。敕今後大理寺官員。宜同臺省官吏升進。其法直官比禮直官任使。

應順元年春三月戊午。宗正上言。故事諸陵有令丞各一員。近令丞不俱置。便委本縣令兼之。緣河南洛陽是京邑。恐兼令丞不便。詔特置陵臺令丞各一員。

右雜錄

太師、太傅、太保。舊制謂之三師。

太尉、司徒、司空。舊制謂之三公。自唐季三師三公。多以昇藩鎮及贈官。

大司徒。

左丞相。同光初謂之行臺左丞相。 右丞相。

平章事。長興四年。敕馮贇緣平章事字犯其家諱。改同平章事為中書門下三品。

樞密院使。樞密使。唐故以宦者為之。其職甚微。同光初。參用士人。而與宰相權任相等。南唐貶制。改樞密院為光政院。 副使。

宣徽院使。後唐時謂之宣徽南院使。 副使。

尚書省。南唐貶制。改司會府。 尚書令。參判尚書都省。知尚書省事。判尚書二省。判三司。

左僕射。右僕射。

左丞。右丞。梁改左右丞為左右司侍郎。避諱也。同光元年。復舊。左司郎中。員外郎。右司郎中。員外郎。

吏部尚書。銓。判吏部。銓。兩省侍郎。吏部。司勳。考功。員外郎。上。

戶部尚書。侍郎。郎中。戶部。度支。倉部。員外郎。上。

禮部尚書。侍郎。郎中。禮部。祠部。膳部。主客。員外郎。上。

兵部尚書。侍郎。郎中。兵部。駕部。職方。庫部。員外郎。上。

刑部尚書。侍郎。郎中。刑部。比部。都官。司門。

工部尚書。侍郎。郎中。工部。屯田。水部。員外郎。上。

門下省。南唐貶制。改左內史府。侍中。侍郎。散騎常侍。左諫議大夫。給事中。左補闕。起居郎。左拾遺。

城門郎。梁改城門郎為門局郎。避諱也。同光元年。復舊。

翰林院學士。後改文館。侍讀學士。侍講學士。校書郎。博士。待詔。內供奉。司執。畫苑學士。唐南

置。文理院待詔。宏文館校書郎。

護鑾書制學士。梁改思政殿為金鑾殿。置大學士一員。以敬翔為之。同光元年。又置護鑾書制學士一員。以趙鳳為之。

集賢殿學士。直學士。侍讀學士。侍講。校書正字。史館修撰。校理。

端明殿學士。天成元年。孔循獻議始置。命馮道。趙鳳俱以學士充。班在翰林學士上。

勤政殿學士。

光政殿學士承旨。

清輝殿學士。直學士。

澄心堂承旨。殿前承旨。

閣門承旨。中門使。武功殿使。

中書省。南唐貶制。改內右史府。中書令。判中書省。侍郎。後改內史侍郎。知制誥。

右散騎常侍。右諫議大夫。右補闕。右拾遺。

中書舍人。後改內史舍人。起居舍人。通事舍人。

祕書省。監。少監。丞。祕書郎。校書郎。正字。

著作局郎。著作佐郎。

司天臺。監。少監。

殿中省。監。少監。

內侍省。監。

御史臺南唐貶制改司憲府·御史大夫·中丞·侍御史知雜事·殿中侍御史·監察御史。

太常寺卿·少卿·丞·博士·奉禮郎。

光祿寺卿·少卿。

衛殿寺卿·少卿·丞。

宗正寺卿·宗正郎·園陵使同光三年六月·宗正卿李紱為昭宗少帝改卜園陵使·陵臺令·丞應順元年三月·詔特置陵臺令丞各一員。

太僕寺卿·少卿·左飛龍院使·右飛龍院使梁改小馬坊使為天驥使·長興元年·分飛龍院為左右院·以小馬坊為右飛龍院。

大理寺南唐貶制改詳刑院·卿·少卿·司直·評事。

客省使南唐貶制改延賓院·引進使。

司農寺卿判司農事·少卿。

國子監·司業·助教·博士。

太府卿。

少府監·少監。

太醫令。

園苑使·瓊林使·光慶使·昭慶宮使·德昌宮使·莊宅使。

左右街使。

丹楊宮使。

太子太師、太傅、太保、太子少師、少傅、少保、太弟太保、少保。

太子賓客。

太子詹事。

太子左右諭德。

太子左右庶子。

司議郎。

太子洗馬、東宮使。

崇文館直學士。

太子中允。

天下兵馬大元帥、副元帥、元帥府左右司馬。

諸道兵馬元帥、諸道副元帥。

左右衛上將軍、大將軍、將軍。

左右監門衛上將軍。大將軍。將軍。

左右千牛衛上將軍。大將軍。將軍。千牛身。

左右金吾衛大將軍。

左右神武衛大將軍。統軍。

左右羽林軍大將軍。

左右神衛使。

左右衛聖統軍。

侍衛都軍使。侍衛諸軍都虞候。侍衛軍虞候。

龍武軍都虞候。

天威軍統軍。天威軍都虞候。

神衛軍都虞候。

諸衛巡官。

馬步都校。

冠軍大將軍。

大都督。

諸軍都監。

行營都部署。

行營招討使。

營屯都虞候。

諸軍虞候。

行營糧料使。

行營應接使。

監軍使。

先鋒橋道使。

戰棹指揮使。

戰棹都虞候。

突陣指揮使。

屯營使。

巡檢使。

統軍使。

沿淮都巡檢

沿江都部署

凌波都虞候

都押牙軍使

都城烽火使

節度使 副大使

知節度使 留後

押蕃落使 天成元年十一月詔雄武軍節度使官銜內宜兼押蕃落使

行軍司馬 副使

判官 支使 掌書記 推官 軍事推官 巡檢 衙推 館驛巡官

制置使

觀察使 副使 判官

團練使 副使

安撫使

巡撫使

諸路屯田使 糧料判官 營田判官

租庸使 南唐不置

鹽鐵院使。判官。鹽鐵轉運使。南唐曰同運務使。鑄錢使。

防禦使。

指揮使。

留守院留守。副留守。

京尹。少尹。

尹。少尹。

刺史。司馬。別駕。通守。錄事。參軍。司功。司倉。司兵。司法。司戶。司士。司田。司獄。文學。從事。

令。丞。主簿。尉。

右街僧錄。